




Empat Puluh
Hadith
Asas
Muamalat
Islam

Dr. Abdullaah Jalil




WISDOM
PUBLICATION



Empat Puluh
Hadith
Asas
Muamalat
Islam

Draf 1.1



Empat Puluh
Hadith
Asas
Muamalat
Islam

Dr. Abdullaah Jalil





WISDOM PUBLICATION NS0078217-W
No. 110, Jalan Dillenia 3, Laman Dillenia,
Nilai Impian,
Nilai, Negeri Sembilan.
Tel: 06-794 6394
Email: wisdompublisher@gmail.com
FB Page: Wisdom Publication
Gambar: Unsplash

Hak Cipta Terpelihara © 2023 Wisdom Publication

Edisi Draf 1.1: 18 November 2023 [Masih dalam proses semakan]

Tidak dibenarkan mengeluarkan ulang mana-mana bahagian artikel, ilustrasi dan isi kandungan buku ini dalam apa juga bentuk dengan apa jua cara sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Wisdom Publication (NS0078217-W) atau penulis.

Pencetak:
ZARASA ENTERPRISE,
001372482-A,
C-7-G, Jalan Jati 9, Acacia Avenue, Putra Nilai,
71800 Nilai, Negeri Sembilan.
Tel: +6019-282 6924
Email: zarasaenterprise@gmail.com

Firman Allah ﷻ (Al-Nisā':29):

﴿ يَا أَيُّهَا الَّذِينَ آمَنُوا لَا تَأْكُلُوا أَمْوَالَكُم بَيْنَكُم بِالْبَاطِلِ إِلَّا أَنْ تَكُونَ تِجَارَةً
عَنْ تَرَاضٍ مِنْكُمْ وَلَا تَقْتُلُوا أَنْفُسَكُمْ إِنَّ اللَّهَ كَانَ بِكُمْ رَحِيمًا ﴾

“Wahai orang-orang yang beriman, janganlah kamu makan (gunakan) harta-harta kamu sesama kamu dengan jalan yang salah (tipu, judi dan sebagainya), kecuali dengan jalan perniagaan yang dilakukan secara suka sama suka (saling reda meredai) di antara kamu, dan janganlah kamu berbunuh-bunuhan sesama sendiri. Sesungguhnya Allah sentiasa Mengasihani kamu.”

Buat ayahanda dan bonda: Haji Jalil bin Omar dan Hapisah binti
Ismail.

Buat isteri yang sentiasa dikasihi: Suraiya Binti Osman, dan anak-
anak tercinta: Abdurrahman al-Munib, Maryam al-Safiyah, Sara al-
Ameena, Ibtisam al-Nafeesa dan Muhammad al-Habib.

Buat seluruh ahli keluarga.

Buat seluruh saudara-saudariku para muslimin dan muslimat.

PRAKATA PENERBIT

بِسْمِ اللَّهِ الرَّحْمَنِ الرَّحِيمِ

Dengan nama Allah, yang Maha Pemurah, lagi Maha Pengasih. Segala pujian hanyalah bagi Allah ﷻ, Tuhan yang mencipta, memiliki dan mentadbir seluruh alam ini. Selawat dan salam dipanjatkan kepada junjungan kita Nabi Muhammad ﷺ serta ahli keluarga dan para sahabat Baginda ﷺ, juga buat seluruh umat Islam yang menuruti jalan Baginda ﷺ sehingga ke hari kiamat.

Ammā ba'd (Adapun selepas itu):

Pihak penerbit sekali lagi memanjatkan kesyukuran kepada Allah ﷻ di atas taufik-Nya buat pihak kami untuk menerbitkan sebuah lagi buah tangan Dr. Abdullaah Jalil di dalam bidang Muamalat Islam. Fiqh Muamalat adalah satu disiplin ilmu yang sangat luas dan dinamik serta mencabar. Buku ini dilihat sesuai untuk dijadikan sebagai “pintu masuk” dan “asas pertama” bagi membina kefahaman yang menyeluruh tentang Fiqh Muamalat. Membina asas yang kukuh dengan memahami dan meneliti hadith-hadith utama adalah salah satu kaedah terbaik bagi memulakan pengajian di dalam bidang ini. Semoga pihak kami terus diberi taufik dan kekuatan oleh Allah ﷻ untuk berkhidmat dalam dunia penerbitan ilmiah yang memberi manfaat kepada umat Islam dan manusia sejagat. Akhir kata dari kami: “Selamat membaca dan mengambil manfaat daripada buku ini.”

Wisdom Publication,

Nilai, Negeri Sembilan

PRAKATA PENGARANG

بِسْمِ اللَّهِ الرَّحْمَنِ الرَّحِيمِ

Dengan nama Allah, yang Maha Pemurah, lagi Maha Pengasih. Segala pujian bagi Allah ﷻ, pencipta seluruh alam dan pemberi segala nikmat. Selawat dan salam buat Rasulullah ﷺ - Sayyidina Muhammad ﷺ -, ahli keluarga dan para sahabat Baginda ﷺ, serta seluruh orang beriman yang menuruti jalan Baginda ﷺ sehingga ke hari kiamat.

Ammā ba'd (Adapun selepas itu):

Penulis bersyukur kepada Allah di atas taufik dan kurnia-Nya bagi menyiapkan buku ini. Penulis amat berharap agar buku yang kecil dan usaha yang kerdil ini dapat menyuntik serba sedikit rasa keprihatinan pembaca terhadap kepentingan ilmu Muamalat Islam dan seterusnya mempelajarinya dengan lebih terperinci dan teliti serta mengamalkannya dalam kehidupan seharian. Ia adalah satu usaha bagi memudahkan gapaian asas hadith *mawḍū'ī* (tematik) kepada para pelajar dan pembaca yang berminat untuk mengetahui kerangka umum Fiqh Muamalat. Hadith-hadith ini akan membentuk kefahaman umum bagi para penelitinya tentang asas kerangka Fiqh Muamalat di dalam Syariat Islam – Insya-Allah. Semoga kita semua dapat menjadikan urusan Muamalat kita sebagai peluang ibadah kita dan seterusnya menjadikan ia sebab mendapatkan keredaan Allah ﷻ, rahmat-Nya, keampunan-Nya dan syurga-Nya. Semoga buku ini bermanfaat buat semua.

Dr. Abdullaah Jalil,

Nilai, Negeri Sembilan.

PANDUAN TRANSLITERASI

'	ء
b	ب
t	ت
th	ث
j	ج
ḥ	ح
kh	خ
d	د
dz	ذ
r	ر
z	ز
s	س
sh	ش
ṣ	ص
ḍ	ض

ṭ	ط
ẓ	ظ
'	ع
gh	غ
f	ف
q	ق
k	ك
l	ل
m	م
n	ن
h	هـ
h	ة
w	و
y	ي

da	دَ
du	دُ
dī	دِي
al-Taqī	التَّقِيُّ

di	دِ
dā	دَا
dū	دُو
Taqiyy al-Dīn	تَقِيُّ الدِّينِ

ISI KANDUNGAN

PRAKATA PENERBIT	i
PRAKATA PENGARANG	ii
PANDUAN TRANSLITERASI	iii
ISI KANDUNGAN.....	iv
SENARAI JADUAL.....	xii
SENARAI GAMBAR RAJAH.....	xii
❖ PENDAHULUAN ❖.....	1
Kewajipan Mempelajari Fiqh Muamalat	2
Komponen Fiqh Muamalat	3
Dua Pululuh (20) Formula Asas Fiqh Mumalat	3
Lima (5) Pendekatan Umum Syariah bagi Fiqh Muamalat.....	4
Lima (5) Ciri-ciri Unik Fiqh Muamalat	4
Lima (5) Amalan Asas Fiqh Muamalat	5
Lima (5) Larangan Utama Fiqh Muamalat.....	5
Empat Puluh (40) Hadith Asas Muamalat	6
[BAHAGIAN 1] AKAD MU'ĀWAḌĀT: JUAL BELI DAN SEWA/UPAH	
.....	8
Hadith 1: Pensyariatian Jual-Beli Yang Bebas dari Elemen Haram	
.....	9
Hadith 2: Kerelaan Pihak Yang Saling Berjual-Beli adalah Asas	
Jual-Beli	12

2.1 Jual-Beli Perlu Dilakukan dengan Kerelaan Kedua-Dua Belah Pihak.....	12
2.2 Khutbah Rasulullah ﷺ : Harta Seseorang Tidak Boleh Diambil Melainkan dengan Kerelaannya	13
2.3 Harta Seseorang Tidak Boleh Diambil atau Dipindah milik Melainkan dengan Kerelaannya	13
Hadith 3: Jual-Beli <i>al-Şarf</i> (Jual-Beli Wang)	16
Hadith 4: Jual-Beli <i>Salam/Salaf</i> (Dengan Penangguhan Serahan Barang Jualan)	18
Hadith 5: Jual-Beli <i>Istişnā`</i> (Pembuatan)	20
5.1 Cincin Rasulullah dan Ukirannya ﷺ	20
Hadith 6: Jual Beli Hutang (<i>Bay` al-Dayn</i>)	23
Hadith 7: <i>Ijārah</i> (Akad Sewaan dan/atau Upah)	26
7.1 Membayar Upah dengan Segera.....	26
7.2 Tidak Membayar Upah kepada Pekerja Yang Telah Menyelesaikan Kerjanya adalah Dosa Yang Besar	27
Hadith 8: <i>Khiyār</i> Jual-Beli (Opsyen atau Hak untuk Membatalkan Akad atau Memindanya).....	30
Hadith 9: <i>Iqālah</i> (Memansuhkan) Akad Jual-Beli (Secara Sukarela)	32
Hadith 10: <i>Ja`ālah</i> (Janji Hadiah)	34
[BAHAGIAN 2] JUAL-BELI YANG DIHARAMKAN	38
Hadith 11: Pengharaman Riba Hutang.....	39
Hadith 12: Pengharaman Riba Jual-Beli.....	42
Hadith 13: Pengharaman <i>Gharar</i>	45

Hadith 14: Pengharaman Maysir.....	48
14.1: Tiga Bentuk Maysir.....	48
14.2: Menukar Qimār Menjadi Sedekah	49
Hadith 15: Pengharaman <i>Ḍarar</i> (Mudarat)	53
15.1 Larangan Jual-Beli Yang Memudaratkan Pihak Lain	54
15.2 Larangan Jual-Beli Senjata Ketika Berlaku Pertelingkahan Sesama Umat Islam	54
15.3 Pengharaman <i>Ghaṣb</i> (Rampasan Harta Secara Zalim).	55
15.4 Azab bagi Mereka Yang Mengambil Tanah Secara Zalim Walaupun Sejengkal	55
Hadith 16: Pengharaman <i>Intihāk al-Ḥurmah al-Shar‘iyyah</i>	58
[BAHAGIAN 3] AKAD PERKONGSIAN	60
Hadith 17: <i>Mushārah</i> (Akad Perkongsian Modal, Keuntungan dan Kerugian) Membawa Keberkatan.....	61
17.1 Rakan Kongsi Rasulullah ﷺ : al-Sa‘ib bin Abu al-Sa‘ib <small>رضي الله عنه</small>	61
17.2 Rasulullah ﷺ Memperakui Perkongsian Zayd bin Arqam <small>رضي الله عنه</small> dan al-Bara’ bin ‘Azib <small>رضي الله عنه</small>	62
Hadith 18: <i>Muḍārabah</i> (Akad Perkongsian Keuntungan dengan Gabungan Modal dan Usaha) Sayyidina ‘Abbās <small>رضي الله عنه</small> Diperakui oleh Rasulullah ﷺ	64
18.1 <i>Muḍārabah</i> Membawa Keberkatan	65
Hadith 19: <i>Musāqāh</i> , <i>Muzāra‘ah</i> , <i>Mukhābarah</i> dan <i>Mughārasah</i> (Akad Perkongsian Usaha dan Hasil Tanaman)	68

19.1 Rasulullah ﷺ Melakukan <i>Mu‘āmalah</i> dengan Penduduk Khaybar	68
[BAHAGIAN 4] AKAD-AKAD TABARRU’	72
Hadith 20: Hibah (Pemberian Tanpa Timbal Balik)	73
20.1: Hadiah Membuang Kebencian dan Permusuhan di Hati	73
20.2 Hibah atau Hadiah Memupuk Kasih Sayang	74
20.3 Sunnah Membalas Hadiah dan Pemberian	74
20.4 Perintah Berlaku Adil dalam Pemberian Hadiah kepada Anak-anak.....	75
20.5 Larangan Meminta Kembali Pemberian Yang Diberi Melainkan Pemberian Ayah kepada Anaknya	76
Hadith 21: Sedekah	78
21.1 Sedekah Menjadi Pelindung Sehingga Hisab Dijalankan	78
21.2 Sedekah Sebagai Hadiah Pahala Buat Yang Telah Wafat	79
Hadith 22: Wakaf: Menahan Pemilikan Harta Serta Mengalirkan Manfaat dan Hasil.....	81
Hadith 23: ‘ <i>Āriyyah</i> : Memberi Pinjaman Barang Tidak Pakai Habis	84
23.1 Rasulullah ﷺ Meminjam Kuda Daripada Abū Ṭalḥah ؓ .	84
23.2 Adakah “ <i>Āriyyah</i> ” itu Yad al-Amanah atau Yad al-Damanah?	85
Hadith 24: <i>Manīḥāh</i> (<i>Ibāḥah</i> bagi Hasil)	88
24.1 Kelebihan <i>Manīḥāh</i>	88
[BAHAGIAN 5] PINJAMAN DAN PENGURUSAN HUTANG	90

Hadith 25: <i>Qarḍ</i> (Pinjaman Pakai Habis)	92
25.1 Pinjaman dengan Syarat Manfaat Tambahan adalah Riba'95	
25.2 Athar Faḍālah bin 'Ubayd ﷺ	96
25.2 Membayar Pinjaman Dengan Tambahan Tanpa Bersyarat Dibenarkan	96
Hadith 26: <i>Kafālah</i> (Jaminan).....	99
26.1 Rasulullah ﷺ Tidak Mensolatkan Jenazah Yang Meninggalkan Hutang Yang Tidak Dijamin atau Dicagar	99
26.2: Rasulullah ﷺ Menjamin Hutang Muslim Yang Telah Wafat	101
Hadith 27: <i>Rahn</i> (Gadaian: Mencagarkan Barang Bagi Jaminan Hutang)	104
27.1 Rasulullah ﷺ Menggadaikan Baju Perang Baginda ﷺ kepada Seorang Yahudi.....	104
Hadith 28: Ḥawālah/ Ḥiwālah (Pemindahan Hutang).....	107
28.1 Kelewatan Membayar Hutang - Jika Mampu Membayaranya - adalah Satu Kezaliman	107
[BAHAGIAN 6] MENGHALANG PIHAK YANG TIDAK LAYAK BERTASARUF	111
Hadith 29: <i>Ḥajr</i> (Halangan dari Melakukan Tasaruf ke atas Harta Sendiri).....	112
[BAHAGIAN 7] MELAKSANAKAN AMANAH.....	114
Hadith 30: <i>Wadī'ah</i> (Penjagaan Barang)	115
30.1 Status Asal Pemegang <i>Wadī'ah</i> ialah “ <i>Yad al-Amānah</i> ”.....	115
Hadith 31: <i>Wakālah</i> (Perwakilan)	118

31.1 Perwakilan Ḥakīm bin Ḥizām ﷺ.....	119
Hadith 32: <i>Luqatah</i> (Barang Hilang Yang Dijumpai dan Pemiliknya Tidak Diketahui).....	122
32.1 Pengiklanan dan Pemilikan	123
32.2 Mendapatkan Saksi Bagi Luqatah	124
[BAHAGIAN 8] PERTANDINGAN (<i>SIBĀQ</i>) DAN HADIAH PERTANDINGAN (<i>SABAQ</i>)	126
Hadith 33: <i>Sabaq/ 'Iwaḍ</i> Pertandingan.....	127
33.1: Rasulullah ﷺ Melakukan Perlumbaan Kuda	127
33.2: Sayyidatina A'ishah رضى الله عنها Berlumba Lari bersama Rasulullah ﷺ	128
[BAHAGIAN 9] HAK SHUF'ĀH.....	131
Hadith 34: <i>Shuf'ah</i>	132
34.1 Shuf'ah Berhak sebelum Persempadanan/ Pembahagian Tanah Dilakukan.....	132
34.2 Shuf'ah berhak bagi Pemilik Bersama Harta Tak Alih..	133
34.3 Tawaran Penjualan Aset Hartanah kepada Jiran	133
[BAHAGIAN 10] PERDAMAIAN DAN PENYELESAIAN PERTELINGKAHAN.....	136
Hadith 35: <i>Ṣulḥ</i> (Putus Pertengkaran): Persetujuan Bagi Menghilangkan Pertelingkahan dan Mencapai Muafakat di antara Pihak Yang Bertelingkah	137
[BAHAGIAN 11] SYARAT AKAD DAN URUF	139
Hadith 36: Syarat Akad Yang Tidak Bertentangan dengan Syariat Dibenarkan dan Dihormati	140

36.1 Syarat-syarat Yang Dipersetujui Tidak Boleh Mengharamkan Yang Halal atau Menghalalkan Yang Haram	140
Hadith 37: Uruf Sebagai Rujukan bagi Perkara Yang Tidak Mempunyai Nas Syariat	143
37.1 Athar ‘Abdullāh Ibnu Mas‘ūd ﷺ	143
[BAHAGIAN 12] DUA ADAB/ AKHLAK UTAMA DI DALAM MUAMALAT	147
Hadith 38: Sifat Amanah adalah Asas Kekayaan.....	148
38.1 Benar dan Amanah dalam Muamalat Menaikkan Darjat Peniaga di Akhirat	148
38.2 Para Peniaga Yang Khianat Dibangkitkan Sebagai Orang-orang Fasik/Jahat	149
Hadith 39: Toleransi dan Berhemah adalah Asas Akhlak Dalam Muamalat	151
39.1: Allah ﷻ Menyintai Sikap Tolak Ansur di dalam Muamalat	151
39.2: Allah ﷻ Cintakan Orang Yang Bertolak Ansur di dalam Muamalat.....	152
39.3: Allah ﷻ Mengurniakan Keampunan kepada Orang Yang Bertolak Ansur dengan Penghutangnya Yang Susah (<i>Mu‘sir</i>)	152
[BAHAGIAN 13] DOA MEMASUKI PASAR	154
Hadith 40: Doa Rasulullah ﷺ Ketika Memasuki Pasar	155
40.1: Doa Rasulullah ﷺ Ketika Memasuki Pasar (b)	156
40.2: MembacaTahlīl Kāmil Ketika Berada di dalam Pasar .	156
◀ RUMUSAN PENUTUP ▶	160

PENULIS	162
BIBLIOGRAFI.....	164

SENARAI JADUAL

Jadual 1: Implikasi Perbezaan Syarat-Syarat Jual-Beli Harta <i>Ribawī</i> di antara Jumhur dan Shafi‘iyyah	41
Jadual 2: Empat Senario Utama bagi Hukum Hadiah (<i>‘Iwad</i>) Pertandingan.....	130
Jadual 4: Komponen Sifat Amanah Menurut Perspektif Barat.....	150

SENARAI GAMBAR RAJAH

Gambar Rajah 1: Kedudukan Fiqh Muamalat di dalam Kerangka Ilmu Fardu Ain	2
Gambar Rajah 2: Dua Puluh (20) Formula Asas Muamalat.....	5
Gambar Rajah 3: Tiga Kategori Utama Jual-Beli	11
Gambar Rajah 4: Jenis-jenis Riba’	40
Gambar Rajah 5: Akad-akad Perkongsian Akad	60
Gambar Rajah 6: Wakaf Sayyidina ‘Umar al-Khattāb ﷺ.....	82
Gambar Rajah 7: Sebelum Ḥawālah.....	109
Gambar Rajah 8: Selepas Ḥawālah.....	109
Gambar Rajah 9: Jenis-jenis <i>Ṣulḥ</i>	138

﴿ PENDAHULUAN ﴾



Dengan nama Allah, yang Maha Pemurah lagi Maha Mengasihani. Segala pujian hanyalah bagi Allah, Tuhan Pencipta, Pemilik dan Pentadbir seluruh alam. Selawat dan salam buat junjungan dan penghulu kami, utusan Allah dan kekasih-Nya - Sayyidina Muhammad bin Abdullah ﷺ, serta ahli keluarga dan para sahabat Baginda ﷺ,

Adapun selepas itu (أَمَّا بَعْدُ),

Fiqh Muamalat adalah salah satu disiplin ilmu fiqh yang menjadi satu kefarduan ke atas setiap umat Islam. Pembelajaran muamalat Islam amat penting bagi melahirkan seorang muslim bersikap holistik yang tidak hanya melihat ibadah dan ketaatannya ketika di dalam masjid dan surau atau di atas sejadah dan tikar sembahyang, tetapi dia juga menyedari bahawa perkara muamalat juga adalah urusan ibadahnya dengan Allah kerana di sana juga ada perintah Allah dan Rasul-Nya serta larangan Allah dan Rasul-Nya. Dengan menghayati bahawa hubungan manusia dengan manusia di dalam perkara berkaitan harta dan kewangan juga adalah ibadah, maka seseorang muslim itu akan lebih sempurna dalam pengamalan agamanya.


Seorang muslim yang sebenar tidak hanya menjadi “Hamba Allah” di dalam urusan ibadat tetapi sebaliknya menjadi “Musuh Allah” di dalam urusan muamalat. Beliau tidak hanya sibuk melakukan ibadah solat, puasa, sedekah serta ibadah-ibadah sunat yang lain, namun dalam

masa yang sama terlibat di dalam urusan niaga riba' (yang diisytiharkan perang oleh Allah ﷻ), *gharar*, *maysir*, *ḍarar*, dan *intihāk al-ḥurmah al-Shar'iyah*, mengabaikan kewajipan nafkah dan hutang, tidak mengagihkan harta pusaka kepada yang berhak atau tidak menyerahkan harta amanah kepada pemiliknya.

Kewajipan Mempelajari Fiqh Muamalat

Fiqh muamalat juga merupakan salah satu daripada tiga (3) komponen ilmu fiqh yang menjadi fardu ain ke atas setiap mukallaf untuk dipelajari menurut al-Imām al-'Allāmah Aḥmad bin 'Umar al-Shāṭirī (w.1360H) di dalam muqaddimah al-Yāqūt al-Nafīs. Ini adalah bagi memastikan agar setiap mukallaf dapat memastikan kesahihan akad-akad mereka, maka dengan itu mereka tidak mengambil atau memakan harta orang lain secara batil. Gambar Rajah berikut memberikan ilustrasi kedudukan fiqh muamalat dalam kerangka ilmu fardu ain di dalam Islam: akidah, fiqh dan tasawuf.

Gambar Rajah 1: Kedudukan Fiqh Muamalat di dalam Kerangka Ilmu Fardu Ain



Komponen Fiqh Muamalat

Fiqh Muamalat merujuk kepada “disiplin hukum-hakam Syariah berkenaan dengan transaksi dan urusan niaga yang dilakukan di antara pihak yang mempunyai kelayakan (*ahliyyah*) untuk berakad.” Penulis mencadangkan agar disiplin fiqh muamalat pada masa kini dibahagikan kepada lima (4) bahagian seperti berikut:

1. Bahagian pertama: Fiqh Akad (Undang-undang Kontrak Islam / *Islamic Law of Contract*)
2. Bahagian kedua: Fiqh Perdagangan dan Urus Niaga (Undang-undang Komersial Islam/ *Islamic Commercial Law*)
3. Bahagian ketiga: Fiqh Kewangan Islam (Undang-undang Kewangan Islam/ *Islamic Finance Law*). Ia boleh dibahagikan kepada empat (4) cabang utama iaitu:
 - i. Perbankan Islam,
 - ii. Takaful,
 - iii. Pasaran Modal Islam
 - iv. Perancangan Kewangan dan Pengurusan Harta Islam.
4. Bahagian keempat: Fiqh Ekonomi Islam (Undang-undang Ekonomi Islam/ *Islamic Economics/ Islamic Economic Law*)

Dua Pululuh (20) Formula Asas Fiqh Muamalat

Berdasarkan kajian *istiqrā'* penulis, secara umumnya, asas-asas fiqh muamalat boleh dilihat daripada empat sudut:

1. Pendekatan umum Syariah berkenaannya
2. Ciri uniknya berbanding fiqh ibadat
3. Amalan asas dalam fiqh muamalat
4. Larangan utama dalam fiqh muamalat

Berikut adalah asas-asas muamalat secara ringkas:

Lima (5) Pendekatan Umum Syariah bagi Fiqh Muamalat

Lima (5) pendekatan umum syariah bagi Fiqh Muamalat ialah:

- | |
|---------------------------------------------------------------------------------------------------------------------------------------------|
| 1. Islam memperakui amalan muamalat masyarakat yang tidak bertentangan dengan syariat Islam. |
| 2. Pendekatan Syariat Islam pada muamalat adalah kebanyakannya dengan prinsip umum berbanding perincian hukum. |
| 3. Fiqh muamalat menggabungkan aspek keutuhan (yang tidak berubah (<i>thabāt</i>)) dan keanjalan (yang boleh berubah (<i>murūnah</i>)). |
| 4. Muamalat tidak terpisah dari akidah dan akhlak Islam. |
| 5. Muamalat tidak mengabaikan “Maqāṣid Sharī‘ah.” |

Lima (5) Ciri-ciri Unik Fiqh Muamalat

Lima (5) ciri-ciri unik Fiqh Muamalat berbanding Fiqh Ibadat ialah:

- | |
|--------------------------------------------------------------------------------------------------------------------------|
| 1. Kaedah “ <i>al-Ibāḥah al-Aṣliyyah</i> ” adalah asas hukum-hakam muamalat. |
| 2. Fatwa atau hukum-hakam muamalat berasaskan “ <i>al-Aysar al-Munḍabiṭ</i> ” bagi meraikan keperluan dan hajat manusia. |
| 3. Penetapan hukum-hakam muamalat boleh difahami oleh akal yang rasional (<i>‘illah ‘aqliyyah / ma‘qūl al-ma‘nā</i>). |
| 4. Fiqh muamalat bertujuan menjaga kemaslahatan dan keadilan. |
| 5. Uruf masyarakat menjadi salah satu rujukan utama di dalam penentuan hukum-hakam. |

Lima (5) Amalan Asas Fiqh Muamalat

Lima (5) amalan asas Fiqh Muamalat ialah:


1.	Memastikan kerelaan pihak berakad.
2.	Menghormati kedudukan akad (hak dan tanggungjawab yang dipersetujui).
3.	Memastikan ketiadaan elemen haram dalam akad.
4.	Memastikan keadilan berlaku bagi semua pihak yang berakad.
5.	Galakan melakukan ihsan terhadap pihak lain.

Lima (5) Larangan Utama Fiqh Muamalat

Lima (5) larangan utama di dalam Fiqh Muamalat ialah:

1.	Pengharaman <i>ribā</i> .
2.	Pengharaman <i>gharar</i> .
3.	Pengharaman <i>maysir</i> .
4.	Pengharaman <i>ḍarar</i> .
5.	Pengharaman <i>intihāk al-ḥurmah al-shar'īyyah</i> .

Gambar Rajah 2: Dua Puluh (20) Formula Asas Muamalat




Penulis membincangkan asas-asas ini dengan lebih terperinci di dalam buku yang telah hampir sempurna disiapkan oleh penulis bertajuk: “Muqaddimāt Fiqh Muamalat: 20 Formula Asas.”

Empat Puluh (40) Hadith Asas Muamalat

Objektif utama buku ini ialah untuk menghimpunkan empat puluh (40) hadith utama yang membentuk asas Fiqh Muamalat (Perdagangan dan Urusniaga) di dalam Islam. Penulis membahagikan empat puluh (40) hadith berikut kepada dua belas (12) bahagian yang utama iaitu:

Bahagian 1	<i>Mu'āwadhāt</i> : Jual-beli dan sewa/upah
Bahagian 2	Jual-beli yang diharamkan
Bahagian 3	Akad perkongsian
Bahagian 4	Akad-akad <i>tabarru'</i>
Bahagian 5	Pinjaman dan pengurusan hutang
Bahagian 6	Menghalang pihak yang tidak layak bertasaruf
Bahagian 7	Melaksanakan amanah
Bahagian 8	Pertandingan dan hadiah pertandingan
Bahagian 9	Hak <i>shuf'āh</i>
Bahagian 10	Perdamaian dan penyelesaian pertelingkahan
Bahagian 11	Syarat akad dan uruf
Bahagian 12	Dua (2) akhlak utama muamalat Islam
Bahagian 13	Doa memasuki pasar

Penulis juga menyediakan nota asas fiqh, ayat Al-Quran berkaitan dan hadith-hadith berkaitan dengan kadar yang perlu bagi empat puluh (40) hadith utama agar dapat menambah manfaat buku ini buat pembaca.



Empat Puluh
Hadith
Asas
Muamalat
Islam



**[BAHAGIAN 1] AKAD MU'ĀWAḌĀT: JUAL BELI DAN
SEWA/UPAH**

Akad *mu'āwaḌāt* adalah merujuk kepada akad pertukaran harta di antara pihak yang bermuamalat. Dua akad *mu'āwaḌāt* yang utama adalah:

- (i) akad jual-beli dan
- (ii) akad sewaan atau upah.

Hadith-hadith di dalam bahagian ini adalah seperti berikut:

Hadith 1	Pensyariatan Jual-Beli Yang Bebas dari Elemen Haram
Hadith 2	Kerelaan Pihak Yang Saling Berjual-Beli adalah Asas Jual-Beli
Hadith 3	Jual-Beli al-Ṣarf (Jual-Beli Wang)
Hadith 4	Jual-Beli Salam/Salaf (Dengan Penangguhan Serahan Barang Jualan)
Hadith 5	Istiṣnā' (Jual-Beli Pembuatan)
Hadith 6	Jual Beli Hutang (Bay' al-Dayn) kepada Penghutang
Hadith 7	Ijārah (Akad Sewaan dan/atau Upah)
Hadith 8	Khiyār Jual-Beli (Opsyen atau Hak untuk Menarik Semula Akad atau Memindanya)
Hadith 9	Iqālah (Memansuhkan) Akad Jual-Beli (Secara Sukarela)
Hadith 10	Ja'ālah/ Ju'ālah/ Ji'ālah (Janji Hadiah)



Hadith 1: Pensyariatian Jual-Beli Yang Bebas dari Elemen Haram

عَنْ رَافِعِ بْنِ خَدِيجٍ رضي الله عنه، قَالَ:
قِيلَ: يَا رَسُولَ اللَّهِ، أَيُّ الْكَسْبِ أَطْيَبُ؟ قَالَ: «عَمَلُ الرَّجُلِ بِيَدِهِ، وَكُلُّ بَيْعٍ
مَبْرُورٍ»

Daripada Rāfi‘ bin Khadīj al-Anṣārī رضي الله عنه, beliau berkata:

Ditanya kepada Rasulullah ﷺ: “Wahai Rasulullah! Apakah usaha pekerjaan yang paling baik?”

Baginda ﷺ menjawab:

“Amalan/pekerjaan seseorang itu dengan tangannya dan setiap jual beli yang baik (bebas daripada unsur-unsur haram dan syubhat).”

T: (Aḥmad (241H): al-Musnad), No. 16814 [Lafaz di atas]; (al-Ḥākim (405H): al-Mustadrak ‘alā al-Saḥīḥayn), No. 2096 dan beliau berkata: (وهَذَا خِلاَفٌ ثَالِثٌ عَلَى وَائِلِ بْنِ دَاوُدَ، إِلَّا أَنَّ الشَّيْخَيْنِ لَمْ يُحَرِّجَا، عَنِ الْمَسْعُودِيِّ وَمَحَلُّهُ الصَّدَقِ); (al-Ṭabarānī (360H): al-Mu‘jam al-Awsaṭ), No. 7918; (al-Bayhaqī (458H): Shu‘ab al-Imān), No. 1229 dan lain-lain. [Status: Ḥasan]

Nota Ringkas

Bay‘ atau jual-beli dari sudut bahasa bererti:

مُبَادَلَةٌ مَالٍ بِمَالٍ

“[Akad bagi] penukaran bagi sesuatu harta dengan sesuatu harta yang lain.”

Dari sudut istilah pula:

عَقْدٌ يَرُدُّ عَلَى مُبَادَلَةٍ مَالٍ بِمَالٍ تَمْلِيكًا عَلَى التَّأْيِيدِ

“Akad yang berlaku ke atas penukaran sesuatu harta dengan sesuatu harta yang lain dengan memindah milik secara kekal.”

Rukun akad jual-beli ialah:


1. Pihak yang berakad:
 - a. Penjual
 - b. Pembeli
2. Lafaz akad [atau seumpamanya]:
 - a. *Ījāb*
 - b. *Qabūl*
3. Subjek akad jual-beli:
 - a. Barang jualan (*muthman*)
 - b. Harga (*thaman*)

*Nota: Harga (*thaman*) bagi sesuatu barang boleh berbeza atau sama dengan nilainya (*qīmah*). Harga sesuatu barang boleh menjadi sama atau lebih tinggi atau lebih rendah berbanding nilainya.

Jual-beli mempunyai pelbagai jenis dan secara umumnya boleh dibahagikan kepada:

1. Jual-beli yang umum juga dikenali sebagai *bay' muṭlaq*.
2. Jual-beli khusus yang mempunyai pelbagai tujuan dan kategori.
3. Jual-beli yang dilarang, sama ada makruh atau haram.

Gambar Rajah 3: Tiga Kategori Utama Jual-Beli



Jual-beli adalah merupakan bab yang paling penting dan paling luas di dalam disiplin ilmu fiqh muamalat.

Hadith 2: Kerelaan Pihak Yang Saling Berjual-Beli adalah Asas Jual-Beli

عَنْ أَبِي سَعِيدٍ الْخُدْرِيِّ رضي الله عنه، قَالَ: قَالَ رَسُولُ اللَّهِ ﷺ:
« إِنَّمَا الْبَيْعُ عَنْ تَرَاضٍ »

Daripada Abū Sa‘īd al-Khudrī رضي الله عنه, beliau berkata: Rasulullah ﷺ bersabda:

“Sesungguhnya jual-beli itu adalah berasaskan kerelaan bersama [di antara penjual dan pembeli].”

T: (Ibn Mājah (273H): Sunan Ibn Mājah), No. 2185 [Lafaz di atas]; (Ibn Hibbān (354H): Ṣaḥīḥ Ibn Hibbān), No. 4967; (al-Bayhaqī (458H): al-Sunan al-Kubrā), No. 10242; (al-Bukhārī (256H): al-Tārīkh al-Kabīr), No. 5964 dan lain-lain. [Status: Ḥasan]

2.1 Jual-Beli Perlu Dilakukan dengan Kerelaan Kedua-Dua Belah Pihak

عَنْ أَبِي هُرَيْرَةَ رضي الله عنه، عَنِ النَّبِيِّ ﷺ قَالَ:
« لَا يَتَفَرَّقَنَّ عَنْ بَيْعٍ إِلَّا عَنْ تَرَاضٍ »

Daripada Abū Hurayrah رضي الله عنه, beliau meriwayatkan bahawa Baginda Nabi ﷺ bersabda:

“Janganlah seseorang itu berpisah daripada [kontrak] jual-beli [yang dilakukan] melainkan dengan kerelaan bersama [di antara semua pihak yang terlibat].”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1248 [Lafaz di atas] dan beliau berkata: (هَذَا حَدِيثٌ غَرِيبٌ); (Abū Dāwud (275H): Sunan Abī Dāwud), No. 3458; (Aḥmad (241H): al-Musnad), No. 10539; (al-Bayhaqī (458H): al-Sunan al-Kubrā), No. 9677; (al-Tabari (310H): Jami' al-Bayan fi Ta'wil al-Qur'an), No. 8427 dan lain-lain. [Status: Ṣaḥīḥ]

2.2 Khutbah Rasulullah ﷺ : Harta Seseorang Tidak Boleh Diambil Melainkan dengan Kerelaannya

عَنْ عَمْرِو بْنِ يَثْرِبٍ رضي الله عنه ، قَالَ : خَطَبَنَا رَسُولُ اللَّهِ ﷺ فَقَالَ :
« أَلَا وَلَا يَحِلُّ لِأَمْرِي مِنْ مَالِ أَخِيهِ شَيْءٌ إِلَّا بِطَيْبِ نَفْسٍ مِنْهُ »

Daripada ‘Amr bin Yathribī رضي الله عنه, beliau berkata: Rasulullah ﷺ berkhotbah kepada kami dengan bersabda:

“Ambillah perhatian, tidak halal bagi seseorang itu sesuatu daripada harta saudaranya melainkan dengan kerelaan dirinya.”

T: (Aḥmad (241H): al-Musnad), No. 15062, 20576 [Lafaz di atas] & 20577; (al-Dāraquṭnī (385H): Sunan al-Dāraquṭnī), No. (al-Bayhaqī (458H): al-Sunan al-Saghīr), No. 972; (al-Bayhaqī (458H): al-Sunan al-Kubrā), No. 10651; (al-Rūyānī (307H): Musnad al-Rūyānī), No. 1475 dan lain-lain. [Status: Ḥasan atau Ṣaḥīḥ li ghayrih]

2.3 Harta Seseorang Tidak Boleh Diambil atau Dipindah milik Melainkan dengan Kerelaannya

عَنْ أَنَسِ بْنِ مَالِكٍ رضي الله عنه ، أَنَّ رَسُولَ اللَّهِ ﷺ قَالَ :
« لَا يَحِلُّ مَالُ أَمْرِي مُسْلِمٍ إِلَّا بِطَيْبِ نَفْسِهِ »

Daripada Anas bin Malik رضي الله عنه, beliau meriwayatkan bahawa sesungguhnya Rasulullah ﷺ bersabda:

“Tidak halal harta seorang Muslim [bagi orang lain] itu melainkan dengan kerelaan dirinya.”

T: (al-Rūyānī (307H): Musnad al-Rūyānī), No. 2859 & 2862 [Lafaz di atas]; (Ibn al-Jawzi (597H): al-Taḥqīq fi Masa'il al-Khilaf), No. 1784, No. ; (Ibn Ḥajar al-‘Asqalānī (852H): Iṭḥāf al-Maharah bi al-Fawā'id al-Mubtakarah min Aṭrāf al-‘Asharah), No. 967 & 1846. [Status: Ṣaḥīḥ li ghayrih]

Nota Ringkas

Beberapa syarat yang penting berkaitan jual beli:


- Pihak yang berkontrak mestilah mempunyai kelayakan untuk melakukan kontrak iaitu: (i) baligh atau sekurang-kurangnya mumayyiz dengan izin di sisi Ḥanafiiyyah dan Mālikiyyah; (ii) berakal; (iii) *rashīd*; (iv) tidak dipaksa; (v) tidak mabuk; dan (vi) pemilik barang atau wakilnya atau walinya atau wasinya.
- Barang kontrak mestilah: (i) suci (*tāhir*), (ii) bermanfaat (*muntafa‘ bih*), (iii) dimiliki (*mamlūk*), (iv) mampu diserahkan (*maqḍūr al-taslīm*) dan (v) diketahui sifatnya (kualiti dan kuantitinya) (*ma‘lūm*). Ini adalah lima (5) syarat barang jualan menurut pandangan muktamad mazhab Syafie.

Sebahagian ulama' menambah: (vi) bernilai dari sudut Syariat dan tidak dilarang (*mutaqawwim/ mubāḥ*); (vii) wujud ketika kontrak (*mawjūd*) (prinsip umum); dan (viii) tidak terikat dengan hak pihak yang lain.

- Harga bayaran pula mestilah: (i) dinyatakan; (ii) sesuatu yang bernilai; (iii) dimiliki oleh pembeli; (iv) ditentukan; (v) mampu diserahkan dan (vi) diketahui sifat dan kadarnya (kualiti dan kuantiti).
- Pada prinsip asal, ijab dan qabul hendaklah dilakukan secara lafaz atau perkataan. Namun begitu, ia juga boleh berlaku dengan kaedah penulisan, isyarat, perbuatan memberi dan menerima serta diam di alam konteks yang sesuai. Imam Mālik

berpandangan bahawa apa sahaja yang diterima oleh masyarakat sebagai kaedah ijab-qabul adalah diterima pakai di dalam jual-beli.

Kesemua rukun dan syarat bagi jual-beli adalah bagi memastikan kerelaan kedua-dua pihak penjual dan pembeli dalam melakukan urusan jual-beli.



Hadith 3: Jual-Beli *al-Şarf* (Jual-Beli Wang)

عَنْ أَبِي سَعِيدٍ الْخُدْرِيِّ رضي الله عنه، أَنَّ رَسُولَ اللَّهِ صلى الله عليه وسلم قَالَ:

« لَا تَبِيعُوا الذَّهَبَ بِالذَّهَبِ إِلَّا مِثْلًا بِمِثْلٍ، وَلَا تُشَفُّوا بَعْضَهَا عَلَى بَعْضٍ، وَلَا تَبِيعُوا
الْوَرِقَ بِالْوَرِقِ إِلَّا مِثْلًا بِمِثْلٍ، وَلَا تُشَفُّوا بَعْضَهَا عَلَى بَعْضٍ، وَلَا تَبِيعُوا مِنْهَا غَائِبًا
بِنَاجِزٍ »

Daripada Abū Sa‘īd al-Khudrī رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Janganlah kamu menjual emas dengan emas melainkan sama dengan sama (kuantiti (*tamāthul*)), dan jangan kamu lebihkan sebahagiannya ke atas sebahagian yang lain (*tafāḍul*).

Dan janganlah kamu menjual wang perak dengan wang perak melainkan sama dengan sama (kuantiti (*tamāthul*)), dan janganlah kamu lebihkan sebahagiannya ke atas sebahagian yang lain (*tafāḍul*).

Dan janganlah kamu jual wang yang *ghā’ib* (tidak hadir atau ada di dalam majlis akad) dengan wang yang ada serta merta (syarat *taqābuḍ*).”

T: (al-Bukhārī (256H): Ṣaḥīḥ al-Bukhārī), No. 2176 & 2177 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1585, 1586, 1587 & 1588; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1241; (al-Nasā’ī (303H): al-Sunan al-Suḡhrā / al-Mujtabā min al-Sunan), No. 1241 dan lain-lain. [Status: Ṣaḥīḥ]

 Nota Ringkas

Jual-beli *ṣarf* ialah (FM):

بَيْعُ النَّقْدِ بِالنَّقْدِ

“Jual-beli duit dengan duit.”

Istilah duit menurut perspektif fiqh merangkumi emas, perak, Ringgit Malaysia, USD dan seumpamanya.

Rukun jual-beli *ṣarf* adalah adalah sama seperti jual-beli biasa melainkan ia mempunyai empat (4) syarat tambahan iaitu:

1. Kuantiti yang sama atau nilai nominal yang sama apabila kedua-dua mata wang adalah dari jenis yang sama (disebut sebagai *tamāthul*).
2. Akad mesti berkuat-kuasa serta-merta (dan tidak boleh ditangguhkan) (disebut sebagai *ḥulūl* oleh ulama' Shafi'iyah).
3. Penyerahan kedua-dua mata wang di dalam majlis akad dengan serta merta (disebut sebagai *taqābuḍ*).
4. Tidak boleh ada opsyen bagi menarik semula akad atau memindanya. [Ini bagi memastikan akan tersebut sempurna *lāzim* dan tidak berstatus *jā'iz*].

Hadith 4: Jual-Beli *Salam/Salaf* (Dengan Penangguhan Serahan Barang Jualan)

عَنْ ابْنِ عَبَّاسٍ رَضِيَ اللَّهُ عَنْهُمَا، قَالَ:

قَدِمَ النَّبِيُّ ﷺ الْمَدِينَةَ وَهُمْ يُسَلِّفُونَ فِي الثَّمَارِ السَّنَةَ وَالسَّنَتَيْنِ، فَقَالَ: « مَنْ أَسْلَفَ فِي تَمْرٍ، فَلْيُسَلِّفْ فِي كَيْلٍ مَعْلُومٍ وَوَزْنٍ مَعْلُومٍ إِلَى أَجَلٍ مَعْلُومٍ »

Daripada [‘Abdullāh] Ibnu ‘Abbās رَضِيَ اللَّهُ عَنْهُمَا, beliau berkata:

“Ketika Baginda Nabi ﷺ tiba di Madinah, para penduduk Madinah melakukan jual-beli dengan penangguhan barang jualan pada buah-buahan [dengan bayaran yang didahulukan] selama satu tahun atau dua tahun, maka Baginda ﷺ pun bersabda:

“Barang siapa yang melakukan jual-beli dengan penangguhan penyerahan pada buah tamar [dengan bayaran yang didahulukan], maka hendaklah dia melakukan jual-beli tersebut dengan sukatan yang diketahui, timbangan yang diketahui serta tarikh penyerahan yang diketahui.”

T: (al-Bukhārī (256H): Ṣaḥīḥ al-Bukhārī), No. 2239, 2241 & 2253; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1605 [Lafaz di atas] & 1606; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1311; (Abū Dāwud (275H): Sunan Abī Dāwud), No. 3463; (al-Nasā’ī (303H): al-Sunan al-Sughrā / al-Mujtabā min al-Sunan), No. 4616; (Ibn Mājah (273H): Sunan Ibn Mājah), No. 2280 dan lain-lain. [Status: Ṣaḥīḥ]

📖 Nota Ringkas

Jual-beli *salam* ialah:

بَيْعُ شَيْءٍ مَوْصُوفٍ فِي الذِّمَّةِ بِلَفْظِ السَّلَامِ أَوْ السَّلَفِ

“Jual-beli sesuatu yang dinyatakan sifatnya (kualitinya) dalam tanggungjawab penjual dengan lafaz *salam* atau *salaf*.”

Para fuqaha’ menyatakan bahawa jual-beli *salam* adalah merupakan satu bentuk pengecualian daripada larangan jual-beli barang yang tidak wujud (*ma‘dūm*) kerana keperluan manusia untuk melakukan akad seperti ini. Jual-beli *salam* boleh berlaku pada segala barang yang bersifat *mihtliyyah* dan tidak hanya terhad kepada hasil tanaman semata-mata.

Rukun jual-beli *salam* ialah:

1. Pihak yang berjual-beli *salam* iaitu:
 - a. *Muslim*: Pembeli.
 - b. *Muslim ilayh*: Penjual.
2. Lafaz akad atau seumpamanya:
 - a. *Ījāb* seperti “Aku menyerahkan RM5000.00 ini sebagai jual-beli *salam* atau *salaf* untuk seribu pakaian yang berkualiti begini (dinyatakan kualitinya).”
 - b. *Qabūl* seperti “Aku terima [jual-beli *salam* ini].”
3. Subjek akad *salam*:
 - a. Harga (*ra’s al-māl*).
 - b. Barang jualan (*muslam fīh*).

Hadith 5: Jual-Beli *Istiṣnā'* (Pembuatan)

عَنْ أَنَسٍ رَضِيَ اللَّهُ عَنْهُ :

أَنَّ النَّبِيَّ ﷺ أَصْطَنَعَ خَاتَمًا، فَقَالَ: « إِنَّا قَدِ اتَّخَذْنَا خَاتَمًا، وَنَقَشْنَا عَلَيْهِ نَقْشًا، فَلَا يَنْقُشُ عَلَيْهِ أَحَدٌ »، (وَقَالَ أَنَسٌ رَضِيَ اللَّهُ عَنْهُ): « وَإِنِّي لَأَرَى بَرِيقَهُ فِي خِنْصِرِ رَسُولِ اللَّهِ ﷺ

Daripada Anas [bin Mālik] رَضِيَ اللَّهُ عَنْهُ, beliau meriwayatkan bahawa:

Sesungguhnya Baginda Nabi ﷺ telah meminta agar satu cincin dibuat untuk Baginda رَضِيَ اللَّهُ عَنْهُ. [Setelah cincin tersebut siap], Baginda رَضِيَ اللَّهُ عَنْهُ bersabda:

“Sesungguhnya aku telah memiliki sebuah cincin, dan aku telah ukirkan padanya dengan satu ukiran, maka janganlah seseorang pun mengukir cincinnya seperti cincinku.”

Anas رَضِيَ اللَّهُ عَنْهُ berkata: Dan sesungguhnya aku melihat kilauannya pada jari kelingking Rasulullah رَضِيَ اللَّهُ عَنْهُ.

T: (al-Nasā'ī (303H): al-Sunan al-Sughrā / al-Mujtabā min al-Sunan), No. 5208 [Lafaz di atas] dan lain-lain. [Status: Ṣaḥīḥ]

5.1 Cincin Rasulullah dan Ukirannya رَضِيَ اللَّهُ عَنْهُ

عَنْ أَنَسِ بْنِ مَالِكٍ رَضِيَ اللَّهُ عَنْهُ، قَالَ:

كَتَبَ النَّبِيُّ ﷺ كِتَابًا أَوْ أَرَادَ أَنْ يَكْتُبَ، فَقِيلَ لَهُ: إِنَّهُمْ لَا يَقْرَءُونَ كِتَابًا إِلَّا مَخْتُومًا، فَاتَّخَذَ خَاتَمًا مِنْ فِضَّةٍ نَقَشَهُ: مُحَمَّدٌ رَسُولُ اللَّهِ، كَأَنِّي أَنْظُرُ إِلَى بَيَاضِهِ فِي يَدِهِ.

Daripada Anas bin Mālik رَضِيَ اللَّهُ عَنْهُ, beliau berkata:

Rasulullah ﷺ pernah menulis surat atau ingin menulis surat¹, lalu Baginda ﷺ diberitahu: “Mereka (para raja) tidak akan membaca mana-mana surat melainkan jika ia diletakkan cop mohor.”

Maka Baginda ﷺ pun mendapatkan sebuah cincin dari perak dengan ukirannya: “Muhammad Utusan Allah.”

Dan aku seolah-olah masih dapat melihat keputihan cincin itu ditangan Baginda ﷺ.

T: (al-Bukhārī (256H): Ṣaḥīḥ al-Bukhārī), No. 65 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 2093 dan lain-lain. [Status: Ṣaḥīḥ]

Nota Ringkas

Berkenaan dengan *istiṣnā‘* pula, majoriti para ulama’ [Malikiyyah, Shafi’iyyah, Hanabilah dan Zufar dari Hanafiyyah] memasukkannya sebagai salah satu bentuk jual-beli salam. Manakala ulama’ Hanafiyyah pula menganggapnya sebagai satu jual-beli yang tersendiri.

Hanafiyyah berpandangan bahawa *istiṣnā‘* dibenarkan berdasarkan prinsip *istiḥsān*. Menurut mereka, jika jual-beli *istiṣnā‘* dinilai berdasarkan Qiyas dan prinsip umum muamalat, maka ia tidak diharuskan kerana ia adalah satu bentuk jual-beli *ma‘dūm* (barang yang tidak wujud ketika akad jual beli dilakukan).

Manakala Shafi’iyyah, Malikiyyah, Hanabilah dan Zufar daripada Hanafiyyah berpandangan bahawa akad *istiṣnā‘* adalah sah

¹ Imam al-Nawawī menyebut bahawa penisbahan penulisan kepada Rasulullah ﷺ di dalam hadith ini adalah *majāziyyah* dengan makna: penulis menulis surat tersebut dengan perintah Baginda ﷺ. [Sharḥ Ṣaḥīḥ Muslim]

berasaskan akad jual-beli salam. Oleh kerana itu, disyaratkan bagi *istiṣnāʿ* di sisi mereka sepertimana yang disyaratkan bagi akad salam. *Ijmāʿ*, *ʿurf* dan masalahah juga boleh menjadi dalil bagi pensyariatan *istiṣnāʿ*.

Rukun akad *istiṣnāʿ* ialah:

1. Pihak yang berakad:
 - a. Pembeli: *Mustāsniʿ*.
 - b. Penjual: *Ṣāniʿ*.
2. Lafaz akad atau seumpamanya:
 - a. *Ījāb*
 - b. *Qabūl*
3. Subjek akad *istiṣnāʿ*:
 - a. Harga (*thaman*).
 - b. Barang jualan [yang dinyatakan kualiti dan kuantitinya]

Hadith 6: Jual Beli Hutang (*Bay' al-Dayn*)

عَنْ ابْنِ عُمَرَ رضي الله عنهما، قَالَ:

كُنْتُ أَبِيعُ الْإِبِلَ بِالْبَيْعِ فَأَبِيعُ بِالذَّنَائِرِ وَأَخُذُ الدَّرَاهِمَ وَأَبِيعُ بِالذَّرَاهِمِ وَأَخُذُ
 الذَّنَائِرَ، أَخُذُ هَذِهِ مِنْ هَذِهِ وَأُعْطِي هَذِهِ مِنْ هَذِهِ، فَاتَيْتُ رَسُولَ اللَّهِ ﷺ وَهُوَ فِي
 بَيْتِ حَفْصَةَ، فَقُلْتُ: يَا رَسُولَ اللَّهِ، رُوَيْدَكَ أَسْأَلُكَ إِنِّي أَبِيعُ الْإِبِلَ بِالْبَيْعِ فَأَبِيعُ
 بِالذَّنَائِرِ، وَأَخُذُ الدَّرَاهِمَ، وَأَبِيعُ بِالذَّرَاهِمِ، وَأَخُذُ الذَّنَائِرَ أَخُذُ هَذِهِ مِنْ هَذِهِ،
 وَأُعْطِي هَذِهِ مِنْ هَذِهِ، فَقَالَ رَسُولُ اللَّهِ ﷺ: « لَا بَأْسَ أَنْ تَأْخُذَهَا بِسِعْرِ يَوْمِهَا مَا لَمْ
 تَفْتَرَقَا وَبَيْنَكُمَا شَيْءٌ »

Daripada 'Abdullāh Ibnu 'Umar رضي الله عنهما, beliau berkata:

Aku pernah menjual unta di al-Baqī', maka aku menjual dengan dinar, kemudian aku mengambil bayarannya dengan dirham; dan aku juga menjual dengan dirham, kemudian aku mengambil bayarannya dengan dinar. Aku mengambil [dirham] ini dari [hutang dinar] ini dan aku memberi [dinar] ini dengan [dirham] ini.

Kemudian aku datang kepada Rasulullah ﷺ tatkala Baginda ﷺ berada di rumah [Sayyidatina] Ḥafṣah رضي الله عنها, dan aku berkata: "Wahai Rasulullah, mohon tunggu sebentar, aku ingin bertanya kepadamu. Sesungguhnya aku ada menjual unta di Al-Baqī'. Maka aku menjual dengan dinar, kemudian aku mengambil bayarannya dengan dirham. Dan aku juga ada menjual dengan dirham, kemudian aku mengambil bayarannya dengan dinar. [Apakah hukum urusan ini?]."

Baginda ﷺ bersabda: “Tidak mengapa untuk engkau mengambil hutang jualan tersebut dengan harga pada hari tersebut, selagimana engkau berdua tidak berpisah [dari majlis akad] dalam keadaan masih ada [hutang atau serahan di antara kamu berdua yang tertanggung].”

T: (Abū Dāwud (275H): Sunan Abī Dāwud), No. 3354 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1242 dengan lafaz: (لَا بَأْسَ بِهِ بِالْقِيَمَةِ) (al-Nasā‘ī (303H): al-Sunan al-Sughrā / al-Mujtabā min al-Sunan), No. 4582 & 4589; (Ibn Mājah (273H): Sunan Ibn Mājah), No. 2262 dengan lafaz: (إِذَا أَخَذْتَ أَحَدَهُمَا وَأَعْطَيْتَ الْآخَرَ، فَلَا تَفَارِقْ صَاحِبَكَ وَبَيْنَكَ وَبَيْنَهُ لَيْسَ) dan lain-lain.

Nota Ringkas


Jual beli hutang boleh dibahagikan kepada dua (2) jenis:

1. Jual beli hutang kepada penghutang (*madīn*).
2. Jual beli hutang kepada pihak ketiga bukan penghutang (*ghayr al-madīn*).

Shāfi‘iyyah berpendapat bahawa menjual hutang kepada pihak ketiga dibenarkan sekiranya dayn itu *mustaqirr* dan ia dijual dengan ‘ayn (barang) tanpa bertanggung, iaitu hutang itu apabila dijual mestilah dibayar secara tunai, dengan harga tukarannya berupa ‘ayn seperti wang tunai atau benda yang nyata mengikut persetujuan (SC, 2006).

Mālikiyyah membenarkan penjualan hutang kepada pihak ketiga dengan syarat-syarat berikut (SC,2006):

- i. Disegerakan pembayaran harga belian;
- ii. Orang yang berhutang berada di tempat jualan tersebut;
- iii. Orang yang berhutang mengesahkan hutang tersebut;

- iv. Orang yang berhutang termasuk di kalangan mereka yang terikat dengan undang-undang supaya dia mampu menjelaskan hutangnya;
 - v. Bayaran harga bukanlah daripada jenis yang sama dengan *dayn*, dan sekiranya daripada jenis yang sama, perlulah sama kadarnya supaya tidak terjebak dalam riba;
 - vi. Jual beli ini bukan antara emas dan perak, supaya tidak termasuk dalam jual beli mata wang yang tertangguh;
 - vii. *Dayn* tersebut mestilah daripada benda yang boleh dijual biarpun sebelum diterima. Ini untuk mengelakkan *dayn* tersebut daripada jenis makanan kerana makanan tidak boleh dijual beli sebelum berlaku *qabd*; dan
 - viii. Tidak timbul permusuhan antara penjual dan pembeli yang boleh menyebabkan kesusahan kepada *madīn* (penghutang).
- 

Hadith 7: *Ijārah* (Akad Sewaan dan/atau Upah)

عَنْ أَبِي سَعِيدٍ الْخُدْرِيِّ رضي الله عنه، وَعَنْ أَبِي هُرَيْرَةَ رضي الله عنه، قَالَا: قَالَ رَسُولُ اللَّهِ صلى الله عليه وسلم:
« مَنْ اسْتَأْجَرَ أَجِيرًا فَلْيُعَلِّمَهُ أُجْرَتَهُ »

Daripada Abū Sa‘īd al-Khudrī رضي الله عنه, dan daripada Abū Hurayrah رضي الله عنه, mereka berdua berkata: Rasulullah صلى الله عليه وسلم bersabda:

“Barang siapa yang mengupah seorang pekerja, maka hendaklah dia memberitahunya [kadar] upahnya.”

T: (Abū Ḥanīfah (150H): Musnad Abī Ḥanīfah - Riwāyat Abī Nu‘aym), No. 114, 115 [Lafaz di atas] & 116 & (‘Abd al-Razzāq al-San‘ānī (211H): al-Muṣannaf), No. 15024.

7.1 Membayar Upah dengan Segera

عَنْ عَبْدِ اللَّهِ بْنِ عُمَرَ رضي الله عنهما، قَالَ: قَالَ رَسُولُ اللَّهِ صلى الله عليه وسلم:
« أَعْطُوا الْأَجِيرَ أُجْرَهُ قَبْلَ أَنْ يَجِفَّ عَرْفُهُ »

Daripada ‘Abdullāh Ibnu ‘Umar رضي الله عنهما, beliau berkata: Rasulullah صلى الله عليه وسلم bersabda:

“Berikanlah upah kepada orang yang melakukan kerja sebelum kering peluhnya.”

T: (Ibn Mājah (273H): Sunan Ibn Mājah), No. 2443 [Lafaz di atas]; (al-Shihāb al-Qudā‘ī (454H): Musnad al-Shihāb), No. 744 dan lain-lain.

7.2 Tidak Membayar Upah kepada Pekerja Yang Telah Menyelesaikan Kerjanya adalah Dosa Yang Besar

عَنْ أَبِي هُرَيْرَةَ رضي الله عنه، عَنِ النَّبِيِّ صلى الله عليه وسلم قَالَ:

« قَالَ اللَّهُ: ثَلَاثَةٌ أَنَا خَصْمُهُمْ يَوْمَ الْقِيَامَةِ، رَجُلٌ أَعْطَى بِي ثُمَّ غَدَرَ، وَرَجُلٌ بَاعَ حُرًّا فَأَكَلَ ثَمَنَهُ، وَرَجُلٌ اسْتَأْجَرَ أَجِيرًا فَاسْتَوْفَى مِنْهُ وَآمَ يُعْطِ أَجْرَهُ »

Daripada Abū Hurayrah رضي الله عنه, beliau meriwayatkan bahawa Baginda Nabi صلى الله عليه وسلم bersabda:

“Allah صلى الله عليه وسلم berfirman (hadith qudsi): Tiga (3) golongan yang mana Aku (Allah) adalah pihak yang bertelingkah dengan mereka (/pendakwa mereka) pada hari kiamat kelak:

1. Seorang lelaki yang memberikan janji dengan [bersumpah dengan nama]-Ku, kemudian dia mengkhianatinya.
2. Seorang lelaki yang menjual seorang yang merdeka (bukan hamba), lalu dia memakan (/memiliki) harga jualannya.
3. Seorang lelaki yang telah mengupah seorang pekerja (/pengambil upah) [untuk melakukan sesuatu pekerjaan], dan dia telah mendapatkan hasilnya dengan sempurna tetapi dia tidak memberikan upah kepada pekerja tersebut.”

T: (al-Bukhārī (256H): Ṣaḥīḥ al-Bukhārī), No. 2227 [Lafaz di atas] & 2270; (Ibn Mājah (273H): Sunan Ibn Mājah), No. 2442; (Aḥmad (241H): al-Musnad), No. 8477; (Ibn Ḥibbān (354H): Ṣaḥīḥ Ibn Ḥibbān), No. 7339 dan lain-lain. [Status: Ṣaḥīḥ]

📖 Nota Ringkas


Akad ijārah ialah:

عَقْدُ مُعَاوَضَةٍ عَلَى تَمْلِيكِ مَنفَعَةٍ بِعَوَاضٍ

“Akad pertukaran bagi memberi pemilikan ke atas manfaat dengan [bayaran] ganti.”


Akad *ijārah* boleh dibahagikan kepada dua jenis iaitu:

1. Akad sewaan barang.
2. Akad upah bagi melakukan sesuatu pekerjaan. Akad upah pula boleh dibahagikan kepada:
 - a. Al-Ajīrr al-‘Āmm (Pengambil upah daripada ramai orang)
 - b. Al-Ajīrr al-Khāṣṣ (Pengambil upah daripada orang yang khusus)



Rukun-rukun bagi akad ijārah ialah:

1. Pihak berkontrak:
 - a. Pemberi sewa atau pemberi upah
 - b. Penyewa atau pengambil upah
2. Lafaz akad atau seumpamanya:
 - a. Ijab
 - b. Qabūl

3. Subjek kontrak ijarah:
 - a. Upah atau Sewa
 - b. Tugas atau barang sewaan
- 

Hadith 8: *Khiyār* Jual-Beli (Opsyen atau Hak untuk Membatalkan Akad atau Memindanya)

عَنْ حَكِيمِ بْنِ حِزَامٍ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ:

«الْبَيْعَانِ بِالْخِيَارِ مَا لَمْ يَتَفَرَّقَا، فَإِنْ صَدَقَا وَبَيَّنَّا بُورِكَ لَهُمَا فِي بَيْعِهِمَا، وَإِنْ كَذَبَا وَكْتَمَا
مُحَقَّ بَرَكَتُهُ بَيْعِهِمَا»

Daripada Ḥakīm bin Ḥizām رَضِيَ اللَّهُ عَنْهُ, beliau meriwayatkan bahawa Baginda Nabi صَلَّى اللَّهُ عَلَيْهِ وَسَلَّمَ bersaba:

“Dua pihak yang berjual-beli masih mempunyai *khiyār* (opsyen majlis akad) selagi mana mereka belum berpisah (dari majlis akad). Sekiranya kedua-dua pihak bersikap benar dan menerangkan barang jual-beli [dengan jujur], maka jual-beli kedua-dua mereka akan diberkati.

Namun sekiranya mereka berdua menipu dan menyembunyikan [aib] barang jual-beli mereka, maka keberkatan jual-beli mereka berdua akan dihilangkan.”

T: (al-Bukhārī (256H): Ṣaḥīḥ al-Bukhārī), No. 2079, 2082, 2108, 2110 & 2114; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1535 [Lafaz di atas] dan lain-lain. [Status: Ṣaḥīḥ Muttafaq ‘alayh]

Nota Ringkas

Khiyār ialah:

حَقُّ الْعَاقِدِ فِي فسخِ الْعَقْدِ أَوْ إِمْضَائِهِ، لِظُهُورِ مُسَوِّغٍ شَرْعِيٍّ أَوْ بِمُقْتَضَى اتِّفَاقِ عَقْدِيٍّ

“Hak yang dimiliki oleh pihak berakad bagi membatalkan akad atau meneruskannya dengan peruntukan Syariat atau berdasarkan kesepakatan di dalam akad.”

Secara umumnya, *khiyār* boleh dibahagikan kepada dua jenis, iaitu:

1. *Khiyār Ḥukmī*

Ia merujuk kepada *khiyār* yang diberikan dengan peruntukan Syariat seperti *khiyār al-majlis* dan *khiyār al-‘ayb*.

2. *Khiyār Irādī*

Ia merujuk kepada *khiyār* yang wujud berdasarkan permintaan dan kesepakatan pihak yang berakad seperti *khiyār al-sharṭ*.

Tiga (3) *khiyār* utama yang sering dinyatakan di dalam matan-matan ringkas fiqh mazhab Syafie ialah:

1	<i>Khiyār al-Majlis</i>	Hak <i>khiyār</i> yang diberikan kepada kedua-dua pihak yang berakad selama mana mereka masih berada di dalam majlis akad.
2	<i>Khiyār al-Sharṭ</i>	Hak <i>khiyār</i> yang diberikan kepada pihak yang berakad dalam tempoh tertentu dengan persetujuan mereka. Menurut mazhab Syafie, tempoh maksimumnya tidak boleh melebihi tiga (3) hari.
3	<i>Khiyār al-‘Ayb</i>	Hak pilihan yang diberikan kepada pihak yang berakad khususnya pembeli sekiranya terdapat aib atau kerosakan pada barang akad.

Hadith di atas juga memberi isyarat bahawa jual-beli yang bersih daripada elemen-elemen haram adalah satu amalan yang diberkati di dalam Islam. Ini bermakna jual-beli yang bersih dan jujur mempunyai kebaikan yang banyak kepada pihak yang berakad. Keberkatan ini dapat difahami dengan jelas dari perspektif ekonomi.

Hadith 9: *Iqālah* (Memansuhkan) Akad Jual-Beli (Secara Sukarela)

عَنْ أَبِي هُرَيْرَةَ رَضِيَ اللَّهُ عَنْهُ ، قَالَ : قَالَ رَسُولُ اللَّهِ ﷺ :
« مَنْ أَقَالَ نَادِمًا (/ مُسْلِمًا) بَيْعَتُهُ ، أَقَالَ اللَّهُ عَشْرَتَهُ يَوْمَ الْقِيَامَةِ »

Daripada Abū Hurayrah رضي الله عنه, beliau berkata: Rasulullah ﷺ bersabda:

“Barang siapa yang memansuhkan jual-beli bagi seseorang (/seorang muslim) yang menyesal melakukannya, maka Allah ﷻ akan memansuhkan (/memaafkan) kesalahannya pada hari kiamat nanti.”

T: (Ibn Hibbān (354H): Ṣaḥīḥ Ibn Hibbān), No. 5029 [Lafaz di atas]; (al-Shihāb al-Quḍā’ī (454H): Musnad al-Shihāb), No. 453; (al-Tahawī (321H): Mushkil al-Athar), No. 5291; (al-Tabarānī (360H): Makārim al-Akhilāq), No. 60; (Ibn ‘Abd al-Barr (463H): al-Tamhīd), No. 370 dan lain-lain.

Nota Ringkas


Iqālah ialah:

رَفْعُ عَقْدِ الْبَيْعِ بِرِضَا الطَّرَفَيْنِ فِي جَمِيعِ الْمَبِيعِ أَوْ بَعْضِهِ

“Mengangkat (memansuhkan) akad jual-beli dengan kerelaan kedua-dua pihak (penjual dan pembeli) pada seluruh barang jualan atau sebahagiannya.”

la adalah merupakan pemansuhan akad jual beli berdasarkan persetujuan kedua-dua belah pihak yang berkontrak tanpa melibatkan penggunaan sebarang *khiyār* (opsyen) dari mana-mana pihak.

Para fuqaha’ berbeza pandangan berkenaan *iqālah*: adakah ia merupakan satu bentuk fasakh atau akad baru?

- Shāfi'iyyah, Ḥanafiiyyah (Muḥammad bin al-Ḥasan al-Shaybānī) dan Ḥanābilah berpandangan ia adalah pemansuhan akad yang terdahulu.
 - Mālikiyyah, Ḥanābilah dan Abū Yūsuf daripada Ḥanafiiyyah berpandangan ia adalah merupakan akad yang baru. Namun begitu, jika ia tidak dapat dilaksanakan sebagai jual beli, maka ia adalah satu bentuk fasakh.
- 

Hadith 10: *Ja'alah* (Janji Hadiah)

عَنْ أَبِي سَعِيدٍ رضي الله عنه، قَالَ:

انْطَلَقَ نَفَرٌ مِنْ أَصْحَابِ النَّبِيِّ صلى الله عليه وسلم فِي سَفَرَةٍ سَافَرُوهَا حَتَّى نَزَلُوا عَلَى حَيٍّ مِنْ أَحْيَاءِ الْعَرَبِ، فَاسْتَضَافُوهُمْ، فَأَبَوْا أَنْ يُضَيِّفُوهُمْ، فَلَدِغَ سَيِّدُ ذَلِكَ الْحَيِّ، فَسَعَوْا لَهُ بِكُلِّ شَيْءٍ، لَا يَنْفَعُهُ شَيْءٌ، فَقَالَ بَعْضُهُمْ: لَوْ أَتَيْتُمْ هَؤُلَاءِ الرَّهْطَ الَّذِينَ نَزَلُوا لَعَلَّهُ أَنْ يَكُونَ عِنْدَ بَعْضِهِمْ شَيْءٌ فَأَتَوْهُمْ، فَقَالُوا: يَا أَيُّهَا الرَّهْطُ، إِنَّ سَيِّدَنَا لُدِغَ وَسَعَيْنَا لَهُ بِكُلِّ شَيْءٍ لَا يَنْفَعُهُ، فَهَلْ عِنْدَ أَحَدٍ مِنْكُمْ مِنْ شَيْءٍ؟ فَقَالَ بَعْضُهُمْ: نَعَمْ، وَاللَّهِ إِنِّي لِأَرْقِي، وَلَكِنْ وَاللَّهِ لَقَدْ اسْتَضَفْنَاكُمْ فَلَمْ تُضَيِّفُونَا، فَمَا أَنَا بِرَاقٍ لَكُمْ حَتَّى تَجْعَلُوا لَنَا جُعَلًا فَصَالِحُوهُمْ عَلَى قَطِيعٍ مِنَ الْغَنَمِ، فَاَنْطَلَقَ يَتَفَلُّ عَلَيْهِ، وَيَقْرَأُ: ﴿الْحَمْدُ لِلَّهِ رَبِّ الْعَالَمِينَ﴾، فَكَانَتْهَا نُشْطَ مِنْ عِقَالٍ فَاَنْطَلَقَ يَمْشِي وَمَا بِهِ قَلْبَةٌ، قَالَ: فَأَوْفَوْهُمْ جُعَلَهُمُ الَّذِي صَالِحُوهُمْ عَلَيْهِ، فَقَالَ بَعْضُهُمْ: اقْسِمُوا، فَقَالَ: الَّذِي رَقِي، لَا تَفْعَلُوا حَتَّى نَأْتِيَ النَّبِيَّ صلى الله عليه وسلم فَذَكَرَ لَهُ الَّذِي كَانَ فَنَنْظُرُ مَا يَأْمُرُنَا، فَقَدِمُوا عَلَى رَسُولِ اللَّهِ صلى الله عليه وسلم فَذَكَرُوا لَهُ، فَقَالَ: « وَمَا يُدْرِيكَ أُمَّهَا رُقِيَّةٌ »، ثُمَّ قَالَ: « قَدْ أَصَبْتُمْ اقْسِمُوا وَاضْرِبُوا لِي مَعَكُمْ سَهْمًا »، فَضَحِكَ رَسُولُ اللَّهِ صلى الله عليه وسلم.

Daripada Abū Sa'īd [al-Khudrī] رضي الله عنه, beliau berkata:

Beberapa orang dari kalangan sahabat Rasulullah صلى الله عليه وسلم telah bertolak di dalam satu permusafiran sehinggalah mereka sampai di sebuah perkampungan daripada perkampungan Arab. Lalu mereka meminta untuk menjadi tetamu tetapi perkampungan tersebut enggan menerima mereka sebagai tetamu.

Kemudian, ketua mereka telah disengat dan mereka telah mencuba dengan segala perkara untuk mengubatnya tetapi tidak ada yang memberi manfaat. Lalu, sebahagian mereka berkata: “Bagaimana jika kita pergi ke kumpulan tersebut yang telah datang kepada kita, barangkali ada di kalangan mereka yang mempunyai sesuatu untuk mengubatnya.”

Mereka pun pergi kepada kumpulan Sahabat Rasulullah ﷺ tersebut dan berkata: “Wahai rombongan, sesungguhnya ketua kami telah disengat, dan kami telah berusaha dengan setiap perkara tetapi ia masih tidak memberi manfaat kepadanya. Adakah seseorang daripada kamu mempunyai sesuatu [untuk mengubatnya]?”

Maka sebahagian daripada rombongan Sahabat ﷺ tersebut berkata: “Ya, demi Allah, aku boleh melakukan rawatan. Akan tetapi, kami telah meminta untuk menjadi tetamu kamu, namun kamu semua menolak. Maka, aku tidak akan merawatnya untuk kamu sehinggalah kamu jadikan bagi kami hadiah [jika berjaya].”

Mereka pun bersetuju untuk memberi sebahagian daripada kambing mereka jika ketua mereka sembuh. Lalu, beliau pun pergi dan meniupkan ke atas ketua qabilah tersebut dan membaca [surah] al-Fātiḥah. Lalu, ketua qabilah tersebut pun bangun pulih seperti tidak pernah sakit. Beliau pun bangun dan berjalan tanpa ada sebarang sakit.

Mereka pun menunaikan janji hadiah mereka yang telah mereka persetujui. Sebahagian mereka (para Sahabat ﷺ) pun berkata: “Bahagikanlah kambing ini [sesama kita].” Maka Sahabat yang merawat tadi berkata: “Jangan lagi, sehinggalah kita datang kepada

Baginda Nabi ﷺ dan kita ceritakan kepada Baginda ﷺ apa yang berlaku. Dan kita lihatlah apa perintah Baginda ﷺ buat kita.”

Lalu mereka pun pergi kepada Rasulullah ﷺ dan menceritakan kisah tersebut kepada Baginda ﷺ. Baginda ﷺ pun bersabda: “Bagaimanakah engkau tahu bahawa ia (al-Fātiḥah) itu satu ruqyah (yang menyembuhkan).?! Sungguh, kamu telah melakukan sesuatu yang benar. Bahagikanlah kambing ini [sesama kamu] dan jadikan bagiku bahagian daripadanya.” Kemudian, Rasulullah ﷺ pun ketawa [sebagai tanda reda dengan perbuatan mereka].

T: (al-Bukhārī (256H): Ṣaḥīḥ al-Bukhārī), No. 2276 [Lafaz di atas] & 5007; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 2203 & 2204; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 2063 dan beliau berkata: (هَذَا حَدِيثٌ حَسَنٌ) & 2064 dan beliau berkata: (هَذَا حَدِيثٌ صَحِيحٌ) dan lain-lain. [Status: Ṣaḥīḥ]

Selepas meriwayatkan hadith seumpama di atas, Imam al-Tirmidhī menambah nota fiqh berikut [No. 2063, Sunan al-Tirmidzī]:

وَرَخَّصَ الشَّافِعِيُّ لِلْمُعَلِّمِ أَنْ يَأْخُذَ عَلَى تَعْلِيمِ الْقُرْآنِ أَجْرًا، وَيَرَى لَهُ أَنْ يَشْتَرِطَ
عَلَى ذَلِكَ، وَاحْتَجَّ بِهَذَا الْحَدِيثِ

“Dan [Imam] al-Shāfi‘ī memberi kebenaran bagi pengajar [al-Quran] untuk mengambil upah bagi mengajar al-Quran dan beliau berpandangan bahawa pengajar boleh meletakkan syarat [upah] bagi [pengajaran al-Quran] tersebut. Beliau menjadikan hadith ini sebagai hujah.”

📖 Nota Ringkas

Ja'ālah atau *ju'ālah* atau *ji'ālah* [dengan tiga bacaan] ialah:

إِتْرَامُ عَوْضٍ مَعْلُومٍ عَلَى عَمَلٍ مُعَيَّنٍ مَعْلُومٍ، أَوْ مَجْهُولٍ يَعْسُرُ ضَبْطُهُ

“Memberi janji bagi membayar upah (*‘iwaḍ*) yang diketahui untuk suatu kerja yang ditentukan dan diketahui, atau [sesuatu kerja yang ditentukan tetapi] tidak diketahui [kadarnya] kerana sukar untuk ditetapkan [kuantiti dan kadarnya].”

Rukun akad *ja'ālah* ialah:

1. Pihak yang berakad:
 - a. *Al-Jā'il* (Pihak yang menjanjikan hadiah bagi sesuatu pekerjaan): Baligh, berakal dan *rashīd*.
 - b. *Al-‘Āmil* (Pihak yang menyempurnakan pekerjaan dan berhak mendapat hadiah yang dijanjikan)
2. Lafaz akad [atau seumpamanya] yang menunjukkan izin untuk melakukan pekerjaan tersebut dengan hadiah yang dijanjikan.
3. Subjek:
 - a. *‘Amal* (Pekerjaan yang perlu dilakukan untuk berhak mendapat hadiah seperti; mengembalikan haiwan atau barang yang hilang, menyembuhkan pesakit atau mengajar seseorang)
 - b. *‘Iwaḍ* (Sesuatu yang dijanjikan oleh *jā'il* sebagai hadiah kepada *‘āmil*). Ia mestilah sesuatu yang *ma'lūm* (diketahui kadar (kuantiti) dan sifat (kualiti)).

[BAHAGIAN 2] JUAL-BELI YANG DIHARAMKAN

Berdasarkan kajian dan analisa penulis, elemen-elemen haram bagi sesuatu jual-beli boleh dibahagikan kepada lima (5) elemen asas seperti berikut:

1. *Ribā* (Riba Hutang dan Riba Jual-Beli)
2. *Gharar* (Ketidakpastian, Kekaburan dan Ketidakjelasan)
3. *Maysir* (Judi)
4. *Ḍarar* (Mudarat)
5. *Intihāk al-Ḥurmah al-Shar‘iyyah* (Melanggar Kehormatan/Kesucian Syariat)

Sebahagian jual-beli yang diharamkan atau dilarang boleh mengandungi lebih daripada salah satu daripada lima (5) elemen di atas.

Hadith-hadith di dalam bahagian ini adalah seperti berikut:

Hadith 11	Pengharaman Riba Hutang (<i>Ribā al-Duyūn</i>) atau Pinjaman (<i>Ribā al-Qurūd</i>)
Hadith 12	Pengharaman Riba Jual Beli (<i>Ribā al-Buyū</i>)
Hadith 13	Pengharaman <i>Gharar</i>
Hadith 14	Pengharaman <i>Maysir</i>
Hadith 15	Pengharaman <i>Ḍarar</i>
Hadith 16	Pengharaman <i>Intihāk al-Ḥurmah al-Shar‘iyyah</i>

Hadith 11: Pengharaman Riba Hutang

عَنْ جَابِرٍ رَضِيَ اللَّهُ عَنْهُ، قَالَ:

لَعَنَ رَسُولُ اللَّهِ ﷺ آكِلَ الرِّبَا وَمُؤَكِّلَهُ وَكَاتِبَهُ وَشَاهِدَيْهِ، وَقَالَ: «هُمُ سَوَاءٌ»

Daripada Jābir رضي الله عنه, beliau berkata:

“Rasulullah ﷺ melaknat pemakan riba, pemberi riba, penulis/pencatat riba dan dua orang saksi bagi riba.”

Dan Baginda ﷺ bersabda: “Mereka semua adalah sama.”

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 3003 [Lafaz di atas]; (Aḥmad (241H): al-Musnad), No. 13851; (Abū ‘Awānah (316H): Mustakhraj Abī ‘Awānah), No. 5453 & 5455 dan lain-lain. [Status: Ṣaḥīḥ]

Nota Ringkas

Para ulama’ membahagikan riba’ kepada dua jenis riba’ iaitu:

1. Riba’ Hutang atau Pinjaman (Riba’ al-Duyūn atau al-Qurūḍ)
2. Riba’ Jual-beli (Riba al-Buyū’)


Majoriti ulama’ kemudiannya membahagikan riba’ jual-beli kepada dua jenis iaitu:

1. Riba’ al-Faḍl (Riba’ Lebihan)
2. Riba’ al-Nasi’ah (Riba’ Penangguhan)

Namun begitu, ulama’ Shāfi’iyyah membahagikan riba’ jual-beli kepada tiga jenis iaitu:

1. Riba’ al-Faḍl (Riba’ Lebihan)
2. Riba’ al-Nasi’ah (Riba’ Penangguhan)
3. Riba’ al-Yad (Riba’ Tangan)

Gambar Rajah 4: Jenis-jenis Riba'



Perbezaan di antara majoriti ulama' dan Shafi'iyah ini sebenarnya terbit dari perbezaan di antara mereka dalam meletakkan syarat jual-beli harta *ribawi*. Majoriti ulama' meletakkan dua syarat sahaja bagi jual-beli harta ribawi dari jenis yang sama seperti jual-beli tamar dengan tamar, iaitu:

1. al-Tamāthul (Kuantiti yang sama bagi kedua-dua barang pertukaran); dan
2. al-Taqābuḍ (Penyerahan secara semerta bagi kedua-dua barang pertukaran di dalam majlis akad)

Shafi'iyah pula meletakkan tiga syarat bagi jual-beli item ribawi iaitu:

1. al-Ḥulūl (Istihqaq serta merta);
2. al-Tamāthul (Kuantiti yang sama bagi kedua-dua barang pertukaran); dan
3. al-Taqābuḍ (Penyerahan secara semerta bagi kedua-dua barang pertukaran di dalam majlis akad)

Di sisi Shafi‘iyyah, *riba’ al-yad* berlaku apabila berlaku penangguhan penyerahan barang (*qabd*) di dalam jual beli harta ribawi yang dilakukan secara semerta. *Riba’ al-nasih* pula berlaku apabila *istiḥqāq* bagi jual-beli harta ribawi tersebut disepekati secara tangguh. Jadual di bawah menunjukkan implikasi perbezaan syarat-syarat jual-beli harta *ribawi* di antara Jumhur dan Shafi‘iyyah.

Jadual 1: Implikasi Perbezaan Syarat-Syarat Jual-Beli Harta *Ribawī* di antara Jumhur dan Shafi‘iyyah

Syarat-syarat Jual-Beli Harta Ribawi Dalam Kategori Yang Sama			Implikasi
Oleh:	Adalah:	→	Jika syarat-syarat tidak dipenuhi maka, <i>riba’</i> yang terjadi adalah:
Majoriti ulama’	1. al-Taḳābuḍ 2. al-Tamāthul		1. Ribā al-Nasī‘ah 2. Ribā al-Faḍl
al-Shāfi‘iyyah	1. al-Ḥulūl 2. al-Taḳābuḍ 3. al-Tamāthul		1. Ribā al-Nasī‘ah 2. Ribā al-Yad 3. Ribā al-Faḍl

Hadith 12: Pengharaman Riba Jual-Beli

عَنْ عُبَادَةَ بْنِ الصَّامِتِ رضي الله عنه، قَالَ: قَالَ رَسُولُ اللَّهِ ﷺ :

«الذَّهَبُ بِالذَّهَبِ، وَالْفِضَّةُ بِالْفِضَّةِ، وَالْبُرُّ بِالْبُرِّ، وَالشَّعِيرُ بِالشَّعِيرِ، وَالتَّمْرُ بِالتَّمْرِ،
وَالْمِلْحُ بِالْمِلْحِ، مِثْلًا بِمِثْلٍ، سَوَاءً بِسَوَاءٍ، يَدًا بِيَدٍ، فَإِذَا اخْتَلَفَتْ هَذِهِ الْأَصْنَافُ،
فَيَبِعُوا كَيْفَ شِئْتُمْ إِذَا كَانَ يَدًا بِيَدٍ»

Daripada ‘Ubādah bin al-Şāmit رضي الله عنه, beliau berkata: Rasulullah ﷺ bersabda:

“[Apabila kamu menjual] Emas dengan emas, perak dengan perak, gandum dengan gandum, barli dengan barli, tamar dengan tamar, garam dengan garam, [maka hendaklah jual-beli tersebut dilakukan secara] misal dengan misal (timbangan yang sama), sama dengan sama (sukatan yang sama), semerta dengan semerta (penyerahan serta-merta di dalam majlis akad).

Maka apabila jenis-jenis harta [ribawi] ini berbeza [tetapi masih dalam jenis (*illah*) yang sama], maka jual-belilah ia sepertimana kamu kehendaki sekiranya ia dilakukan secara semerta dengan semerta.”

T: (Muslim (261H): al-Jāmi‘ al-Şaḥīḥ / Şaḥīḥ Muslim), No. 1588/ 2977 & 2978 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1240 dan beliau berkata: (حَدِيثُ عُبَادَةَ حَدِيثٌ حَسَنٌ صَحِيحٌ); (Abū Dāwud (275H): Sunan Abī Dāwud), No. 3349 dan lain-lain. [Status: Şaḥīḥ]

📖 Nota Ringkas

Jadual berikut menerangkan syarat jual-beli bagi semua harta *ribawi*² yang disebut (*manṭūq/ manṣūṣ*) di dalam hadith di atas.

Kategori		Jenis I		Jenis II			
	Item	Emas	Perak	Gandum	Barli	Tamar	Garam
Jenis I	Emas	2	1	0	0	0	0
	Perak	1	2	0	0	0	0
Jenis II	Gandum	0	0	2	1	1	1
	Barli	0	0	1	2	1	1
	Tamar	0	0	1	1	2	1
	Garam	0	0	1	1	1	2

Maksud nombor-nombor di atas:

2	Dua syarat: i. Tamāthul: Kuantiti yang sama (walaupun berbeza kualiti). ii. Taqābuḍ: Penyerahan kedua-dua harta ribawi secara semerta (di dalam majlis akad).
1	Satu syarat sahaja: 1. Taqābuḍ: Penyerahan kedua-dua harta ribawi secara semerta (di dalam majlis akad).
0	Kedua-dua tamāthul dan taqābuḍ tidak disyaratkan.

Formula Mudah:

Jenis sama, item sama	J I, Emas = J I, Emas J II, Tamar = J II, Tamar	= 2
Jenis sama, item berbeza	J I, Emas = J I, Perak J II, Tamar = J II, Barli	= 1
Dua jenis berbeza	J I, Emas = J II, Tamar J I, Perak = J II, Barli	= 0

² Harta *ribawi*: Harta yang tertakluk kepada undang-undang pengharaman riba di dalam Islam.

Hikmah:

Kategori		Jenis I		Jenis II			
	Item	Emas	Perak	Gandum	Barli	Tamar	Garam
Jenis I	Emas	JUAL BELI WANG: Dikawal ketat		JUAL BELI NORMAL: Dimudahkan			
	Perak						
Jenis II	Gandum	JUAL BELI NORMAL: Dimudahkan		JUAL BELI BARTER (MAKANAN/ BARANGAN): Tidak digalakkan			
	Barli						
	Tamar						
	Garam						

Para ulama' berbeza pandangan tentang 'illah harta ribawi seperti berikut:

	Kategori I (Emas & Perak)	Kategori II (Gandum, Barli, Tamar & Garam)
Ḥanafiiyyah	Semua harta yang dijual secara timbangan (<i>mawzūn</i>)	Semua harta yang dijual-beli secara sukatan (<i>makīl</i>)
Mālikiyyah	Duit emas dan perak atau harga (<i>Naqdiyyah/Thamaniyyah</i>)	Makanan (<i>iqtiyāt, iṣlāḥ al-iqtiyāt & iddikhār</i>)
Shāfi'iyyah	<i>Naqdān</i> : Duit Emas dan Perak, tidak termasuk <i>Fulūs</i> (duit selain emas dan perak)	Makanan (<i>iqtiyāt, tafakkuh & tadāwī</i>)
Ḥanābilah (<i>ẓāhir al-madzhab</i>)	Semua harta yang dijual secara timbangan (<i>mawzūn</i>)	Semua harta yang dijual-beli secara sukatan (<i>makīl</i>)
Ẓāhiriyyah	Hanya emas dan perak	Hanya gandum, barli, tamar, garam dan anggur kering.

Hadith 13: Pengharaman *Gharar*

عَنْ أَبِي هُرَيْرَةَ رضي الله عنه، قَالَ:

نَهَى رَسُولُ اللَّهِ صلى الله عليه وسلم عَنْ بَيْعِ الْحَصَاةِ، وَعَنْ بَيْعِ الْغَرَرِ

Daripada Abu Hurayrah رضي الله عنه, beliau berkata:

Rasulullah صلى الله عليه وسلم melarang daripada jual-beli dengan menggunakan batu kecil (yang merupakan amalan masyarakat jahiliyyah) dan juga jual-beli *gharar* (yang tidak mengandungi unsur ketidakpastian, kekaburan dan ketidakjelasan).

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 2791 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1230 dan beliau berkata: (حديثُ أَبِي هُرَيْرَةَ حَدِيثٌ حَسَنٌ صَحِيحٌ); (al-Nasā‘ī (303H): al-Sunan al-Sughrā / al-Mujtabā min al-Sunan), No. 4518; (Ibn Mājah (273H): Sunan Ibn Mājah), No. 2194 dan lain-lain. [Status: Ṣaḥīḥ]

📖 Nota Ringkas

Al-Jurjānī mentakrifkan *gharar* sebagai:

مَا يَكُونُ مَجْهُولَ الْعَاقِبَةِ لَا يُدْرَى أَيُّكُونُ أَمْ لَا

“Sesuatu yang tidak diketahui kesudahannya; tidak diketahui sama ada ia akan berlaku atau tidak.”

Dalam makna yang lebih umum, *gharar* merujuk kepada elemenn ketidakpastian, ketidaktentuan, kekaburan, ketiadaan maklumat atau kemungkinan mendapat bahaya atau kerugian.

Jual-beli *gharar* ialah:

“Sebarang bentuk jual beli yang mengandungi elemen *gharar* [seperti yang disebut di atas] pada rukun-rukunnya.”

Gharar boleh dibahagikan kepada dua (2) jenis seperti berikut:

1. *Gharar Yasīr*. Iaitu:

Gharar yang ringan atau sedikit

Gharar yang tidak menyebabkan pergaduhan di antara pihak yang berkontrak.

Gharar yang tidak menjejaskan harga barang akad.

Gharar yang sukar untuk dihilangkan atau dielakkan.

2. *Gharar Fāḥish*.

Gharar yang banyak atau berat.

Gharar yang boleh membawa kepada pergaduhan atau pertelingkahan di antara pihak yang berkontrak.

Gharar yang menjejaskan harga barang akad.

Gharar dalam jual-beli boleh berlaku pada tujuh (7) perkara:

1. Kewujudan barang akad.
2. Keberhasilan barang akad walaupun telah wujud.
3. Kualiti umum barang akad.
4. Kualiti khusus barang akad.
5. Kuantiti barang akad.
6. Penentuan barang akad.
7. Keberkekalan barang akad.

Jual-beli *ḥaṣāh* adalah salah satu bentuk jual-beli *gharar* yang diamalkan oleh masyarakat jahiliah dengan cara melempar batu kecil. Terdapat dua (2) cara kaedah jual-beli seperti ini dilakukan di dalam masyarakat jahiliah.

1. Berdasarkan barang yang terkena balingan batu tersebut. Pembeli yang ingin membeli sesuatu barang dikenakan harga yang ditetapkan dan perlu melemparkan batu tersebut ke atas

sekumpulan barang seperti pakaian. Mana-mana barangan atau pakaian yang terkena batu tersebut dikira sebagai barang jualan.

2. Berdasarkan kejauhan jarak batu yang dilemparkan tersebut. Sebagai contoh, seorang pembeli mahu membeli sebahagian daripada sepotong tanah dan penjual juga mahu menjual sebahagiannya sahaja. Maka penjual berkata: Lontarkanlah batu ini, di mana sampainya batu ini, maka ia adalah untukmu dengan harga sekian.

Kedua-dua bentuk jual-beli ini jelas mengandungi unsur *gharar* pada barang jualannya yang merupakan salah satu daripada rukun akad jual-beli.

Hadith 14: Pengharaman Maysir

عَنْ أَبِي عَبْدِ الرَّحْمَنِ الْخَطْمِيِّ رضي الله عنه، قَالَ: سَمِعْتُ رَسُولَ اللَّهِ ﷺ يَقُولُ:
 « مَنْ لَعِبَ بِالْمَيْسِرِ، ثُمَّ قَامَ يُصَلِّيَ فَمَثَلَهُ كَمَثَلِ الَّذِي يَتَوَضَّأُ بِالْقَيْحِ وَدَمِ الْخِنْزِيرِ،
 فَتَقُولُ: اللَّهُ يَقْبَلُ لَهُ صَلَاةً؟ »

Daripada Abū ‘Abd al-Raḥmān al-Khaṭmi رضي الله عنه, beliau berkata: Aku telah mendengar Rasulullah ﷺ bersabda:

“Barang siapa yang bermain judi, kemudian dia bangun mengerjakan solat; maka perumpamaannya adalah seperti seorang yang berwuduk dengan nanah dan darah khinzir, maka engkau pasti bertanya: Adakah Allah akan menerima solatnya? [dalam keadaan sedemikian, sudah pasti tidak].”

T: (Aḥmad (241H): al-Musnad), No. 22627 [Lafaz di atas]; (al-Bayhaqī (458H): al-Sunan al-Kubrā), No. 19299; (al-Haythami (807H): al-Maqsid al-‘Ali fi Zawa‘id Abi Ya‘la al-Mawsili), No. 1117; (al-Ṭabarānī (360H): al-Mu‘jam al-Kabīr), No. 18233 dan lain-lain. S: Abu Sa‘id al-Khudri رضي الله عنه & Ka‘b Bin Malik رضي الله عنه.

14.1: Tiga Bentuk Maysir

عَنْ يَزِيدَ بْنِ شُرَيْحِ الشَّامِيِّ، أَنَّ رَسُولَ اللَّهِ ﷺ قَالَ:
 « ثَلَاثٌ مِنَ الْمَيْسِرِ: الْقِمَارُ، وَالضَّرْبُ بِالْكَعَابِ، وَالصَّفِيرُ بِالْحَمَامِ »

Daripada Yazīd bin Shurayḥ al-Shāmī (mursal), beliau meriwayatkan bahawa sesungguhnya Rasulullah ﷺ bersabda:

“Tiga perkara ini adalah daripada perjudian [yang diharamkan Allah ﷻ]:

- i. Al-Qimār.

- ii. Pukulan dengan tulang.
- iii. Bersiul dengan burung merpati.”

T: (Abū Dāwud (275H): al-Marāsīl [ma‘ al-Asānīd]), No. 518 [Lafaz di atas] & (Ibn Abi Hatim al-Razi (327H): Tafsir al-Qur'an al-'Azim), No. 2058.

14.2: Menukar Qimār Menjadi Sedekah

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ رَسُولُ اللَّهِ ﷺ:
« مَنْ حَلَفَ فَقَالَ فِي حَلْفِهِ: وَاللَّاتِ وَالْعُزَّى، فَلْيُقْل: لَا إِلَهَ إِلَّا اللَّهُ، وَمَنْ قَالَ
لِصَاحِبِهِ: تَعَالَ أَقَامِرَكَ فَلْيَتَصَدَّقْ »

Daripada Abū Hurayrah رضي الله عنه, beliau berkata: Rasulullah ﷺ bersabda:

“Barang siapa yang melakukan sumpah dan dia berkata di dalam sumpahnya: “Demi Lāta dan ‘Uzzā,” maka hendaklah dia mengucapkan:

لَا إِلَهَ إِلَّا اللَّهُ

“Tiada tuhan [yang berhak disembah] melainkan Allah.”

Dan barang siapa yang berkata kepada sahabatnya: “Marilah, aku bertaruh dengan kamu,” maka hendaklah dia bersedekah [dengan wang taruhannya itu].”

T: (al-Bukhārī (256H): Ṣaḥīḥ al-Bukhārī), No. 4860 [Lafaz di atas], 6107, 6301 && 6650; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1649; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1545 dan beliau berkata: (هَذَا حَدِيثٌ حَسَنٌ صَحِيحٌ) dan lain-lain. [Status: Ṣaḥīḥ Muttafaq ‘alayh]

 Nota Ringkas

Allah ﷻ berfirman (al-Mā'idah:90-91):

﴿ يَا أَيُّهَا الَّذِينَ آمَنُوا إِنَّمَا الْخَمْرُ وَالْمَيْسِرُ وَالْأَنْصَابُ وَالْأَزْلَامُ رِجْسٌ مِنْ عَمَلِ
الشَّيْطَانِ فَاجْتَنِبُوهُ لَعَلَّكُمْ تُفْلِحُونَ ﴾

“Wahai orang-orang yang beriman! Bahawa sesungguhnya arak, dan judi (*maysir*), dan pemujaan berhala, dan mengundi nasib dengan batang-batang anak panah, adalah [semuanya] kotor (keji) dari perbuatan Syaitan. Oleh itu hendaklah kamu menjauhinya supaya kamu berjaya.”

Perbezaan di antara perjudian (*maysir/ qimār*) dengan mengundi nasib menggunakan batang-batang panah (*istiqsām bi al-azlām*) ialah *maysir/ qimār* digunakan untuk mengambil harta orang lain sedangkan *istiqsām bi al-azlām* digunakan untuk memilih perbuatan.

﴿ إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ وَالْبَغْضَاءَ فِي الْخَمْرِ وَالْمَيْسِرِ وَيَصُدَّكُمْ
عَنْ ذِكْرِ اللَّهِ وَعَنِ الصَّلَاةِ فَهَلْ أَنْتُمْ مُنتَهُونَ ﴾

“Sesungguhnya Syaitan itu hanyalah bermaksud mahu menimbulkan permusuhan dan kebencian di antara kamu dengan sebab arak dan judi (*maysir*), dan mahu memalingkan kamu daripada mengingati Allah dan daripada mengerjakan sembahyang. Oleh itu, mahukah kamu berhenti (daripada melakukan perkara-perkara yang keji dan kotor itu atau kamu masih berdegil)?.”

Menurut al-Imām Ibnu Ḥajar al-Haytamī al-Makkī al-Shāfi‘ī, *maysir* boleh didefinisikan sebagai:

القِمَارُ بِأَيِّ نَوْعٍ كَانَ

“Perjudian dalam sebarang bentuk.”

Al-Imām al-Maḥallī pula mendefinisikannya sebagai:

صُورَةُ الْقِمَارِ الْمَحْرَمِ التَّرَدُّدُ بَيْنَ أَنْ يَغْنَمَ وَأَنْ يَغْرَمَ

“Gambaran (bentuk) perjudian yang diharamkan iaitu keadaan sesuatu urusan tanpa kepastian/ kejelasan sama ada seseorang itu akan mendapatkan keuntungan atau dia akan mengalami kerugian [tanpa keadaan ketiga iaitu tidak untung dan tidak rugi].”

Perjudian ialah apa sahaja bentuk aktiviti atau permainan yang meletakkan para pesertanya di dalam kedudukan “untung semata-mata” (*ghānim*) atau “rugi semata-mata” (*ghārim*). Sebahagian para ulama’ menyatakan bahawa *maysir* adalah pada hakikatnya satu bentuk *gharar* dan ia merupakan seburuk-buruk bentuk *gharar*. Ia juga merujuk kepada “zero-sum game” di mana keuntungan sebahagian pihak adalah berpunca dari kerugian pihak lain; atau kerugian sesuatu pihak akan memberikan keuntungan kepada pihak lain.

Masyarakat *jāhiliyyah* menggunakan beberapa jenis alat untuk melakukan perjudian. Mereka membahagikan daging unta kepada dua puluh lapan (28) bahagian dan kemudiannya mereka melakukan permainan judi. Siapa yang menang akan mengambil daging-daging tersebut dan siapa yang kalah perlu membayar harganya.

Menurut Imam Mālik, *maysir* boleh dibahagikan kepada dua jenis:

1. *Maysir al-Lahw* (Perjudian yang tidak melibatkan harta)
2. *Maysir al-Qimār* (Perjudian yang melibatkan harta)

Di antara contoh *maysir al-Lahw* ialah permainan *nard* (dadu), *nardashīr* (permainan dadu Parsi yang dicipta oleh Sābūr bin Ardashīr),

shaṭranj (catur kuno Parsi), dan apa sahaja bentuk permainan (*malāhī*) yang melalaikan dan tidak mempunyai manfaat.

Maysir al-Qimār adalah sebarang bentuk permainan di mana pihak pemenang mengambil harta pihak yang kalah. Di antara bentuk-bentuk *maysir al-Qimār* pada hari ini ialah perjudian daun terup, bayaran gores dan menang, bayaran bagi pertandingan melontar atau menikam, perjudian sukan, perjudian teka nombor seperti sports toto atau magnum dan perjudian sabung ayam.

Dan di antara *maysir* yang banyak tersebar di dalam masyarakat ialah pertandingan yang menjadikan hadiahnya diambil daripada semua peserta dan kemudiaannya diserahkan kepada sebahagian yang menang.

Tiga kesan buruk *maysir* ialah:

1. Perbuatan memakan harta orang lain dengan jalan yang batil (mengalihkan harta daripada pihak yang kalah kepada pihak yang menang).
2. Melahirkan kebencian dan permusuhan di antara pihak yang terlibat.
3. Melalaikan seseorang dari zikrullah dan solat serta ketaatan.

Hadith 15: Pengharaman *Darar* (Mudarat)

عَنْ أَبِي سَعِيدٍ الْخُدْرِيِّ رضي الله عنه، أَنَّ رَسُولَ اللَّهِ صلى الله عليه وسلم قَالَ:
« لَا ضَرَرَ وَلَا ضِرَارَ، مَنْ ضَارَّ ضَارَّهُ اللَّهُ، وَمَنْ شَاقَّ شَاقَّ اللَّهُ عَلَيْهِ »

Daripada Abū Sa‘īd al-Khudrī رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Tidak boleh memudaratkan pihak lain, dan tidak boleh membalas kemudaratannya.

Barang siapa yang memudaratkan pihak lain, maka Allah akan memudaratkannya.

Dan barang siapa yang menyusahkan pihak lain, maka Allah menimpakan kesusahan ke atasnya.”

T: (هَذَا حَدِيثٌ صَحِيحٌ الْإِسْنَادِ، عَلَى شَرْطِ مُسْلِمٍ، وَلَمْ يُجْرَجْ) :

Nota Ringkas

Darar adalah merujuk kepada:

“kemudaratannya atau kerugian atau kezaliman yang berlaku akibat daripada urusan yang dilakukan.”

Dan di antara jual beli yang diharamkan kerana *darar* (mudarat) adalah:

1. Jual-beli orang bandar dari orang badwi [yang menyembunyikan harga pasaran di bandar].
2. Jual-beli peraih barang dari orang badwi [yang menyembunyikan harga pasaran di bandar].
3. Jual-beli senjata ketika berlaku fitnah pergaduhan.
4. Jual-beli ke atas jual-beli pihak yang lain.

5. *Najsh* iaitu tawaran dalam jual-beli lelong untuk menaikkan harga dan bukan untuk tujuan membeli.

15.1 Larangan Jual-Beli Yang Memudaratkan Pihak Lain

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
« لَا يَبْتَاعُ الْمَرْءُ عَلَى بَيْعِ أَخِيهِ، وَلَا تَنَاجَشُوا، وَلَا يَبِيعُ حَاضِرٌ لِبَادٍ »

Daripada Abū Hurayrah رَضِيَ اللَّهُ عَنْهُ, beliau berkata: Rasulullah صَلَّى اللَّهُ عَلَيْهِ وَسَلَّمَ bersabda:

“Janganlah seseorang itu membuat tawaran pembelian ke atas barang yang telah dibeli oleh saudaranya.

Dan janganlah dia saling berpakat untuk menaikkan harga sesuatu barang dalam jual-beli lelong [sedangkan dia tidak berniat untuk membelinya].

Dan janganlah seorang penduduk bandar membeli barang dari penduduk kampung [tanpa memberitahunya harga pasaran bagi barang tersebut].”

T: (al-Bukhārī (256H): Ṣaḥīḥ al-Bukhārī), No. 2160 [Lafaz di atas].
[Status: Ṣaḥīḥ]

15.2 Larangan Jual-Beli Senjata Ketika Berlaku Pertelingkahan Sesama Umat Islam

عَنْ عِمْرَانَ بْنِ حُصَيْنٍ رَضِيَ اللَّهُ عَنْهُ، قَالَ:
نَهَى رَسُولُ اللَّهِ صَلَّى اللَّهُ عَلَيْهِ وَسَلَّمَ عَنْ بَيْعِ السَّلَاحِ فِي الْفِتْنَةِ
رَفْعُهُ وَهُمْ وَالْمَوْقُوفُ أَصْحَحُ وَيُرْوَى ذَلِكَ، عَنْ أَبِي رَجَاءٍ، مِنْ قَوْلِهِ.

15.3 Pengharaman *Ghaṣb* (Rampasan Harta Secara Zalim)

عَنْ وَائِلِ بْنِ حُجْرٍ رضي الله عنه، قَالَ: قَالَ رَسُولُ اللَّهِ صلى الله عليه وسلم:
 « مَنْ اقْتَطَعَ أَرْضًا ظَالِمًا، لَقِيَ اللَّهَ وَهُوَ عَلَيْهِ غَضَبَانُ »

Daripada Wā'il bin Hujr رضي الله عنه, beliau berkata: Rasulullah صلى الله عليه وسلم bersabda:

“Barang siapa yang mengambil tanah (orang lain) dengan cara yang zalim, maka dia akan bertemu Allah (pada Hari Kiamat kelak) dalam keadaan Allah murka terhadapnya.”

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 142 [Lafaz di atas]; (Aḥmad (241H): al-Musnad), No. 18383; (Abū ‘Awānah (316H): Mustakhraj Abī ‘Awānah), No. 6002; (al-Ṭabarānī (360H): al-Mu‘jam al-Kabīr), No. 17524 dan lafaznya: (مَنْ غَصَبَ رَجُلًا أَرْضًا ظَلَمًا لَقِيَ اللَّهَ وَهُوَ عَلَيْهِ غَضَبَانُ) dan lain-lain. [Status: Ṣaḥīḥ]

15.4 Azab bagi Mereka Yang Mengambil Tanah Secara Zalim Walaupun Sejengkal

عَنْ سَعِيدِ بْنِ زَيْدٍ رضي الله عنه، قَالَ: سَمِعْتُ النَّبِيَّ صلى الله عليه وسلم يَقُولُ:
 « مَنْ أَخَذَ شِبْرًا مِنَ الْأَرْضِ ظُلْمًا، فَإِنَّهُ يُطَوَّفُهُ يَوْمَ الْقِيَامَةِ مِنْ سَبْعِ أَرْضِينَ »

Daripada Sa‘īd bin Zayd رضي الله عنه, beliau berkata: Aku telah mendengar

Baginda Nabi صلى الله عليه وسلم bersabda:

“Barang siapa yang mengambil sejengkal tanah [milih orang lain] dengan kezaliman, maka akan dikalungkan (dibebankan) ke atas bahunya pada hari kiamat kelak dengan tanah dari tujuh petala bumi.”

T: (al-Bukhārī (256H): Ṣaḥīḥ al-Bukhārī), No. 2452 & 3198 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1610, 1611, 1612 & 1613; (al-Dārimī (255H): Sunan al-Dārimī), No. 2606 dan lain-lain. [Status: Ṣaḥīḥ]

 Nota Ringkas

Ḍarar dalam konteks muamalat merujuk kepada:

“kemudaratan atau kerugian atau kezaliman yang berlaku akibat dari urusanniaga yang dilakukan.”

Dan di antara jual beli yang diharamkan kerana *ḍarar* (mudarat) adalah:

1. Jual-beli orang bandar dari orang badwi [yang menyembunyikan harga pasaran di bandar].
2. Jual-beli peraih barang dari orang badwi [yang menyembunyikan harga pasaran di bandar].
3. Jual-beli senjata ketika berlaku fitnah pergaduhan.
4. Jual-beli ke atas jual-beli pihak yang lain.
5. *Najsh* iaitu tawaran dalam jual-beli lelong untuk menaikkan harga dan bukan untuk tujuan membeli.
6. Jual-beli kanak-kanak.
7. Jual-beli orang gila.
8. Jual-beli kerana paksaan.

Ghaṣb dari sudut bahasa bermakna:

أَخَذُ الشَّيْءَ ظُلْمًا مُجَاهِرَةً

“Mengambil sesuatu [harta] dengan zalim dan terang-terangan.”

Dari sudut istilah Syariat pula:

الْإِسْتِيلَاءُ عَلَى حَقِّ الْغَيْرِ عُدْوَانًا

“Mengambil penguasaan ke atas hak orang lain dengan jalan permusuhan [tanpa kerelaan pemiliknya atau tanpa kebenaran Syariat].”

Apabila seseorang itu mengambil harta orang lain secara *ghaṣb* (rampasan/zalim), maka dia hendaklah:

1. Memulangkan harta tersebut (*radd al-‘ayn*), dan
2. Membayar nilai yang telah berkurangan (*arsh*) daripada harta tersebut, dan
3. Membayar upah sesuai dengan sewaan harta tersebut (*ujrat al-mithl*).

Sekiranya harta tersebut musnah, maka dia hendaklah menggantikan harta tersebut dengan seumpamanya jika harta tersebut mempunyai harta seumpamanya (*radd al-mithl*). Dan sekiranya harta tersebut tidak mempunyai harta seumpamanya, maka dia hendaklah membayar dengan nilai (*radd al-qīmah*) yang paling tinggi di antara hari rampasan dan hari kemusnahan harta tersebut. Di samping itu, dia hendaklah bertaubat kepada Allah dan meminta kemaafan daripada pihak yang telah dizalimi sekiranya kezaliman itu dilakukan dengan sengaja tanpa sebarang keuzuran.

Hadith 16: Pengharaman *Intihāk al-Ḥurmah al-Shar‘iyyah*

عَنْ أَبِي هُرَيْرَةَ رضي الله عنه، أَنَّ رَسُولَ اللَّهِ ﷺ قَالَ:

« إِنَّ اللَّهَ حَرَّمَ الْخَمْرَ وَثَمَنَهَا، وَحَرَّمَ الْمَيْتَةَ وَثَمَنَهَا، وَحَرَّمَ الْخِنْزِيرَ وَثَمَنَهُ »

Daripada Abū Hurayrah رضي الله عنه, beliau meriwayatkan bahawa sesungguhnya Baginda Nabi ﷺ bersabda:

“Sesungguhnya Allah telah mengharamkan arak dan harga jualannya; dan Dia telah mengharamkan bangkai dan harga jualannya; dan Dia telah mengharamkan babi dan harga jualannya.”

T: (Abū Dāwud (275H): Sunan Abī Dāwud), No. 3485 [Lafaz di atas]; (Abū ‘Awānah (316H): Mustakhraj Abī ‘Awānah); (al-Dāraqūṭnī (385H): Sunan al-Dāraqūṭnī); (al-Bayhaqī (458H): al-Sunan al-Kubrā); (al-Ṭabarānī (360H): Musnad al-Shāmiyyīn); (al-Ṭabarānī (360H): al-Mu‘jam al-Awsaṭ); (Abū Nu‘aym al-Asbahānī (430H): Ḥilyat al-Awliyā’ wa Ṭabaqāt al-Aṣfiyā’) dan lain-lain.

 **Nota Ringkas**

Intihāk al-ḥurmah al-shar‘iyyah memberi maksud:

“pelanggaran kehormatan/ kemuliaan Syariat.”

Perlanggaran kehormatan Syariat boleh berlaku dari beberapa sudut seperti:

- Melanggar kehormatan waktu.
- Melanggar kehormatan tempat.
- Melanggar kehormatan keadaan.
- Melanggar kehormatan harta.
- Bantu-membantu dalam melakukan maksiat.


Di antara urusan yang diharamkan kerana melanggar kehormatan Syariat adalah:

- Jual-beli setelah imam naik ke atas mimbar bagi seseorang yang wajib mengerjakan solat Jumaat.
- Jual-beli di dalam masjid.
- Jual-beli bagi hasil buruan seorang yang memburu dalam keadaan berihram.
- Jual-beli najis atau *mutanajjis* (barang yang pada asalnya suci tetapi dicemari najis).
- Upah menilik nasib tuah atau sial.
- Upah pelacuran

[BAHAGIAN 3] AKAD PERKONGSIAN

Perkongsiaran berasaskan akad di dalam Islam boleh dibahagikan seperti gambar rajah berikut.

Gambar Rajah 5: Akad-akad Perkongsiaran Akad



Hadith-hadith di dalam bahagian ini adalah seperti berikut:

Hadith 17	Mushārah (Akad Perkongsiaran Modal, Keuntungan dan Kerugian)
Hadith 18	Muḍārah (Akad Perkongsiaran Keuntungan dengan Gabungan Modal dan Usaha)
Hadith 19	Musāqāh (Mu‘āmalah) (Akad Perkongsiaran Usahasama Penjagaan Tanaman), Muzārah/ Mukhābarah (Akad Perkongsiaran Usaha Sama Pertanian) dan Mughārasah (Munāṣabah) (Akad Perkongsiaran Usahasama Penanaman Tanaman)

Hadith 17: *Mushārah* (Akad Perkongsian Modal, Keuntungan dan Kerugian) Membawa Keberkatan

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
« يَقُولُ اللَّهُ: أَنَا ثَالِثُ الشَّرِيكَيْنِ مَا لَمْ يُخُنْ أَحَدُهُمَا صَاحِبَهُ، فَإِذَا خَانَ خَرَجْتُ مِنْ
بَيْنَهُمَا »

Daripada Abū Hurayrah رَضِيَ اللَّهُ عَنْهُ, beliau berkata: Rasulullah صَلَّى اللَّهُ عَلَيْهِ وَسَلَّمَ bersabda:

“Allah صَلَّى اللَّهُ عَلَيْهِ وَسَلَّمَ berfirman (di dalam hadith *qudsi*):

Aku adalah pihak ketiga [yang memberi keberkatan/kurniaan] bagi dua orang rakan kongsi, selama mana setiap seorang daripada mereka tidak mengkhianati sahabatnya.

Apabila salah seorang daripada mereka mengkhianati sahabatnya, maka [kurniaan/ keberkatan] AKU akan keluar daripada [perkongsian/ kerjasama] mereka.”

T: (al-Ḥākim (405H): al-Mustadrak ‘alā al-Saḥīḥayn), No. 2259 [Lafaz di atas]; (Abū Dāwud (275H): Sunan Abī Dāwud), No. 3383; (al-Dāraqūṭnī (385H): Sunan al-Dāraqūṭnī), No. 2910; (al-Bayhaqī (458H): al-Sunan al-Saghīr), No. 2201; (al-Bayhaqī (458H): al-Sunan al-Kubrā), No. 10566; (al-Bayhaqī (458H): Ma‘rifat al-Sunan wa al-Athār), No. 3668 dan lain-lain. [Status: Ḥasan]

17.1 Rakan Kongsi Rasulullah صَلَّى اللَّهُ عَلَيْهِ وَسَلَّمَ : al-Sa‘ib bin Abu al-Sa‘ib

رَضِيَ اللَّهُ عَنْهُ

عَنْ السَّائِبِ رَضِيَ اللَّهُ عَنْهُ، قَالَ لِلنَّبِيِّ صَلَّى اللَّهُ عَلَيْهِ وَسَلَّمَ:
كُنْتُ شَرِيكِي فِي الْجَاهِلِيَّةِ، فَكُنْتُ خَيْرَ شَرِيكِ لَأُتَدَارِيَنِي وَلَا تُتَدَارِيَنِي

Daripada al-Sā'ib رضي الله عنه, beliau meriwayatkan bahawa beliau telah berkata kepada Rasulullah ﷺ:

“Engkau pernah menjadi rakan kongsiiku sewaktu zaman jahiliyyah. Dan engkau adalah sebaik-baik rakan kongsi. Engkau tidak menipuku (/menyembunyikan sesuatu daripadaku) dan engkau tidak berdebat-debat denganku.”

T: (Ibn Mājah (273H): Sunan Ibn Mājah), No. 2287 [Lafaz di atas]; (Aḥmad (241H): al-Musnad), No. 15076, 15077 & 15079; (al-Ḥākim (405H): al-Mustadrak ‘alā al-Saḥīḥayn), No. 2294 dan beliau berkata: (هَذَا) (حديث صحيح الإسناد، ولم يُخرجه) (al-Nasā’ī (303H): al-Sunan al-Kubrā), No. 10071; (al-Bayhaqī (458H): al-Sunan al-Saghīr), No. 2200; (al-Bayhaqī (458H): al-Sunan al-Kubrā), No. 10564 & 10565 dan lain-lain.

17.2 Rasulullah ﷺ Memperakui Perkongsian Zayd bin Arqam رضي الله عنه dan al-Bara’ bin ‘Azib رضي الله عنه

عَنْ زَيْدِ بْنِ أَرْقَمٍ، وَالْبَرَاءِ بْنِ عَازِبٍ رضي الله عنهما :

كَانَا شَرِيكَيْنِ، فَاشْتَرَيَا فِضَّةً بِنَقْدٍ، وَنَسِيئَةً، فَبَلَغَ ذَلِكَ النَّبِيَّ ﷺ فَأَمَرَهُمَا أَنْ: « مَا كَانَ بِنَقْدٍ، فَأَجِزُوهُ، وَمَا كَانَ بِنَسِيئَةٍ، فَرُدُّوهُ »

Daripada Zayd bin Arqam dan al-Barā’ bin ‘Āzib رضي الله عنهما, mereka berdua meriwayatkan bahawa:

“Mereka berdua pernah menjadi rakan kongsi. Mereka berdua membeli perak dengan tunai dan tangguh.

Apabila perkara tersebut kepada Baginda Nabi ﷺ, maka Baginda ﷺ memerintahkan mereka berdua:

Apa yang telah dijual dengan tunai, maka teruskanlah ia. Dan apa yang dijual dengan secara tangguh, maka kembalikanlah ia.”

T: (Aḥmad (241H): al-Musnad), No. 18880 [Lafaz di atas]. [Status: Ṣaḥīḥ]

📖 Nota Ringkas

Shirkah atau *Sharikah* atau *Mushārah* ialah:

عَقْدٌ بَيْنَ الْمُتَشَارِكِينَ فِي الْأَصْلِ وَالرَّيْحِ

“Akad di antara pihak yang berkongsi pada modal dan keuntungan.”

Beberapa hukum penting berkaitan *Mushārah*:

- Majoriti fuqaha’ mensyaratkan modal bagi *shirkat al-amwāl* dalam bentuk wang. Namun begitu, Mālikiyyah membenarkan modal diberikan adalah bentuk *‘urūd* (barang) yang dinilai dalam bentuk wang pada hari ia dijadikan sebagai modal *mushārah*.
- Kaedah pengagihan untung dan rugi di sisi Shafi’iyyah dan Malikiyyah adalah:

الرَّيْحُ وَالْوَضِيعَةُ عَلَى قَدْرِ الْمَالَيْنِ

“Keuntungan dan kerugian diagihkan berdasarkan kadar (nisbah) harta (modal) setiap rakan kongsi.”

- Kaedah pengagihan untung dan rugi di sisi Hanafiyyah dan Hanabilah adalah:

الرَّيْحُ عَلَى مَا شَرَطَا / اضْطَلَحَا وَالْوَضِيعَةُ عَلَى قَدْرِ الْمَالَيْنِ

“Keuntungan diagihkan berdasarkan syarat dipersetujui setiap rakan kongsi/ kesepakatan setiap rakan kongsi; dan kerugian diagihkan berdasarkan kadar (nisbah) harta (modal) setiap rakan kongsi.”

**Hadith 18: *Muḍārabah* (Akad Perkongsian Keuntungan dengan Gabungan Modal dan Usaha) Sayyidina ‘Abbās رضي الله عنه
Diperakui oleh Rasulullah ﷺ**

عَنْ ابْنِ عَبَّاسٍ رضي الله عنهما، قَالَ:

كَانَ الْعَبَّاسُ بْنُ عَبْدِ الْمُطَّلِبِ رضي الله عنه إِذَا دَفَعَ مَالًا مُضَارَبَةً اشْتَرَطَ عَلَى صَاحِبِهِ، أَنْ لَا يَسْلُكَ بِهِ بَحْرًا، وَلَا يَنْزِلَ بِهِ وَادِيًا، وَلَا يَشْتَرِي بِهِ ذَا كَبِدٍ رَطْبَةٍ، فَإِنْ فَعَلَهُ فَهُوَ ضَامِنٌ، فَرَفَعَ شَرْطَهُ إِلَى رَسُولِ اللَّهِ ﷺ فَأَجَازَهُ.

Daripada ‘Abdullah Ibnu ‘Abbās رضي الله عنهما, beliau berkata:

“[Sayyidina] ‘Abbās bin ‘Abd al-Muṭṭalib رضي الله عنه, apabila beliau memberikan harta berdasarkan muḍārabah, beliau mensyaratkan ke atas rakan kerjanya untuk: tidak membawa hartanya di laut, tidak membawa hartanya di lembah dan tidak membeli dengan hartanya itu haiwan yang hidup, dan jika dia melakukannya, maka dia perlu menanggung kerugian yang berlaku.

Dan beliau telah menyatakan syarat tersebut kepada Rasulullah ﷺ, lalu Baginda ﷺ membenarkannya.”

T: (al-Dāraquṭnī (385H): Sunan al-Dāraquṭnī), No. 3062 [Lafaz di atas] dan beliau berkata: (أَبُو الْجَارُودِ، ضَعِيفٌ); (al-Bayhaqī (458H): al-Sunan al-Kubrā), No. 10725 dan beliau berkata: (تَفَرَّدَ بِهِ أَبُو الْجَارُودِ زِيَادُ بْنُ الْمُثَنِّرِ، وَهُوَ كُوفِيٌّ ضَعِيفٌ); (al-Ṭabarānī (360H): al-Mu‘jam al-Awsaṭ), No. 760 dan beliau berkata: (لَا يُرْوَى هَذَا الْحَدِيثُ عَنْ ابْنِ عَبَّاسٍ إِلَّا بِهَذَا الْإِسْنَادِ، تَفَرَّدَ بِهِ مُحَمَّدُ بْنُ عَقْبَةَ); (Ibn Ḥajar al-‘Asqalānī (852H): al-Maṭālib al-‘Āliyah bi Zawā‘id al-Masānid al-Thamānīyah), No. 1459 & (Ibn Ḥajar al-‘Asqalānī (852H): Iṭḥāf al-Maharah bi al-Fawā‘id al-Mubtakarah min Aṭrāf al-‘Asharah), No. 6996.

18.1 Muḍārabah Membawa Keberkatan

عَنْ صُهَيْبِ الرَّومِيِّ رضي الله عنه، قَالَ: قَالَ رَسُولُ اللَّهِ ﷺ:
 «ثَلَاثٌ فِيهِنَّ الْبَرَكَةُ الْبَيْعُ إِلَى أَجَلٍ وَالْمُقَارَضَةُ وَأَخْلَاطُ الْبُرِّ بِالشَّعِيرِ لِلْبَيْتِ لَا لِلْبَيْعِ»

Daripada Ṣuhayb al-Rūmī رضي الله عنه, beliau berkata: Rasulullah ﷺ bersabda:

“Tiga perkara yang ada padanya keberkatan (kebaikan yang bertambah-tambah):

1. Jual beli secara [harga] tangguh;
2. Muqāraḍah (muḍārabah); dan
3. Mencampurkan tepung gandum dan tepung barli untuk kegunaan di rumah, dan bukan untuk jualan.”

T: (Ibn Mājah (273H): Sunan Ibn Mājah), No. 2289 [Lafaz di atas]; (Ibn ‘Asākir (571H): Tārīkh Dimashq), No. 20384 & (al-Shawkānī (1250H): al-Fawā'id al-Majmū'ah fi al-Aḥādīth al-Mawḍū'ah), No. 327 dan beliau berkata: (وفي لفظ له: للبيت لا يبيع للسوق، قال في اللآلئ: مؤنوع، وفي إسناده: مجهولان، وقد أخرجه ابن (ماجة في سننه، من طريق المجهولين، قال الذهبي: هو حديث واه

Hadith-hadith di atas walaupun mempunyai kelemahan pada sanadnya secara tersendiri, tetapi saling kuat memperkuat sehingga diterima sebagai hujah. Dr. Muṣṭafā al-Bughā, Dr. Muṣṭafā al-Khinn dan Sheikh ‘Alī al-Sharbajī (1992) menyebut di dalam “al-Fiqh al-Manhajī”:

وَهَذِهِ الْأَحَادِيثُ وَإِنْ كَانَ فِي سَنَدِ كُلِّ مِنْهَا ضَعْفٌ، لَكِنَّهَا بِمَجْمُوعِهَا تَقْوَى
 فَتُصْبِحُ مَقْبُولَةً صَالِحَةً لِلْإِحْتِجَاجِ بِهَا، وَلَا سِيَّامَا وَقَدْ أَيْدَاهَا عَمَلُ الصَّحَابَةِ رضي الله عنهم
 وَإِجْمَاعُهُمْ عَلَى مَشْرُوعِيَّةِ هَذَا الْعَمَلِ.

“Dan hadith-hadith ini, walaupun pada sanad setiap daripadanya terdapat kelemahan, akan tetapi ia secara himpunannya menjadi kuat, dan ia menjadi hadith yang diterima untuk dijadikan hujah dengannya.

Lebih-lebih lagi, apabila ia diperkuatkan dengan amalan para Sahabat رضي الله عنهم dan ijma' mereka tentang pensyariatannya amalan ini.”

R: (al-Khinn et al. al-Fiqh al-manhaji: Manhaj Fiqh al-Syafi'i).

Nota Ringkas

Muḍārabah atau *qirāḍ* ialah:

عَقْدُ شَرِكَةٍ فِي الرَّبْحِ بِمَالٍ مِنْ جَانِبٍ، وَعَمَلٍ مِنْ جَانِبٍ

“Akad perkongsian pada keuntungan dengan modal daripada satu pihak dan usaha/pekerjaan daripada satu pihak yang lain.”

Rukun akad *muḍārabah* ialah:

1. Pihak yang berakad:
 - a. *Rabb al-Māl* (Pemilik modal)
 - b. *Muḍārib* atau *ʿĀmil* (Pengusaha)
2. Lafaz akad [atau seumpamanya].
3. Subjek akad: modal (*ra's al-māl*).

Prinsip keuntungan di dalam *muḍārabah* ialah:

الرَّبْحُ عَلَى مَا اضْطَلَحَا / شَرْطًا


“Keuntungan [dibahagikan] berdasarkan persetujuan/ syarat (nisbah) yang telah dipersetujui.”

Prinsip kerugian di dalam *muḍārabah* ialah:

الْوَضِيعَةُ عَلَى الْمَالِ

“Kerugian [hanyalah ditanggung] ke atas harta [yang dijadikan modal.”

Ini bermakna bahawa pihak *muḍārib* atau *‘āmil* tidak perlu menanggung sebarang kerugian sekiranya ia tidak berpunca daripada pengkhianatan (*ta‘āddī*), kecuaiian (*taqṣīr*) atau pelanggaran syarat (*mukhālafat al-shurūṭ*). Namun begitu sebenarnya pihak *muḍārib* atau *‘āmil* telah mengalami kerugian dari sudut masa, usaha dan reputasi.



Hadith 19: *Musāqāh*, *Muzāra‘ah*, *Mukhābarah* dan *Mughārasah* (Akad Perkongsian Usaha dan Hasil Tanaman)

عَنْ عَبْدِ اللَّهِ رَضِيَ اللَّهُ عَنْهُ، قَالَ:

أَعْطَى رَسُولُ اللَّهِ ﷺ خَيْبَرَ الْيَهُودَ، أَنْ يَعْمَلُوهَا وَيَزْرَعُوهَا، وَلَهُمْ شَطْرُ مَا يُخْرَجُ مِنْهَا

Daripada ‘Abdullāh bin Mas’ud رضي الله عنه, beliau berkata:

“Rasulullah ﷺ telah memberikan khaybar kepada Yahudi, untuk mereka mengusahakannya dan menanam tanaman padanya, dan mereka mendapat separuh daripada hasil tanaman tersebut buat mereka.”

T: (al-Bukhārī (256H): Ṣaḥīḥ al-Bukhārī), No. 2331 [Lafaz di atas].
[Status: Ṣaḥīḥ]

19.1 Rasulullah ﷺ Melakukan *Mu‘āmalah* dengan Penduduk Khaybar

عَنْ عَبْدِ اللَّهِ بْنِ عُمَرَ رَضِيَ اللَّهُ عَنْهُمَا:

أَنَّ النَّبِيَّ ﷺ عَامَلَ خَيْبَرَ بِشَطْرِ مَا يُخْرَجُ مِنْهَا مِنْ ثَمَرٍ أَوْ زَرْعٍ، فَكَانَ يُعْطَى أَزْوَاجَهُ مِائَةَ وَسْقٍ، ثَمَانُونَ وَسَقَ تَمْرٍ، وَعِشْرُونَ وَسَقَ شَعِيرٍ، فَقَسَمَ عُمَرُ خَيْبَرَ، فَخَيْرَ أَزْوَاجِ النَّبِيِّ ﷺ أَنْ يُقْطَعَ هُنَّ مِنَ السَّمَاءِ وَالْأَرْضِ أَوْ يُمَضِيَ هُنَّ، فَمِنْهُنَّ مَنْ اخْتَارَ الْأَرْضَ، وَمِنْهُنَّ مَنْ اخْتَارَ الْوَسْقَ، وَكَانَتْ عَائِشَةُ اخْتَارَتِ الْأَرْضَ

Daripada ‘Abdullāh Ibnu ‘Umar رضي الله عنهما, beliau meriwayatkan bahawa:

“Sesungguhnya Baginda Nabi ﷺ bermu‘āmalah (*muzāra‘ah*) dengan penduduk Khaybar dengan separuh daripada apa yang terhasil daripada buah-buahan atau hasil ladang [milik Baginda ﷺ]. Kemudian, Baginda ﷺ memberikan isteri-isteri Baginda ﷺ sebanyak 100 wasq: 80 wasq tamar dan 20 wasq gandum barli.

[Setelah kewafatan Baginda ﷺ,] Sayyidina Umar ؓ membahagikan tanah Khaybar, dan beliau telah memberi pilihan kepada isteri-isteri Nabi ﷺ untuk beliau memberikan mereka bahagian daripada air dan tanah atau meneruskan apa yang telah diberi oleh Rasulullah ﷺ kepada mereka daripada hasil pertanian.

Sebahagian daripada mereka memilih untuk mendapatkan tanah dan sebahagian daripada mereka memilih untuk mendapatkan hasil pertanian. Saidatina Aisyah رضي الله عنها telah memilih untuk mendapatkan tanah.”

T: (al-Bukhārī (256H): Ṣaḥīḥ al-Bukhārī), No. 2328 [Lafaz di atas].
[Status: Ṣaḥīḥ]

Nota Ringkas

Hadith-hadith di atas dijadikan hujah oleh para fuqaha' sebagai asas pensyariatkan akad-akad perkongsian hasil tanaman sama ada dalam bentuk *musāqāh*, *muzāra‘ah*, *mukhābarah* atau *mughārasah*. [Berlaku perbezaan pandangan di kalangan para fuqaha' berkenaan perinciannya].

Musāqāh ialah:

مُعَاقَدَةُ دَفْعِ الْأَشْجَارِ إِلَى مَنْ يَعْمَلُ فِيهَا عَلَى أَنَّ الثَّمَرَ بَيْنَهُمَا

“Akad bagi menyerahkan pokok kepada seseorang yang akan melakukan usaha penjagaannya dan hasil buahnya akan dibahagian di antara mereka berdua: pemilik dan pengusaha.”

Menurut mazhab Syafie, usaha sama *musāqāh* hanya terhad kepada pohon kurma dan anggur. Oleh itu, mereka mentakrifkannya sebagai:

دَفْعُ النَّخِيلِ وَالْكُرْمِ إِلَى مَنْ يَعْمُرُهُ وَيَسْقِيهِ وَيَقُومُ بِمَصْلَحَتِهِ، عَلَى أَنْ يَكُونَ
لِلْعَامِلِ سَهْمٌ (نَصِيبٌ) وَالْبَاقِي لِمَالِكِ النَّخِيلِ

“Memberikan pohon-pohon kurma dan anggur kepada seseorang yang membangunkannya, menyiramnya dan melakukan perkara kemaslahatan padanya (menjaganya) dengan persetujuan bahawa orang yang melakukannya itu mendapat satu bahagian daripada hasilnya dan bahagian yang berbaki diberikan kepada pemilik ladang atau pohon kurma.”

Majoriti para ulama' daripada kalangan Ḥanafiyah (kecuali Imam Abū Ḥanīfah dan Zufar), Mālikiyyah, Shāfi'iyah dan Ḥanābilah mengharuskan akad *musāqāh*.

Muzāra'ah pula ialah:

“Satu usaha sama yang dilakukan oleh dua pihak, di mana satu pihak memiliki tanah dan benih pokok, manakala pihak yang lain pula melakukan kerja dan usaha untuk menanam dan menjaga pokok-pokok tersebut, dan hasilnya dibahagikan di antara mereka berdua mengikut nisbah yang telah dipersetujui.”

Menurut mazhab Syafie:

Sekiranya benih disumbang oleh pihak yang berusaha menjaga tanaman tersebut, maka ia dikenali sebagai *mukhābarah*.

Muzāra‘ah dan *mukhābarah* dibenarkan oleh majoriti ulama’: Ḥanafiyah (kecuali Imam Abū Ḥanīfah dan Zufar), Mālikiyyah, Ḥanābilah dan Shāfi‘iyyah (kecuali Imam Shāfi‘ī) sebagai akad *taba‘ī* bagi *musāqāh* [namun begitu, ramai juga daripada kalangan Shāfi‘iyyah yang membenarkan akad *muzāra‘ah* secara tersendiri (*istiqlāl*)]. Dalam hal ini, Imam al-Nawawī menurut Imam al-Ḥāfiẓ al-Mundzirī bahawa *muzāra‘ah* adalah harus dan dibenarkan.

Menurut Prof. Dr. Wahbah al-Zuḥaylī, *muzāra‘ah* boleh dikiaskan dengan *muḍārabah* sebagai usahasama yang menggabungkan di antara harta (*māl*) daripada sebelah pihak dan usaha (*‘amal*) daripada sebelah pihak yang lain. Dari satu sudut yang lain pula, ia adalah akad yang menggabungkan di antara *sharikah* dan *ijārah*. Elemen *sharikah* berlaku pada perkongsian hasilnya dan elemen *ijārah* wujud pada pengambilan hasil oleh pihak yang melakukan usahanya.

[BAHAGIAN 4] AKAD-AKAD TABARRU'

Tabarru' ialah:

“sebarang pemberian tanpa balasan atau timbal balik”.

Ia boleh berlaku dalam pelbagai bentuk seperti pemberian harta, pemberian manfaat atau kegunaan sesuatu harta, pemberian hasil harta, pemberian masa, pemberian

Hadith-hadith di dalam bahagian ini adalah seperti berikut:

Hadith 20	Hibah
Hadith 21	Sedekah
Hadith 22	Wakaf
Hadith 23	‘Ariyyah (Pinjaman Tidak Pakai Habis)
Hadith 24	Manīḥah (Ibāḥah bagi Hasil)

Pembaca boleh merujuk buku penulis bertajuk “40 Hadith Ibadat Harta” untuk perincian yang lebih luas berkenaan tabarru’.

Hadith 20: Hibah (Pemberian Tanpa Timbal Balik)

عَنْ ابْنِ عَبَّاسٍ رضي الله عنهما، قَالَ: قَالَ النَّبِيُّ صلى الله عليه وسلم:
« الْعَائِدُ فِي هَبِّهِ كَالْكَلْبِ يَتَّقِيءُ، ثُمَّ يَعُودُ فِي قَيْئِهِ »

Daripada ‘Abdullah Ibnu ‘Abbas رضي الله عنهما, beliau berkata: Baginda Nabi صلى الله عليه وسلم bersabda:

“Orang yang meminta kembali hadiah pemberiannya adalah seperti seekor anjing yang muntah, kemudian dia memakan semula muntahnya itu.”

T: (al-Bukhārī (256H): Ṣaḥīḥ al-Bukhārī), No. 2589 [Lafaz di atas], 2621, 2622 & 6975; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1622 & 1623 dan lain-lain. [Status: Ṣaḥīḥ]

20.1: Hadiah Membuang Kebencian dan Permusuhan di Hati

عَنْ أَبِي هُرَيْرَةَ رضي الله عنه، عَنِ النَّبِيِّ صلى الله عليه وسلم قَالَ:
« تَهَادُوا فَإِنَّ الْهَدِيَّةَ تُذْهِبُ وَحَرَ الصَّدْرِ، وَلَا تَحْقِرَنَّ جَارَةً لِجَارَتِهَا، وَلَوْ شَقَّ فَرَسِنِ
شَاةٍ »

Daripada Abū Hurayrah رضي الله عنه, beliau meriwayatkan bahawa Baginda Nabi صلى الله عليه وسلم bersabda:

“Hendaklah kamu saling memberi hadiah, sesungguhnya hadiah itu dapat menghilangkan kebencian/ kemarahan/ kebencian di dada.

Dan janganlah seorang jiran itu memandang hina [suatu pemberian] daripada jirannya walaupun sebahagian daripada kuku/hujung kaki seekor kambing.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 2130 [Lafaz di atas] dan beliau berkata: (هَذَا حَدِيثٌ غَرِيبٌ مِنْ هَذَا الْوَجْهِ); (Aḥmad (241H): al-Musnad), No. 8997; (Abū Dāwūd al-Ṭayālisī (204H): Musnad Abī Dāwūd al-Ṭayālisī), No. 2453 dan lain-lain.

20.2 Hibah atau Hadiah Memupuk Kasih Sayang

عَنْ أَبِي هُرَيْرَةَ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ يَقُولُ:

« تَهَادُوا، تَحَابُّوا »

Daripada Abu Hurayrah رَضِيَ اللَّهُ عَنْهُ, beliau meriwayatkan bahawa Baginda Nabi صَلَّى اللَّهُ عَلَيْهِ وَسَلَّمَ bersabda:

“Hendaklah kamu saling memberi hadiah, [dengan itu] kamu akan saling kasih mengasihi.”

T: (al-Bayhaqī (458H): al-Sunan al-Kubrā), No. ;(Abū Ya‘lā al-Mawṣilī (307H): Musnad Abī Ya‘lā al-Mawṣilī);(Tamām al-Rāzī (414H): Fawā'id Tamām al-Rāzī);(al-Bayhaqī (458H): Shu‘ab al-Imān);(Ibn ‘Abd al-Barr (463H): al-Tamhīd) dan lain-lain.

20.3 Sunnah Membalas Hadiah dan Pemberian

عَنْ عَائِشَةَ رَضِيَ اللَّهُ عَنْهَا، قَالَتْ:

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَقْبَلُ الْهَدِيَّةَ، وَيُثِيبُ عَلَيْهَا

Daripada Sayyidatina ‘Ā’ishah رَضِيَ اللَّهُ عَنْهَا, beliau berkata:

Rasulullah صَلَّى اللَّهُ عَلَيْهِ وَسَلَّمَ menerima hadiah dan membalasnya [dengan pemberian hadiah juga].

T: (al-Bukhārī (256H): Ṣaḥīḥ al-Bukhārī), No. 2585 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1953 dan beliau berkata: (هَذَا حَدِيثٌ حَسَنٌ غَرِيبٌ صَحِيحٌ مِنْ هَذَا الْوَجْهِ); (Abū Dāwud (275H):

Sunan Abī Dāwud), No. 3536; (Aḥmad (241H): al-Musnad), No. 24069 dan lain-lain. [Status: Ṣaḥīḥ]

20.4 Perintah Berlaku Adil dalam Pemberian Hadiah kepada Anak-anak

عَنِ النَّعْمَانِ بْنِ بَشِيرٍ رَضِيَ اللَّهُ عَنْهُمَا وَهُوَ عَلَى الْمُنْبَرِ، قَالَ:

أَعْطَانِي أَبِي عَطِيَّةً، فَقَالَتْ عَمْرَةُ بِنْتُ رَوَاحَةَ (رَضِيَ اللَّهُ عَنْهَا): لَا أَرْضَى حَتَّى تُشْهَدَ رَسُولَ اللَّهِ ﷺ فَآتَى رَسُولَ اللَّهِ ﷺ فَقَالَ: إِنِّي أَعْطَيْتُ ابْنِي مِنْ عَمْرَةَ بِنْتِ رَوَاحَةَ عَطِيَّةً، فَأَمَرْتَنِي أَنْ أُشْهَدَكَ يَا رَسُولَ اللَّهِ، قَالَ: «أَعْطَيْتَ سَائِرَ وَلَدِكَ مِثْلَ هَذَا؟»، قَالَ: لَا، قَالَ: «فَاتَّقُوا اللَّهَ وَاعْدِلُوا بَيْنَ أَوْلَادِكُمْ»، قَالَ: فَرَجَعَ فَرَدَّ عَطِيَّتَهُ.

Daripada al-Nu‘mān bin Bashīr رَضِيَ اللَّهُ عَنْهُمَا, beliau berkata ketika sedang berada (berkhotbah) di atas mimbar:

Ayahku telah memberiku satu pemberian, lalu [ibuku] ‘Amrah binti Rawāḥah رَضِيَ اللَّهُ عَنْهَا berkata: “Aku tidak redha [dengan pemberian/ perlakuanmu ini] sehinggalah engkau menjadikan Rasulullah ﷺ sebagai saksi.

Maka ayahku pun datang berjumpa Rasulullah ﷺ dan berkata: “Sesungguhnya aku telah memberikan satu pemberian kepada anakku, yang merupakan anakku dari isteriku ‘Amrah binti Rawāḥah رَضِيَ اللَّهُ عَنْهَا. Akan tetapi, dia meminta aku untuk menjadikanmu sebagai saksi di atas pemberian ini, wahai Rasulullah.”

Baginda ﷺ bersabda: “Adakah engkau telah memberi kepada semua anak-anakmu pemberian seperti ini?”

Ayahku menjawab: “Tidak.”

Baginda ﷺ pun bersabda: “Bertakwalah kepada Allah dan berlaku adillah di kalangan anak-anakmu.”

Beliau berkata: Lalu ayahku pun kembali dan mengambil semula pemberiannya tersebut.”

T: (al-Bukhārī (256H): Ṣaḥīḥ al-Bukhārī), No. 2586, 2587 [Lafaz di atas] & 2650; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1623/3060-3065, 1624/3066 & 1625/3067-3068; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1367 dan beliau berkata: (هَذَا حَدِيثٌ (حَسَنٌ صَحِيحٌ) dan lain-lain. [Status: Ṣaḥīḥ]

20.5 Larangan Meminta Kembali Pemberian Yang Diberi Melainkan Pemberian Ayah kepada Anaknya

عَنْ ابْنِ عُمَرَ رَضِيَ اللَّهُ عَنْهُمَا، وَابْنِ عَبَّاسٍ رَضِيَ اللَّهُ عَنْهُمَا، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ:
« لَا يَحِلُّ لِرَجُلٍ أَنْ يُعْطِيَ عَطِيَّةً أَوْ يَهَبَ هِبَةً فَيَرْجِعَ فِيهَا، إِلَّا الْوَالِدَ فِيمَا يُعْطِي وَلَدَهُ،
وَمَثَلُ الَّذِي يُعْطِيَ الْعَطِيَّةَ، ثُمَّ يَرْجِعُ فِيهَا كَمَثَلِ الْكَلْبِ يَأْكُلُ فَإِذَا شَبِعَ قَاءَ ثُمَّ عَادَ
فِي قَيْئِهِ »

Daripada ‘Abdullāh Ibnu ‘Umar رَضِيَ اللَّهُ عَنْهُمَا dan ‘Abdullāh Ibnu ‘Abbās رَضِيَ اللَّهُ عَنْهُمَا, mereka berdua meriwayatkan bahawa Baginda Nabi ﷺ bersabda:

“Tidak halal/harus bagi seseorang yang telah memberikan satu pemberian atau memberi satu hadiah untuk menariknya/menuntutnya kembali (setelah ia diserahkan) melainkan bagi seorang ayah pada apa yang telah dia berikan kepada anaknya.

Dan perumpamaan bagi seseorang yang memberikan satu pemberian kemudian menuntutnya semula adalah seumpama seekor anjing yang makan, apabila ia kenyang, ia

memuntahkannya, kemudian ia memakan semula muntahnya tersebut.”

T: (Abū Dāwud (275H): Sunan Abī Dāwud), No. 3593 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 2132 dan beliau berkata: (هَذَا حَدِيثٌ حَسَنٌ صَحِيحٌ) dan lain-lain.

Nota Ringkas

Hibah ialah:

عَقْدٌ يُفِيدُ تَمْلِيكَ الْعَيْنِ بِلَا عَوَضٍ، حَالِ الْحَيَاةِ، تَطَوُّعًا

“Akad yang memberi pemilikan suatu barang [kepada penerima] tanpa pampasan, sewaktu [pemberi] masih hidup, secara sukarela.”

Rukun *hibah* ialah:

1. Pihak yang berakad:
 - a. Pemberi hibah
 - b. Penerima hibah
2. Lafaz akad atau seumpamanya.
3. Subjek: barang hibah.

Hibah ialah istilah yang paling umum bagi sebarang pemberian. Ia merangkumi seluruh pemberian sama ada sedekah, hadiah dan ‘aṭīyyah.

Hadith 21: Sedekah

عَنْ عَدِيِّ بْنِ حَاتِمٍ رضي الله عنه، عَنِ النَّبِيِّ صلى الله عليه وسلم قَالَ:
« مَنْ اسْتَطَاعَ مِنْكُمْ أَنْ يَتَّقِيَ النَّارَ فَلْيَتَصَدَّقْ وَلَوْ بِشِقِّ تَمْرَةٍ، فَمَنْ لَمْ يَجِدْ فَبِكَلِمَةٍ
طَيِّبَةٍ »

Daripada ‘Adī bin Ḥātim رضي الله عنه, beliau berkata: Aku telah mendengar Baginda Nabi صلى الله عليه وسلم bersabda:

“Barang siapa daripada kalangan kamu yang mampu untuk melindungi dirinya daripada api neraka, maka hendaklah dia bersedekah walaupun dengan sebahagian dari sebiji tamar.

Dan barang siapa yang tidak mempunyai [walaupun sebahagian dari sebiji tamar untuk bersedekah], maka [hendaklah dia melakukannya] dengan kata-kata yang baik.”

T: (Aḥmad (241H): al-Musnad), No. 17784 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1016 dan lafaznya: (مِنْ) (اسْتَطَاعَ مِنْكُمْ أَنْ يَسْتَتِرَ مِنَ النَّارِ وَلَوْ بِشِقِّ تَمْرَةٍ فَلْيَفْعَلْ) dan lain-lain. [Status: Ṣaḥīḥ]

21.1 Sedekah Menjadi Pelindung Sehingga Hisab Dijalankan

عَنْ عُقْبَةَ بْنِ عَامِرٍ رضي الله عنه، قَالَ: سَمِعْتُ رَسُولَ اللَّهِ صلى الله عليه وسلم يَقُولُ:
« كُلُّ امْرِئٍ فِي ظِلِّ صَدَقَتِهِ حَتَّى يُفْصَلَ بَيْنَ النَّاسِ », أَوْ قَالَ: « يُحْكَمَ بَيْنَ النَّاسِ »

Daripada ‘Uqbah bin ‘Āmir رضي الله عنه, beliau berkata: Aku telah mendengar Rasulullah صلى الله عليه وسلم bersabda:

“Setiap orang akan berada di bawah naungan/perlindungan sedekahnya [apabila dibangkitkan di Akhirat kelak] sehingga

perbicaraan dijalankan terhadap manusia,” atau Baginda ﷺ bersabda: “Penghakiman dijalankan di kalangan manusia.”

T: (Aḥmad (241H): al-Musnad), No. 16882 [Lafaz di atas]; (Ibn Khuzaymah (311H): Ṣaḥīḥ Ibn Khuzaymah), No. 2275; (Ibn Ḥibbān (354H): Ṣaḥīḥ Ibn Ḥibbān), No. 3310 dan lain-lain. [Status: Ṣaḥīḥ]

21.2 Sedekah Sebagai Hadiah Pahala Buat Yang Telah Wafat

عَنْ شُرْحَيْبِلِ بْنِ سَعِيدِ الْأَنْصَارِيِّ رَضِيَ اللَّهُ عَنْهُ، قَالَ:


خَرَجَ سَعْدُ بْنُ عُبَادَةَ رَضِيَ اللَّهُ عَنْهُ مَعَ النَّبِيِّ صَلَّى اللَّهُ عَلَيْهِ وَسَلَّمَ فِي بَعْضِ مَغَازِيهِ، فَحَضَرَتْ أُمَّ سَعْدِ الْوَفَاةُ فَقِيلَ لَهَا: أَوْصِي، قَالَتْ: فِيمَا أَوْصِي؟ إِنَّمَا الْمَالُ مَالُ سَعْدِ، فَتُوفِّيَتْ قَبْلَ أَنْ يُقَدَّمَ سَعْدٌ، فَلَمَّا قَدِمَ سَعْدٌ ذُكِرَ لَهُ ذَلِكَ، فَقَالَ: يَا رَسُولَ اللَّهِ، هَلْ يَنْفَعُهَا أَنْ أَتَصَدَّقَ عَنْهَا؟ قَالَ: «نَعَمْ»، قَالَ سَعْدٌ: حَائِطٌ كَذَا وَكَذَا صَدَقْتُ عَنْهَا، الْحَائِطُ قَدْ سَاءَ.

Daripada Shuraḥbīl bin Sa‘īd al-Anṣārī رَضِيَ اللَّهُ عَنْهُ, beliau berkata:

“Sa‘d bin ‘Ubādah رَضِيَ اللَّهُ عَنْهُ telah keluar bersama Baginda Nabi ﷺ di dalam sebahagian peperangan Baginda ﷺ, dan pada waktu itu ibu beliau hampir wafat. Maka dikatakan kepadanya (ibu Sa‘d رَضِيَ اللَّهُ عَنْهَا):

“Berwasiatlah.” Maka dia berkata: “Pada apa aku patut berwasiat? Sesungguhnya harta ini adalah harta Sa‘d”. Maka dia pun meninggal dunia sebelum beliau (Sa‘d رَضِيَ اللَّهُ عَنْهُ) sempat sampai [ke rumah].

Maka apabila Sa‘d sampai ke rumahnya, diceritakan kepada beliau tentang keadaan ibunya. Maka beliau pun [pergi kepada Rasulullah ﷺ dan] berkata: “Wahai Rasulullah! Adakah ia bermanfaat untuknya (ibu saya yang telah wafat) jika aku bersedekah baginya?.” Baginda ﷺ bersabda: “Ya.”

Maka Sa'd  pun berkata: “Dinding (kawasan kebun/tanah) ini dan ini juga adalah sedekah baginya (ibuku yang telah wafat),” dan berkenaan dinding (kawasan kebun/tanah) itu, beliau telah menyebut namanya (kawasan/kebun tersebut).”

T:



Hadith 22: Wakaf: Menahan Pemilikan Harta Serta Mengalirkan Manfaat dan Hasil

عَنْ ابْنِ عُمَرَ رضي الله عنهما، قَالَ:

أَصَابَ عُمَرُ أَرْضًا بِخَيْبَرَ، فَأَتَى النَّبِيَّ ﷺ يَسْتَأْمِرُهُ فِيهَا، فَقَالَ: يَا رَسُولَ اللَّهِ، إِنِّي أَصَبْتُ أَرْضًا بِخَيْبَرَ لَمْ أَصِبْ مَالًا قَطُّ هُوَ أَنفَسُ عِنْدِي مِنْهُ، فَمَا تَأْمُرُنِي بِهِ؟، قَالَ: ((إِنْ شِئْتَ حَبَسْتَ أَصْلَهَا وَتَصَدَّقْتَ بِهَا))، قَالَ: فَتَصَدَّقَ بِهَا عُمَرُ أَنَّهُ لَا يُبَاعُ أَصْلُهَا وَلَا يُبْتَاعُ، وَلَا يُورَثُ، وَلَا يُوهَبُ، قَالَ: فَتَصَدَّقَ عُمَرُ فِي الْفُقَرَاءِ، وَفِي الْقُرْبَى، وَفِي الرِّقَابِ، وَفِي سَبِيلِ اللَّهِ، وَابْنِ السَّبِيلِ، وَالضَّيْفِ، لَا جُنَاحَ عَلَى مَنْ وَلِيَهَا أَنْ يَأْكُلَ مِنْهَا بِالْمَعْرُوفِ أَوْ يُطْعِمَ صَدِيقًا غَيْرَ مُتَمَوِّلٍ فِيهِ

Daripada ‘Abdullah Ibnu ‘Umar رضي الله عنهما, beliau berkata:

“[Sayyidina] ‘Umar [al-Khaṭṭāb] رضي الله عنهما telah mendapat sebidang tanah di Khaybar, lalu beliau datang kepada Baginda Nabi ﷺ dan meminta perintah daripada Baginda ﷺ berkenaannya.

Beliau berkata: Wahai Rasulullah! Sesungguhnya saya telah mendapat sebidang tanah di Khaybar, dan saya tidak pernah mendapatkan sesuatu harta yang lebih berharga di sisi saya berbandingnya, maka apakah yang tuan perintahkan untuk saya lakukan dengannya?.

Baginda bersabda: Sekiranya kamu mahu, maka kamu wakafkan asasnya dan kamu bersedekah (daripada hasil dan manfaat)nya.


‘Abdullah Ibn ‘Umar رضي الله عنهما berkata: Maka beliau (‘Umar رضي الله عنهما) pun bersedekah dengannya pada para orang-orang fakir miskin, dan pada kaum kerabat, dan pada para hamba, dan di jalan Allah, dan

orang-orang yang bermusafir, dan para tetamu, (dan) tidak menjadi kesalahan bagi sesiapa yang menjaganya untuk makan daripada hasilnya dengan makruf (munasabah) atau memberi makan kepada sahabatnya, dengan tidak membuat keuntungan daripadanya.”

T: (al-Bukhārī (256H): Ṣaḥīḥ al-Bukhārī), No. 2737 & 2772 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim); (al-Tirmidzī (279H): al-Jāmi‘ al-Kabīr (Sunan al-Tirmidzī)); (Abū Dāwud (275H): Sunan Abī Dāwud); (al-Nasā‘ī (303H): al-Sunan al-Sughrā / al-Mujtabā min al-Sunan) dan lain-lain. [Status: Ṣaḥīḥ]

Gambar rajah di bawah memberikan ilustrasi bagi wakaf yang dilakukan oleh oleh Sayyidina ‘Umar al-Khaṭṭāb رضي الله عنه.

Gambar Rajah 6: Wakaf Sayyidina ‘Umar al-Khaṭṭāb رضي الله عنه



📖 Nota Ringkas

Hadith ini merupakan dalil paling utama bagi pensyariatian wakaf. Al-Imam Ibn Hajar al-‘Asqalani menyebut di dalam Fath al-Bahri Şharḥ Şaḥīḥ al-Bukhārī:

وَحَدِيثُ عُمَرَ هَذَا أَصْلٌ فِي مَشْرُوعِيَةِ الْوَقْفِ

“Dan hadith ‘Umar رضي الله عنه ini adalah merupakan asas bagi pensyariatian Wakaf.”

Wakaf ialah:

“Menahan sesuatu harta [daripada berpindah milik] secara kekal dan mengalirkan manfaat dan hasilnya kepada penerima yang telah ditentukan, sama ada secara umum atau khusus.”

Apabila sesuatu harta itu telah diwakafkan, maka pemiliknya ialah:

- Allah ﷻ: menurut Shafi’iyyah dan Muhammad Bin al-Ḥasan dan Abu Yusuf dari Hanafiyyah;
- Pewakaf: menurut Imam Abu Hanifah.
- Penerima wakaf: menurut Hanabilah.

Di antara wakaf-wakaf yang dilakukan oleh para Sahabat رضي الله عنهم ketika

Rasulullah ﷺ masih hidup ialah:

- Wakaf Sayyidina ‘Umar bin al-Khattab رضي الله عنه bagi tanahnya di Khaybar.
- Wakaf ‘Abdurrahman bin ‘Awf رضي الله عنه bagi Telaga (bi’r) Rumah dan kelengkapan perang pada peperangan Tabuk.
- Wakaf Sa’d bin ‘Ubādah رضي الله عنه bagi ibunya yang telah wafat.
- Wakaf Abu Talhah رضي الله عنه bagi kebunnya yang bernama “al-Bayraha’.”

Hadith 23: ‘*Āriyyah*: Memberi Pinjaman Barang Tidak Pakai Habis

عَنْ أَبِي أُمَامَةَ رضي الله عنه، قَالَ: سَمِعْتُ النَّبِيَّ صلى الله عليه وسلم يَقُولُ فِي الْخُطْبَةِ عَامَ حَجَّةِ الْوَدَاعِ:
« الْعَارِيَةُ مُؤَدَّاءَةٌ، وَالزَّعِيمُ غَارِمٌ، وَالذَّيْنُ مَقْضِيٌّ »

Daripada Abū Umāmah al-Bāhilī رضي الله عنه, beliau berkata: Aku telah mendengar Baginda Nabi صلى الله عليه وسلم bersabda di dalam khutbah ketika Haji al-Wada‘:

“Barang pinjaman perlulah dikembalikan [kepada pemiliknya]. Dan si penjamin [hutang] hendaklah menanggung jaminannya, dan hutang perlulah dilangsaikan.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1265 [Lafaz di atas] dan beliau berkata: (حَدِيثُ أَبِي أُمَامَةَ حَدِيثٌ حَسَنٌ غَرِيبٌ).

23.1 Rasulullah صلى الله عليه وسلم Meminjam Kuda Daripada Abū Ṭalḥah رضي الله عنه

عَنْ أَنَسٍ رضي الله عنه، قَالَ:
كَانَ فَرَعٌ بِالْمَدِينَةِ، فَاسْتَعَارَ النَّبِيُّ صلى الله عليه وسلم فَرَسًا مِنْ أَبِي طَلْحَةَ يُقَالُ لَهُ الْمَنْدُوبُ،
فَرَكِبَ، فَلَمَّا رَجَعَ، قَالَ: « مَا رَأَيْنَا مِنْ شَيْءٍ، وَإِنْ وَجَدْنَاهُ لَبْحْرًا »

Daripada Anas [bin Mālik] رضي الله عنه, beliau berkata:

Pernah pada satu ketika terdapat satu bunyi yang menakutkan di Madinah. Maka Rasulullah صلى الله عليه وسلم meminjam seekor kuda daripada Abū Ṭalḥah رضي الله عنه yang dikenali sebagai al-Mandūb.

Baginda صلى الله عليه وسلم kemudian menunggangnya dan apabila Baginda صلى الله عليه وسلم kembali. Baginda صلى الله عليه وسلم menyebut: “Kami tidak mendapati apa-apa

melainkan kami mendapati ia (kuda ini) seumpama laut [pada kekuatannya]³.”

T: (al-Bukhārī (256H): Ṣaḥīḥ al-Bukhārī), No. 2627 [Lafaz di atas], 2820; [Status: Ṣaḥīḥ]

23.2 Adakah “Āriyyah” itu Yad al-Amanah atau Yad al-Damanah?

عَنْ سَمُرَةَ رَضِيَ اللَّهُ عَنْهَا، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ:
« عَلَى الْيَدِ مَا أَخَذْتَ حَتَّى تُؤَدِّيَهُ »

Daripada Samurah رَضِيَ اللَّهُ عَنْهَا, beliau meriwayatkan bahaewa sesungguhnya Rasulullah صَلَّى اللَّهُ عَلَيْهِ وَسَلَّمَ bersabda:

“Seseorang yang mengambil sesuatu barang perlulah bertanggungjawab ke atas barang tersebut sehinggalah dia memulangkannya [kepada pemiliknya].”

T: (al-Tirmidzī (279H): al-Jāmi‘ al-Kabīr (Sunan al-Tirmidzī))

عَنْ سَمُرَةَ، عَنِ النَّبِيِّ كَ قَالَ: " عَلَى الْيَدِ مَا أَخَذْتَ حَتَّى تُؤَدِّيَ ". قَالَ قَتَادَةُ: ثُمَّ
نَسِيَ الْحُسْنَ، فَقَالَ: " فَهُوَ أَمِينُكَ لَا ضَمَانَ عَلَيْهِ، يَعْنِي الْعَارِيَةَ ". قَالَ أَبُو عِيسَى:
هَذَا حَدِيثٌ حَسَنٌ صَحِيحٌ،

Al-Imām al-Tirmidhī menambah:

³ Si mandūb pada asalnya ialah seekor kuda yang perlahan. Namun apabila ia ditunggangi oleh Rasulullah صَلَّى اللَّهُ عَلَيْهِ وَسَلَّمَ, maka si mandūb bertukar menjadi seekor kuda yang pantas dengan berkat Baginda صَلَّى اللَّهُ عَلَيْهِ وَسَلَّمَ. Dan kuda yang pantas dan kuat itu diumpamakan [di sisi arab] seperti laut kerana penunggangnya berasa selesa walaupun ia laju kerana diumpamakan seseorang yang menaiki kapal tatkala angin bertiup dengan baik.

وَقَدْ ذَهَبَ بَعْضُ أَهْلِ الْعِلْمِ مِنْ أَصْحَابِ النَّبِيِّ ﷺ وَغَيْرِهِمْ، إِلَى هَذَا وَقَالُوا:
 يَضْمَنُ صَاحِبُ الْعَارِيَةِ، وَهُوَ قَوْلُ: الشَّافِعِيِّ، وَأَحْمَدَ، وَقَالَ بَعْضُ أَهْلِ الْعِلْمِ مِنْ
 أَصْحَابِ النَّبِيِّ ﷺ وَغَيْرِهِمْ: لَيْسَ عَلَى صَاحِبِ الْعَارِيَةِ ضَمَانٌ، إِلَّا أَنْ يُخَالَفَ،
 وَهُوَ قَوْلُ: الثَّوْرِيِّ، وَأَهْلِ الْكُوفَةِ، وَبِهِ يَقُولُ إِسْحَاقُ

“Sesungguhnya sebahagian para ulama’ daripada kalangan para sahabat Nabi ﷺ dan selain mereka berpegang dengan makna hadith ini dan mereka berkata: Si pemegang ‘*āriyyah*

📖 Nota Ringkas

Definisi ‘*āriyyah* ialah:


إِبَاحَةُ الْإِنتِفَاعِ بِمَا يَحِلُّ الْإِنتِفَاعُ بِهِ مَعَ بَقَاءِ عَيْنِهِ

“Membenarkan/mengharuskan perbuatan mengambil manfaat pada sesuatu yang dibenarkan manfaatnya, dengan berkekalan ‘ainnya (tidak dipakai habis).”

Di sisi mazhab Shāfi‘ī, ‘*āriyyah* adalah satu bentuk kebenaran bagi manfaat sesuatu barang (*ibāḥat al-manfa‘ah*) dan bukanlah pemilikan bagi manfaat barang (*tamlīk al-manfa‘ah*) tersebut. Oleh kerana ini, seseorang yang meminjam barang seseorang yang lain tidak dibenarkan menyewakannya atau meminjamkannya kepada pihak lain. ‘*Āriyyah* boleh dilakukan secara *mutlaq* (tanpa menyebut tempoh) dan *muqayyad* (diikat) dengan tempoh tertentu.

Orang yang meminjam barang ‘*āriyyah* itu perlu menggantikan nilai barang yang dipinjamnya sekiranya ia rosak dengan nilai barang tersebut pada hari kerosakannya. Ganti rugi ini adalah wajib sama ada kerosakan itu berlaku kerana kecuaiian, atau pengkhianatan atau tanpa

kedua-duanya. Ini adalah kerana yad orang yang meminjam adalah yad al-damanah.



Hadith 24: *Manīḥah* (*Ibāḥah* bagi Hasil)

عَنْ أَبِي هُرَيْرَةَ رضي الله عنه، أَنَّ رَسُولَ اللَّهِ صلى الله عليه وسلم قَالَ:

« نِعْمَ الْمَنِحَةُ اللَّقْحَةُ الصَّغِيرُ مِنْحَةً وَالشَّاةُ الصَّغِيرُ تَغْدُو بِإِنَاءٍ وَتَرُوحُ بِإِنَاءٍ »

Daripada Abū Hurayrah رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Sebaik-baik pemberian *manīḥah* ialah seekor unta betina yang baru melahirkan anak dan mengeluarkan susu yang banyak, dan kambing betina yang mengeluarkan susu yang banyak.

Si penerima *manīḥah* dapat memerah susunya satu bekas/ bejana pada waktu pagi dan satu bekas/ bejana pada waktu petang.”

T: (al-Bukhārī (256H): Ṣaḥīḥ al-Bukhārī), No. 2629 [Lafaz di atas] & 5608; (Aḥmad (241H): al-Musnad), No. 8486 & 9892 dan lain-lain. [Status: Ṣaḥīḥ]

24.1 Kelebihan *Manīḥah*

عَنْ أَبِي هُرَيْرَةَ رضي الله عنه، أَنَّ رَسُولَ اللَّهِ صلى الله عليه وسلم قَالَ:

« خَيْرُ الصَّدَقَةِ الْمَنِحَةُ، تَغْدُو بِأَجْرٍ وَتَرُوحُ بِأَجْرٍ، وَمَنِحَةُ النَّاقَةِ كَعِتَاقَةِ الْأَحْمَرِ،
وَمَنِحَةُ الشَّاةِ كَعِتَاقَةِ الْأَسْوَدِ »

Daripada Abū Hurayrah رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Sebaik-baik sedekah ialah pemberian *manīḥah*. Ia memasuki waktu pagi dengan pahala [buat pemberinya] dan ia memasuki waktu petang dengan pahala [buat pemberinya]

Pemberian *manīḥah* unta adalah seperti memerdekakan seorang hamba yang merah dan pemberian *manīḥah* kambing adalah seperti memerdekakan seorang hamba yang gelap (mempunyai harga yang lebih murah).”

T: (Aḥmad (241H): al-Musnad), No. 8486 [Lafaz di atas] & 9892; (al-Bukhārī (256H): Ṣaḥīḥ al-Bukhārī), No. 2629 & 5608; dan lain-lain.

Nota Ringkas

Manīḥah ialah:

مَا يُعْطَى مِنَ النَّخْلِ وَالنَّاقَةِ وَالشَّاةِ وَغَيْرِهَا لِيَتَنَاوَلَ مَا يَتَوَلَّدُ مِنْهُ كَالثَّمْرِ وَاللَّبَنِ

“Sesuatu yang diberikan daripada pokok tamar, unta, kambing dan selainnya [yang mempunyai hasil kepada pihak lain] untuk dia mengambil apa yang terhasil daripadanya seperti buah dan susu.”

وَهِيَ عَارِيَّةٌ وَقَدْ تَكُونُ تَمْلِيكًا

“Ia adalah merupakan [akad] pinjaman, dan adakalanya ia boleh menjadi akad pemilikan.”

Manīḥah ialah satu bentuk *ibāḥah* bagi hasilnya dan *‘āriyyah* bagi haiwan atau pokok tersebut.

[BAHAGIAN 5] PINJAMAN DAN PENGURUSAN HUTANG

Para ulama' mendefinisikan hutang dengan pelbagai definisi, dan definisi yang paling jelas adalah oleh Ibnu Nujaym al-Ḥanafī (WASI):

لُزُومٌ حَقٌّ فِي الدِّمَّةِ

“Kewajipan hak orang lain dalam tanggungjawab (*dzimmah*) seseorang.”

Hutang juga ditakrifkan sebagai (WASI):

مَا يَثْبُتُ فِي الدِّمَّةِ مِنْ غَيْرِ أَنْ يَكُونَ مُعَيَّنًا مُشَخَّصًا، سِوَاءَ أَكَانَ نَقْدًا أَمْ غَيْرَهُ

“Suatu perkara yang tetap (terdapat) dalam tanggungjawab seseorang [terhadap pihak lain] tanpa tertentu dan terbentuk, sama ada duit atau selainnya.”

Syarat-syarat bagi berhutang adalah:

1. Berniat untuk membayar hutang tersebut.
2. Berhutang untuk tujuan yang dibenarkan Syariat.
3. Berhutang dengan kadar yang mampu dibayar balik [berdasarkan adat kebiasaan].

Tiga akad utama bagi pengurusan hutang ialah:

1. al-Rahn (Akad Gadaian)
2. al-Kafālah/ al-Ḍamān (Akad Jaminan)
3. al-Ḥawālah (Akad Pemindahan Tuntutan)

Bil.	Akad	Kesan Terhadap Hutang
------	------	-----------------------

1.	<i>al-Rahn</i> (Gadaian)	Memindahkan tuntutan hutang daripada <i>dhimmah</i> (tanggung jawab) penghutang kepada barang yang dicagarkan.
2.	al-Kafālah / al-Ḍamān (Jaminan)	Menggabungkan pihak ketiga sebagai pihak yang bersama-sama bertanggungjawab terhadap sesuatu hutang.
3.	<i>al-Ḥawālah</i> (Pemindahan Tuntutan)	Memindahkan tuntutan hutang kepada penghutang yang lain (pihak ketiga) apabila wujudnya hutang yang ditanggung oleh pihak ketiga (kepada pihak pemindah hutang).



Hadith-hadith di dalam bahagian ini adalah seperti berikut:

Hadith 25	<i>Qarḍ</i> (Akad Pinjaman)
Hadith 26	<i>Kafālah</i> (Akad Jaminan)
Hadith 27	<i>Rahn</i> (Akad Gadaian)
Hadith 28	<i>Ḥawālah</i> (Akad Pemindahan Hutang)

Hadith 25: Qard (Pinjaman Pakai Habis)

عَنْ أَبِي سَعِيدٍ الْخُدْرِيِّ رضي الله عنه، قَالَ:

جَاءَ أَعْرَابِيٌّ إِلَى النَّبِيِّ ﷺ يَتَقَاضَاهُ دَيْنًا كَانَ عَلَيْهِ فَاشْتَدَّ عَلَيْهِ حَتَّى قَالَ لَهُ: أُحْرَجُ عَلَيْكَ إِلَّا قَضَيْتَنِي. فَاَنْتَهَرَهُ أَصْحَابُهُ وَقَالُوا: وَيْحَكَ! تَذْرِي مَنْ تُكَلِّمُ؟ قَالَ: إِنِّي أَطْلُبُ حَقِّي. فَقَالَ النَّبِيُّ ﷺ: ((هَلَا مَعَ صَاحِبِ الْحَقِّ كُنتُمْ))، ثُمَّ أَرْسَلَ إِلَى خَوْلَةَ بِنْتِ قَيْسٍ (رضي الله عنها)، فَقَالَ لَهَا: ((إِنْ كَانَ عِنْدَكَ تَمْرٌ فَأَقْرِضِينَا حَتَّى يَأْتِينَا تَمْرُنَا فَنَقْضِيكَ))، فَقَالَتْ: نَعَمْ، بِأَبِي أَنْتَ يَا رَسُولَ اللَّهِ، قَالَ: فَأَقْرَضْتَهُ. فَقَضَى الْأَعْرَابِيُّ وَأَطْعَمَهُ، فَقَالَ: أَوْفَيْتَ أَوْفَى اللَّهِ لَكَ، فَقَالَ: ((أَوْلَيْتَ خِيَارُ النَّاسِ، إِنَّهُ لَا قُدْسَتْ أُمَّةٌ لَا يَأْخُذُ الضَّعِيفُ فِيهَا حَقَّهُ غَيْرَ مُتَمَتِّعٍ))

Daripada Abu Sa'id al-Khudri رضي الله عنه, beliau berkata:

“Seorang arab badwi telah datang kepada Rasulullah ﷺ untuk menuntut hutang miliknya ke atas Baginda ﷺ, lalu dia bersikap kasar terhadap Baginda ﷺ dengan berkata: Aku merasa kesal terhadapmu melainkan engkau melangsaikan hutangku ini.

Maka para Sahabat Baginda ﷺ pun mengherdikanya kerana sikapnya itu dan mereka berkata: “Wayhak, adakah engkau tahu dengan siapa engkau bercakap?”

Dia menjawab: “Aku sedang menuntut hakku.”

Baginda Nabi ﷺ pun bersabda: “Adakah kamu semua [wahai para sahabatku] tidak mahu bersama dengan pemilik hak?”

Kemudian Baginda ﷺ pun mengirim utusan kepada Khawlah binti Qays رَضِيَتْهَا، dan Baginda ﷺ bersabda: “Sekiranya engkau mempunyai tamar, maka pinjamkanlah kepada kamu sehinggalah apabila sampainya tamar kami, maka kami akan membayarnya semula kepada kamu.”

Khawlah رَضِيَتْهَا pun berkata: “Baiklah, [aku sanggup menjadikan] ayahku sebagai tebusanmu, wahai Rasulullah ﷺ.”

Lalu beliau pun memberi pinjam kepada Rasulullah ﷺ dan an Baginda ﷺ melangsaikan hutang arab badwi tersebut serta memberinya makan.

Dia pun berkata: “Engkau telah menunaikan janjimu, semoga Allah menunaikan janji-Nya kepadamu.”

Baginda ﷺ pun bersabda: “Begitulah [akhlak] orang-orang yang terbaik daripada kalangan manusia [apabila mereka menunaikan hak orang lain]. Sesungguhnya sesuatu umat itu tidak akan dihormati sekiranya orang yang lemah daripada kalangan mereka tidak dapat mengambilnya haknya tanpa perlu melakukan kekasaran.”

T: (Ibn Mājah (273H): Sunan Ibn Mājah), No. 2426 [Lafaz di atas]; (Abū Ya‘lā al-Mawṣilī (307H): Musnad Abī Ya‘lā al-Mawṣilī), No. 1091; (Ibn Abi Shaybah (235H): Musannaf Ibn Abi Shaybah), No. 22419 dan lain-lain.

📖 Nota Ringkas

Definisi *qarḍ*:

تَمْلِيكُ شَيْءٍ مَالِيٍّ لِلْغَيْرِ عَلَى أَنْ يُرَدَّ بَدَلَهُ مِنْ غَيْرِ زِيَادَةٍ

“Memberi pemilikan sesuatu harta kepada pihak lain dengan syarat pihak tersebut akan memulangkan gantinya tanpa sebarang tambahan.”

Qarḍ ialah satu bentuk akad tabarru’ (pemberian tanpa timbal balik). Sebahagian fuqaha’ menyatakan bahawa ia adalah akad tabarru’ di permulaan dan akad mu‘āwaḍāt di pengakhiran. Jika diteliti secara mendalam, perkara yang ditabarru’kan pada hakikatnya ialah “masa yang lebih awal” bagi menggunakan harta *qarḍ* yang diberikan terlebih dahulu.

Rukun *qarḍ* ialah:

1. Pihak yang memberi
2. *Qarḍ* mestilah barang yang dipakai habis dan jika barang tersebut tidak dipakai habis maka ia adalah akad ‘āriyyah.
3. Ungkapan *tjāb* sahaja dan tiada penolakan daripada penerima.


25.1 Pinjaman dengan Syarat Manfaat Tambahan adalah Riba'

عَنْ عَلِيٍّ رضي الله عنه، قَالَ: قَالَ رَسُولُ اللَّهِ صلى الله عليه وسلم:
((كُلُّ قَرْضٍ جَرَّ مَنَفَعَةً فَهُوَ رِبَاٌ))

Daripada Sayyidina 'Alī رضي الله عنه, beliau berkata: Rasulullah صلى الله عليه وسلم bersabda:

“Setiap pinjaman yang menarik manfaat [tambahan ke atas pokok pinjaman], maka ia adalah riba’.”

T: (al-Haythami (807H): Bughyat al-Bahith 'an Zawa'id Musnad al-Harith), No. 436 [Lafaz di atas]; (al-Būṣīrī (840H): Ithāf al-Khiyarah al-Maharah bi Zawā'id al-Masānīd al-'Asharah), No. 3950 dan beliau berkata: (وَسَنَدُهُ) & (Ibn Hajar al-'Asqalānī (852H): al-Maṭālib al-'Āliyah bi Zawā'id al-Masānīd al-Thamāniyah), No. 1440.

 Walaupun hadith ini sangat da'if dari sudut sanadnya, namun begitu maknanya dan hukumnya telah diterima oleh para fuqaha' sebagai *ijmā'* di kalangan mereka.

Ini bermakna, seseorang (*muqriḍ*) yang memberikan pinjaman wang (*qarḍ*) kepada seseorang yang lain tidak boleh mengambil sebarang manfaat tambahan daripada penghutangnya (*muqtariḍ*) itu melainkan sekiranya pemberian seumpamanya telah menjadi adat kebiasaan sesama mereka sebelum pinjaman tersebut dilakukan.

Kesimpulannya, riba' dalam akad pinjaman boleh berlaku apabila disyaratkan bayaran tambahan atau/dan manfaat tambahan ke atas peminjam.

25.2 Athar Faḍālah bin ‘Ubayd رضي الله عنه

Hadith di atas juga disokong oleh athar yang *mawqūf* pada Faḍālah bin ‘Ubayd رضي الله عنه, beliau berkata:

كُلُّ قَرْضٍ جَرَّ مَنَفَعَةً، فَهُوَ وَجْهٌ مِنْ وَجُوهِ الرِّبَا

“Setiap pinjaman yang menarik manfaat [tambahan bagi pemberi pinjaman], ia adalah satu bentuk daripada bentuk-bentuk riba’.”

Menurut al-Būṣīrī di dalam “Ithāf al-Khiyarah al-Maharah”, athar (lafaz di atas) di atas diriwayatkan oleh al-Bayhaqī di dalam “al-Sunan al-Kubra” dan al-Ḥākim al-Naysabūrī di dalam “al-Mustadrak ‘alā al-Ṣaḥīḥayn.”

25.2 Membayar Pinjaman Dengan Tambahan Tanpa Bersyarat Dibenarkan

عَنْ أَبِي هُرَيْرَةَ رضي الله عنه، قَالَ:

كَانَ لِرَجُلٍ عَلَى النَّبِيِّ صلی الله علیه و آله سِنٌَّ مِنَ الْإِبِلِ، فَجَاءَهُ يَتَقَاضَاهُ، فَقَالَ: «أَعْطُوهُ»، فَطَلَبُوا سِنَّهُ، فَلَمْ يَجِدُوا لَهُ إِلَّا سِنًّا فَوْقَهَا، فَقَالَ: «أَعْطُوهُ»، فَقَالَ: أَوْفَيْتَنِي أَوْفَى اللَّهِ بِكَ، قَالَ النَّبِيُّ صلی الله علیه و آله: «إِنَّ خِيَارَكُمْ أَحْسَنُكُمْ قَضَاءً»

Daripada Abū Hurayrah رضي الله عنه, beliau berkata:

Rasulullah صلی الله علیه و آله pernah mempunyai hutang sebanyak seekor unta dengan umur tertentu bagi seorang lelaki. Kemudian, lelaki itu pun datang menuntut hutangnya.

Rasulullah صلی الله علیه و آله bersabda: “Berikanlah kepadanya bayaran hutangnya itu [daripada harta milikku].”

Mereka pun mencari unta yang sama usia dengan untanya yang dituntut tetapi mereka tidak menjumpainya melainkan unta yang lebih tua usianya [dan lebih mahal].

Baginda ﷺ pun bersabda: “Berikanlah unta itu kepadanya.”

Lelaki itu pun berkata: “Engkau telah menyempurnakan tanggungjawabmu kepadaku, semoga Allah menyempurnakan kurniaan-Nya kepadamu.”

Baginda ﷺ pun bersabda: “Sesungguhnya orang yang terbaik daripada kalangan kamu ialah orang yang paling baik dalam menunaikan hutangnya.”

Nota Ringkas

Definisi *qard* ialah:


تَمْلِيكَ شَيْءٍ مَالِيٍّ لِلْغَيْرِ عَلَى أَنْ يَرُدَّ بَدَلَهُ مِنْ غَيْرِ زِيَادَةٍ

“Memberi pemilikan sesuatu harta kepada pihak lain dengan syarat pihak tersebut akan memulangkan gantinya tanpa sebarang tambahan.”

Qard ialah satu bentuk akad tabarru' (pemberian tanpa timbal balik). Sebahagian fuqaha' menyatakan bahawa ia adalah akad tabarru' di permulaan dan akad mu'āwaḍāt di pengakhiran. Jika diteliti secara mendalam, perkara yang ditabarru'kan pada hakikatnya ialah “masa yang lebih awal” bagi menggunakan harta *qard* yang diberikan terlebih dahulu.

Rukun *qard* ialah:

1. Pihak yang berkontrak:
 - a. Muqriḍ: Pihak yang memberi pinjaman.
 - b. Muqtariḍ: Pihak yang meminjam.

2. Subjek akad - qarḍ: Ia mestilah barang yang dipakai habis dan jika barang tersebut tidak dipakai habis maka ia adalah akad *‘āriyyah*.
 3. Ungkapan:
 - a. Hanya lafaz *tjāb* sahaja.
 - b. Dan tiada penolakan daripada penerima.
- 

Hadith 26: *Kafālah* (Jaminan)

عَنْ أَبِي أُمَامَةَ الْبَاهِلِيِّ رضي الله عنه، قَالَ: سَمِعْتُ رَسُولَ اللَّهِ صلى الله عليه وسلم يَقُولُ:
 «الزَّعِيمُ غَارِمٌ وَالذَّيْنُ مُقْضِيٌّ»

Daripada Abū Umāmah al-Bāhilī رضي الله عنه, beliau berkata: Aku telah mendengar Rasulullah صلى الله عليه وسلم bersabda:

“Penjamin bertanggungjawab [ke atas hutang yang dijamin olehnya], dan hutang mestilah ditunaikan.”

T: (Ibn Mājah (273H): Sunan Ibn Mājah), No. 2405 [Lafaz di atas]; (Aḥmad (241H): al-Musnad), No. 21791; (al-Bayhaqī (458H): al-Sunan al-Kubrā), No. 10535; (al-Bayhaqī (458H): Maʿrifat al-Sunan wa al-Athār), No. 3664 dan lain-lain.

26.1 Rasulullah صلى الله عليه وسلم Tidak Mensolatkan Jenazah Yang Meninggalkan Hutang Yang Tidak Dijamin atau Dicagar

عَنْ سَلَمَةَ بْنِ الْأَكْوَعِ رضي الله عنه، قَالَ:

كُنَّا جُلُوسًا عِنْدَ النَّبِيِّ صلى الله عليه وسلم إِذْ أُتِيَ بِجَنَازَةٍ، فَقَالُوا: صَلَّى عَلَيْهَا، فَقَالَ: « هَلْ عَلَيْهِ دَيْنٌ؟ »، قَالُوا: لَا، قَالَ: « فَهَلْ تَرَكَ شَيْئًا؟ »، قَالُوا: لَا، فَصَلَّى عَلَيْهِ، ثُمَّ أُتِيَ بِجَنَازَةٍ أُخْرَى، فَقَالُوا: يَا رَسُولَ اللَّهِ، صَلَّى عَلَيْهَا، قَالَ: « هَلْ عَلَيْهِ دَيْنٌ؟ »، قِيلَ: نَعَمْ، قَالَ: « فَهَلْ تَرَكَ شَيْئًا؟ »، قَالُوا: ثَلَاثَةَ دَنَانِيرَ، فَصَلَّى عَلَيْهَا، ثُمَّ أُتِيَ بِالثَّلَاثَةِ، فَقَالُوا: صَلَّى عَلَيْهَا، قَالَ: « هَلْ تَرَكَ شَيْئًا؟ »، قَالُوا: لَا، قَالَ: « فَهَلْ عَلَيْهِ دَيْنٌ؟ »، قَالُوا: ثَلَاثَةُ دَنَانِيرَ، قَالَ: « صَلُّوا عَلَى صَاحِبِكُمْ »، قَالَ أَبُو قَتَادَةَ: صَلَّى عَلَيْهِ يَا رَسُولَ اللَّهِ وَعَلَى دِينِهِ، فَصَلَّى عَلَيْهِ.

Daripada Salamah bin al-Akwa' رضي الله عنه, beliau meriwayatkan bahawa:

Pernah pada satu ketika, kami duduk bersama Baginda Nabi ﷺ, lalu satu jenazah dibawa kepada Baginda ﷺ dan mereka berkata: “Sembahyangkanlah jenazahnya [wahai Rasulullah].” Baginda ﷺ bersabda: “Adakah dia mempunyai sebarang hutang?.” Mereka berkata: “Tidak.” Baginda ﷺ bertanya lagi: “Adakah dia meninggalkan sebarang harta?.” Mereka berkata: “Tidak.” Maka Rasulullah ﷺ pun menyembahyangkan jenazahnya.

Kemudian satu jenazah yang lain pula dibawa dan mereka berkata: “Wahai Rasulullah, sembahyangkanlah jenazahnya.” Baginda ﷺ bertanya: “Adakah dia mempunyai sebarang hutang?.” Lalu dijawab: “Ya.” Baginda ﷺ bertanya lagi: “Adakah dia meninggalkan sebarang harta [untuk membayar hutangnya]?.” Mereka menjawab: “Tiga (3) dinar.” Maka Rasulullah ﷺ pun menyembahyangkan jenazahnya.

Kemudian jenazah yang ketiga pula dibawa dan mereka berkata: “Sembahyangkanlah jenazahnya [wahai Rasulullah].” Baginda ﷺ bersabda: “Adakah dia meninggalkan sebarang harta?.” Mereka berkata: “Tidak.” Baginda ﷺ bertanya lagi: “Adakah dia mempunyai sebarang hutang?.” Mereka berkata: “Tiga (3) dinar.” Maka Rasulullah ﷺ pun bersabda: “Sembahyangkanlah jenazah sahabat kamu.”

Lalu Abū Qatādah رضي الله عنه pun berkata: “Sembahyangkanlah jenazahnya, wahai Rasulullah. Dan hutangnya diletakkan ke atas diriku (tanggungjawabku).” Maka Rasulullah ﷺ menyembahyangkan jenazah tersebut.

T: (al-Bukhārī (256H): Ṣaḥīḥ al-Bukhārī), No. 2291 [Lafaz di atas] & 2295; (al-Nasā'ī (303H): al-Sunan al-Sughrā / al-Mujtabā min al-Sunan), No. 1961; (Aḥmad (241H): al-Musnad), No. 16075 & 16092 dan lain-lain. [Status: Ṣaḥīḥ]

26.2: Rasulullah ﷺ Menjamin Hutang Muslim Yang Telah Wafat

عَنْ جَابِرٍ رَضِيَ اللَّهُ عَنْهُ، قَالَ:

كَانَ رَسُولُ اللَّهِ ﷺ لَا يُصَلِّي عَلَى رَجُلٍ مَاتَ وَعَلَيْهِ دَيْنٌ، فَأُتِيَ بِمَيِّتٍ، فَقَالَ: «أَعَلَيْهِ دَيْنٌ؟»، قَالُوا: نَعَمْ، دِينَارَانِ، قَالَ: «صَلُّوا عَلَى صَاحِبِكُمْ»، فَقَالَ أَبُو قَتَادَةَ الْأَنْصَارِيُّ: هُمَا عَلَيَّ يَا رَسُولَ اللَّهِ، قَالَ: فَصَلَّى عَلَيْهِ رَسُولُ اللَّهِ ﷺ فَلَمَّا فَتَحَ اللَّهُ عَلَى رَسُولِ اللَّهِ ﷺ قَالَ: «أَنَا أَوْلَى بِكُلِّ مُؤْمِنٍ مِنْ نَفْسِهِ، فَمَنْ تَرَكَ دَيْنًا، فَعَلَى قَضَائِهِ، وَمَنْ تَرَكَ مَالًا، فَلِوَرَثَتِهِ»

Daripada Jabir رَضِيَ اللَّهُ عَنْهُ, beliau berkata:

“Rasulullah ﷺ tidak melakukan solat [jenazah] atas seseorang yang wafat sedangkan dia menanggung hutang [yang tidak mampu dibayar olehnya].

Maka pernah satu jenazah dibawa kepada Baginda ﷺ, [untuk disolatkan oleh Baginda ﷺ], maka Baginda ﷺ bersabda: “Adakah dia menanggung hutang [yang belum dilunaskan]?” Para sahabat رَضِيَ اللَّهُ عَنْهُ berkata: “Ya, sebanyak dua (2) dinar.” Baginda ﷺ pun bersabda: “Lakukanlah solat [jenazah] atas sahabat kamu ini.”

Abu Qatādah al-Ansari رَضِيَ اللَّهُ عَنْهُ lantas berkata: “Hutang sebanyak dua (2) dinar tersebut ditanggung/ dijamin olehku, wahai Rasulullah.” Beliau

berkata: Maka Rasulullah ﷺ pun melakukan solat [jenazah] atas jenazah tersebut.

Kemudian, apabila Allah ﷻ membuka [kekayaan] buat Rasulullah ﷺ [khususnya selepas perang Khaybar], maka Baginda ﷺ bersabda: “Aku lebih berhak dengan diri setiap orang beriman berbanding dirinya sendiri. Barang siapa yang wafat dan meninggalkan hutang, maka akulah yang akan melunaskannya. Dan barang siapa yang meninggalkan harta, maka harta tersebut adalah untuk para pewarisnya.”

T: (Abū Dāwud (275H): Sunan Abī Dāwud), No. 3343 [Lafaz di atas]; (Aḥmad (241H): al-Musnad), No. 14127; (Ibn Ḥibbān (354H): Ṣaḥīḥ Ibn Ḥibbān), No. 3064 dan lain-lain. [Status: Ṣaḥīḥ]

Nota Ringkas

Kafālah bermaksud:

التِّزَامُ حَقٌّ ثَابِتٌ فِي ذِمَّةِ غَيْرِهِ، أَوْ إِحْضَارُ مَنْ عَلَيْهِ حَقٌّ لِغَيْرِهِ أَوْ عَيْنٍ مَّضْمُونَةٍ

“Kewajipan bagi melaksanakan hak yang telah tetap ke atas tanggungjawab orang lain; atau kewajipan untuk menghadirkan seseorang yang mempunyai kewajipan hak terhadap orang lain; atau kewajipan untuk membawa barang yang dijamin kepada orang lain.”

Berdasarkan definisi di atas, akad *kafālah* boleh berlaku ke atas:


1. Jaminan pembayaran hutang (*kafālat al-dayn*)
2. Jaminan penyerahan barang (*kafālat al-‘āyn*)
3. Jaminan menghadirkan seseorang (*kafālat al-badan*)

Akad ini juga dikenali sebagai *za‘āmah* atau *ḍamān*.

Rukun akad *kafālah* ialah:

1. Pihak yang berkontrak:
 - a. Penjamin (*Kafīl*)
 - b. Pihak yang dijamin (*Makfūl ‘anhu*)
 - c. Penerima manfaat jaminan (*Makfūl lahu*)
2. Perkara yang dijamin: hutang, orang atau barang.
3. Lafaz atau seumpamanya.

Dalam penggunaan yang lebih spesifik pada hari ini, *kafālah* biasanya digunakan untuk merujuk kepada jaminan hutang.



Hadith 27: *Rahn* (Gadaian: Mencagarkan Barang Bagi Jaminan Hutang)

عَنْ عَائِشَةَ رَضِيَ اللَّهُ عَنْهَا:

أَنَّ النَّبِيَّ صَلَّى اللَّهُ عَلَيْهِ وَسَلَّمَ اشْتَرَى مِنْ يَهُودِيٍّ طَعَامًا إِلَى أَجَلٍ مَعْلُومٍ، وَازْتَهَنَ مِنْهُ دِرْعًا مِنْ حَدِيدٍ

Daripada Sayyidatina ‘Ā’ishah رَضِيَ اللَّهُ عَنْهَا, beliau meriwayatkan bahawa:

“Sesungguhnya Baginda Nabi صَلَّى اللَّهُ عَلَيْهِ وَسَلَّمَ membeli satu makanan daripada seorang yahudi secara berhutang sehingga tarikh tertentu, dan Yahudi tersebut meminta agar Baginda صَلَّى اللَّهُ عَلَيْهِ وَسَلَّمَ mencagarkan satu baju perang daripada besi [bagi hutang tersebut].”

T: (al-Bukhārī (256H): Ṣaḥīḥ al-Bukhārī), No. 2068, 2096, 2200, 2251, 2252 [Lafaz di atas], 2386, 2509 & 2513; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1604 & 1605 dan lain-lain. [Status: Ṣaḥīḥ]

27.1 Rasulullah صَلَّى اللَّهُ عَلَيْهِ وَسَلَّمَ Menggadaikan Baju Perang Baginda صَلَّى اللَّهُ عَلَيْهِ وَسَلَّمَ kepada Seorang Yahudi

عَنْ عَائِشَةَ رَضِيَ اللَّهُ عَنْهَا، قَالَتْ:

تُوفِّيَ رَسُولُ اللَّهِ صَلَّى اللَّهُ عَلَيْهِ وَسَلَّمَ وَدِرْعُهُ مَرْهُونَةٌ عِنْدَ يَهُودِيٍّ بِثَلَاثِينَ صَاعًا مِنْ شَعِيرٍ

Daripada Sayyidatina ‘Ā’ishah رَضِيَ اللَّهُ عَنْهَا, beliau berkata:

“Rasulullah صَلَّى اللَّهُ عَلَيْهِ وَسَلَّمَ telah wafat dalam keadaan baju perang Baginda صَلَّى اللَّهُ عَلَيْهِ وَسَلَّمَ masih menjadi barang gadaian di sisi seorang Yahudi, bagi hutang sebanyak tiga puluh (30) gantang daripada gandum sha‘īr (barli).”

T: (al-Bukhārī (256H): Ṣaḥīḥ al-Bukhārī), No. 2916 [Lafaz di atas] & 4467; (Aḥmad (241H): al-Musnad), No. 25466 dan lain-lain. [Status: Ṣaḥīḥ]

📖 Nota Ringkas

Definisi *al-Rahn*:

جَعَلَ عَيْنَ مَتَمَوْلَةٍ وَثِيقَةً بَدَيْنَ، يُسْتَوْفَى مِنْهَا عِنْدَ تَعَدُّرِ الْوَفَاءِ

“(Akad yang) menjadikan sesuatu barang yang boleh ditukar menjadi harta sebagai sekuriti bagi sesuatu hutang; penyelesaian hutang boleh diambil daripada jualannya ketika hutang tersebut tidak dapat dilangsaikan.”

Rukun akad *al-Rahn*:

1. Pihak yang berkontrak:
 - a. Al-Rāhin (Penggadai)
 - b. Al-Murtahin (Penerima/Peminta Barang Gadaian)
2. Format/sighah kontrak:
 - a. Ijab
 - b. Qabul
3. Subjek kontrak:
 - a. Hutang (*Dayn*)
 - b. Harta Gadaian (*Marhūn*)

Beberapa hukum penting berkaitan akad *al-Rahn*:

- Akad *al-Rahn* adalah merupakan salah satu akad tawthīqāt bagi memelihara kewajipan membayar hutang.
- Akad *al-Rahn* tidak boleh wujud melainkan wujudnya hutang sebelum atau semasa akad *al-Rahn* dilakukan. Namun begitu, Ḥanafiyah dan Mālikiyyah membenarkan akad *al-Rahn* wujud sebelum akad hutang.
- Akad *al-Rahn* memindahkan tuntutan hutang daripada dzimmah (tanggungjawab) penghutang ke atas barang gadaian. Apabila

pihak penghutang tidak membayar hutang tersebut, pemiutang atau pemegang gadaian boleh menuntut pelunasan hutangnya melalui jualan barang gadaian.

- Hutang yang tidak dilangsaikan di dunia akan dibayar di akhirat nanti menggunakan pahala atau dosa.



Hadith 28: Ḥawālah/ Ḥiwālah (Pemindahan Hutang)

عَنْ أَبِي هُرَيْرَةَ رضي الله عنه: أَنَّ رَسُولَ اللَّهِ ﷺ قَالَ:
 « مَطْلُ الْغَنِيِّ ظُلْمٌ، وَإِذَا أُتْبِعَ أَحَدُكُمْ عَلَى مَلِيٍّ (/ مَلِيٍّ)، فَلْيَتَّبِعْ »

Daripada Abū Hurayrah رضي الله عنه, beliau meriwayatkan bahawa sesungguhnya Rasulullah ﷺ bersabda:

“Kelambatan/kelewatan seorang kaya [yang mampu membayar hutangnya, namun dia melewatkannya/ melambat-lambatkannya] adalah satu kezaliman.

Dan apabila salah seorang daripada kamu dipindahkan [oleh penghutangnya] untuk menuntut hutangnya daripada seorang kaya [yang mampu membayarnya], maka hendaklah dia menurutnya (pemindahan tuntutan hutang tersebut).”

T: (al-Bukhārī (256H): Ṣaḥīḥ al-Bukhārī), No. 2287, 2288 & 2400; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1566 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1308 dan lain-lain. [Status: Ṣaḥīḥ]

28.1 Kelewatan Membayar Hutang - Jika Mampu Membayarannya - adalah Satu Kezaliman

عَنْ ابْنِ عُمَرَ رضي الله عنهما، عَنِ النَّبِيِّ ﷺ قَالَ:
 « مَطْلُ الْغَنِيِّ ظُلْمٌ، وَإِذَا أُحِلَّتْ عَلَى مَلِيٍّ، فَاتَّبِعْهُ، وَلَا تَبِعْ بَيْعَتَيْنِ فِي بَيْعَةٍ »

Daripada [‘Abdullāh] Ibnu ‘Umar رضي الله عنهما, beliau meriwayatkan bahawa Baginda Nabi ﷺ bersabda:

“Kelambatan/kelewatan seorang kaya [yang mampu membayar hutangnya, namun dia melewatkannya/ melambat-lambatkannya] adalah satu kezaliman.

Dan apabila salah seorang daripada kamu dialihkan [oleh penghutangnya] tuntutan hutangnya ke atas seorang kaya [yang mampu membayarnya], maka hendaklah dia menurutnya (pemindahan tuntutan hutang tersebut).

Dan janganlah kamu melakukan dua jual-beli di dalam satu jual-beli.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1309 [Lafaz di atas]; (Ibn Mājah (273H): Sunan Ibn Mājah), No. 2404; (Aḥmad (241H): al-Musnad), No. 5372 dan lain-lain. [Status: Ṣaḥīḥ]

Nota Ringkas

Ḥawālah atau *ḥiwālah* ialah:

عَقْدٌ يَقْتَضِي نَقْلَ دَيْنٍ مِنْ ذِمَّةِ [المُحِيلِ] إِلَى أُخْرَى [المُحَالِ عَلَيْهِ]

“Akad yang memindahkan hutang dari tanggungjawab seseorang kepada seseorang yang lain.” (Manhaji)

Rukun bagi akad *ḥawālah* adalah:

1. Pihak terlibat:
 - a. Muḥīl
 - b. Mūḥāl
 - c. Muḥāl ‘alayh


Syarat-syarat bagi akad *hawalah* ada empat:

1. Al-Muḥil: Kerelaan muhil (pihak yang memindahkan hutang)
2. Al-Muhal: Penerimaan oleh muhtal (pihak yang dipindahkan kewajipan)


3. Al-Muhal ‘alayh:
4. Al-Muhal Bih:
5. Al-Dayn: Hak hutang tersebut telah pun menjadi wajib (mustaqirr fi al-dhimmah); Kedua-dua hutang tersebut adalah sama pada jenis, sub-jenis, tempoh matang dan tempoh tangguh.

Apabila sesuatu akad hawalah itu telah memenuhi syarat-syaratnya, maka kewajipan pihak *muḥīl* telah dikira lunas dan dia bebas daripada tuntutan hutang tersebut (*barī’ al-dzimmah*).


Gambar Rajah 7: Sebelum Ḥawālah



Gambar Rajah 8: Selepas Ḥawālah



Hadith ini menunjukkan bahawa kelewatan membayar hutang oleh seseorang yang mampu membayarnya (*mumāṭil*) adalah satu kezaliman.



[BAHAGIAN 6] MENGHALANG PIHAK YANG TIDAK LAYAK BERTASARUF

Hajr (Halangan Tasaruf) ialah:

“halangan tasaruf yang dikenakan ke atas orang tertentu.”

Hadith di dalam bahagian ini adalah seperti berikut:

Hadith 29	<i>Hajr</i> (Halangan dari Melakukan Tasaruf ke atas Harta Sendiri)
-----------	---------------------------------------------------------------------

Hadith 29: *Hajr* (Halangan dari Melakukan Tasaruf ke atas Harta Sendiri)

عَنْ كَعْبِ بْنِ مَالِكٍ رضي الله عنه:

أَنَّ رَسُولَ اللَّهِ ﷺ حَجَرَ عَلَى مُعَاذِ رضي الله عنه مَالَهُ وَبَاعَهُ فِي دَيْنٍ [كَانَ] عَلَيْهِ

Daripada Ka' b bin Mālik رضي الله عنه, beliau meriwayatkan bahawa:

Sesungguhnya Rasulullah ﷺ telah melaksanakan *hajr* atas harta Mu'ādz [bin Jabal] رضي الله عنه dan menjualnya bagi melunaskan hutang yang ditanggungnya.

T: (al-Hākim (405H): al-Mustadrak 'alā al-Saḥīḥayn), No.; (al-Dāraquṭnī (385H): Sunan al-Dāraquṭnī); (al-Bayhaqī (458H): al-Sunan al-Saghīr); (al-Bayhaqī (458H): al-Sunan al-Kubrā); (al-Ṭabarānī (360H): al-Mu'jam al-Awsat)

Nota Ringkas

Hajr dari sudut bahasa memberi erti:

المنع

“halangan.”

Dari sudut istilah, *hajr* bererti:

الْمَنْعُ مِنَ التَّصَرُّفَاتِ الْمَالِيَّةِ لِمَصْلَحَةِ الْغَيْرِ لِمَصْلَحَةِ الْمَحْجُورِ عَلَيْهِ

“Halangan [Syariat ke atas seorang pemilik harta] daripada melakukan tasaruf ke atas hartanya bagi menjaga kemaslahatan pihak lain (pemiutangnya) atau bagi menjaga kemaslahatan pihak yang dikenakan larangan atasnya.”

Berdasarkan takrif di atas, *hajr* itu terbahagi kepada dua jenis:

1. *Hajr* bagi menjaga kemaslahatan pihak *mahjūr* ‘*alayh*.
2. *Hajr* bagi menjaga kemaslahatan pihak lain dari *mahjūr* ‘*alayh*.

Asas bagi *hajr* ialah firman Allah ﷻ (al-Baqarah 2:282):

﴿فَإِنْ كَانَ الَّذِي عَلَيْهِ الْحَقُّ سَفِيهًا أَوْ ضَعِيفًا أَوْ لَا يَسْتَطِيعُ أَنْ يُمِلَّ هُوَ فَلْيُمْلِلْ وَلِيُّهُ بِالْعَدْلِ﴾

“... Kemudian jika orang yang berhutang itu bodoh atau lemah atau dia sendiri tidak dapat hendak merencanakan [isi keberhutangannya itu], maka hendaklah direncanakan oleh walinya dengan adil benar...”

Enam golongan yang dikenakan *hajr* adalah:

1. Kanak-kanak
2. Orang gila
3. Orang bodoh
4. Orang muflis
5. Orang yang berada di dalam sakit menghadapi kematian.

[BAHAGIAN 7] MELAKSANAKAN AMANAH

Hadith-hadith di dalam bahagian ini adalah seperti berikut:

Hadith 32	<i>Wadī'ah</i> (Akad Penjagaan Barang)
Hadith 33	<i>Wakālah</i> (Akad Perwakilan)
Hadith 34	<i>Luqāṭah</i> (Amanah Barang Hilang)

Hadith 30: Wadī'ah (Penjagaan Barang)

عَنْ أَبِي هُرَيْرَةَ رَضِيَ اللَّهُ عَنْهُ، قَالَ: قَالَ النَّبِيُّ صَلَّى اللَّهُ عَلَيْهِ وَسَلَّمَ:
 « أَدِّ الْأَمَانَةَ إِلَى مَنْ ائْتَمَمَكَ وَلَا تَخُنْ مَنْ خَانَكَ »

Daripada Abū Hurayrah رَضِيَ اللَّهُ عَنْهُ, beliau berkata: Baginda Nabi صَلَّى اللَّهُ عَلَيْهِ وَسَلَّمَ bersabda:

“Tunaikanlah amanah kepada orang yang memberikan amanah kepada kamu, dan janganlah kamu mengkhianati orang yang telah berbuat khianat kepadamu.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1264 [Lafaz di atas] dan beliau berkata: (هَذَا حَدِيثٌ حَسَنٌ غَرِيبٌ); (Abū Dāwud (275H): Sunan Abī Dāwud), No. 3535; (al-Dārimī (255H): Sunan al-Dārimī), No. 2597 dan lain-lain.

30.1 Status Asal Pemegang *Wadī'ah* ialah “*Yad al-Amānah*”

عَنْ عَبْدِ اللَّهِ بْنِ عَمْرٍو رَضِيَ اللَّهُ عَنْهُمَا، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
 « مَنْ أُوْدِعَ وَدِيعَةً فَلَا ضَمَانَ عَلَيْهِ (/ فَلَيْسَ عَلَيْهِ ضَمَانٌ) »

Daripada ‘Abdullāh Ibnu ‘Amr رَضِيَ اللَّهُ عَنْهُمَا, beliau meriwayatkan bahawa Rasulullah صَلَّى اللَّهُ عَلَيْهِ وَسَلَّمَ bersabda:

“Barang siapa yang ditinggalkan kepadanya satu barang jagaan, maka dia tidak dikenakan jaminan gantirugi [ke atas barang tersebut melainkan kerana kecuaiian atau khianat].”

T: (Ibn Mājah (273H): Sunan Ibn Mājah), No. 2401 [Lafaz di atas]; (al-Dāraqūṭnī (385H): Sunan al-Dāraqūṭnī), No. 2938; (al-Bayhaqī (458H): al-Sunan al-Kubrā), No. 11765 & 11766 dan lain-lain. [Pada sanadnya al-Muthannā dan Ayyūb bin Suwayd].

Hadith ini diletakkan oleh Imam Ibnu Ḥajar al-‘Asqalānī di dalam “Bulūgh al-Marām,” No. 966 dan beliau berkata: (أَخْرَجَهُ ابْنُ مَاجَةَ وَإِسْنَادُهُ ضَعِيفٌ).

Lafaznya di dalam “Sunan al-Dāraquṭnī” berbunyi:

« لَا ضَمَانَ عَلَى مُؤْتَمِنٍ »

“Tiada tanggungjawab jaminan kerugian atau kerosakan ke atas seorang yang diberikan amanah [melainkan sekiranya dia cuai atau khianat].”

Dan lafaznya di dalam “al-Sunan al-Kubrā” oleh al-Bayhaqī:

« مَنْ اسْتُودِعَ وَدِيْعَةً فَلَا ضَمَانَ عَلَيْهِ »

“Barang siapa yang diminta untuk menjaga sesuatu barang, maka tiada tanggungjawab jaminan kerugian atau kerosakan ke atasnya [melainkan sekiranya dia cuai atau khianat].”

Nota Ringkas

Wadī‘ah atau akad *īdā‘* ialah:


تَوَكَّيْلٌ فِي حِفْظِ مَمْلُوكٍ، أَوْ مُحْتَرَمٍ مَخْصُوصٍ، عَلَى وَجْهِ مَخْصُوصٍ

“[Akad bagi] mewakilkan pihak lain untuk menjaga sesuatu yang dimilikinya, atau sesuatu yang dihormati [tetapi tidak dimiliki] secara khusus [seperti arak yang bertujuan untuk dijadikan cuka atau kulit bangkai yang boleh disamak], mengikut cara yang tertentu.”

Rukun akad *wadī‘ah* ialah:

1. Pihak yang berakad:
 - a. Pemilik barang (*mūdi‘*)
 - b. Penjaga barang (*wadī‘*)
2. Subjek: barang jagaan (*wadī‘ah*)
3. Lafaz atau seumpamanya.

Pada prinsip asal, seorang pemegang *wadī'ah* berstatus *Yad al-Amānah*. Ini bermaknya, dia tidak perlu membuat sebarang ganti rugi kepada pemilik *wadī'ah* tersebut sekiranya barang *wadī'ah* tersebut rosak di dalam penjagaannya; melainkan jika dia terbukti cuai (*taqṣīr*) atau khianat (*i'tidā'*) di dalam penjagaan barang *wadī'ah* tersebut. Sekiranya penjaga barang terbukti cuai atau khianat, maka dia bertukar status menjadi *Yad al-Ḍamānah*.



Hadith 31: *Wakālah* (Perwakilan)

عَنْ عُرْوَةَ الْبَارِقِيِّ رَضِيَ اللَّهُ عَنْهُ، قَالَ:

دَفَعَ إِلَيَّ رَسُولُ اللَّهِ ﷺ دِينَارًا لِأَشْتَرِي لَهُ شَاةً، فَاشْتَرَيْتُ لَهُ شَاتَيْنِ، فَبِعْتُ إِحْدَاهُمَا
بِدِينَارٍ، وَجِئْتُ بِالشَّاةِ وَالدِّينَارِ إِلَى النَّبِيِّ ﷺ فَذَكَرَ لَهُ مَا كَانَ مِنْ أَمْرِهِ، فَقَالَ لَهُ:
«بَارَكَ اللَّهُ لَكَ فِي صَفْقَةِ يَمِينِكَ»

Daripada ‘Urwah al-Bāriqī رَضِيَ اللَّهُ عَنْهُ, beliau berkata:

“Rasulullah ﷺ telah memberikan daku satu dinar untuk aku membelikan seekor kambing buat Baginda رَضِيَ اللَّهُ عَنْهُ. Lalu aku membeli untuk Baginda رَضِيَ اللَّهُ عَنْهُ dua ekor kambing, dan aku menjual salah seekornya dengan satu dinar. Dan kemudian aku datang dengan membawa seekor kambing dan satu dinar kepada Baginda Nabi رَضِيَ اللَّهُ عَنْهُ.

Dan kemudian beliau menceritakan urusannya itu kepada Baginda رَضِيَ اللَّهُ عَنْهُ.

Maka Baginda Nabi رَضِيَ اللَّهُ عَنْهُ pun bersabda [mendoakan beliau]: “Semoga Allah memberkatimu pada urusan perniagaanmu.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1258 [Lafaz di atas]; (al-Bukhārī (256H): Ṣaḥīḥ al-Bukhārī), No. 3643; (Abū Dāwud (275H): Sunan Abī Dāwud), No. 3384; (Ibn Mājah (273H): Sunan Ibn Mājah), No. 2402 dan lain-lain. [Status: Ṣaḥīḥ]

Di dalam “Ṣaḥīḥ al-Bukhārī” (No. 3643), terdapat lafaz yang menyebut:

وَكَانَ لَوْ اشْتَرَى التُّرَابَ لَرَبِحَ فِيهِ

“Dan sekiranya beliau membeli tanah [sahaja], beliau pasti boleh membuat keuntungan padanya.”

Imam al-Tirmidzī (w.279H) menambah:

فَكَانَ يُخْرِجُ بَعْدَ ذَلِكَ إِلَى كُنَاسَةِ الْكُوفَةِ، فَيَرْبِحُ الرَّبْحَ الْعَظِيمَ فَكَانَ مِنْ أَكْثَرِ أَهْلِ الْكُوفَةِ مَالًا

“Urwah al-Bāriqī رضي الله عنه kemudiannya berpindah ke Kunāsah di Kūfah. Beliau melakukan perniagaan di sana dan berjaya mendapatkan keuntungan yang sangat besar dan menjadi salah seorang yang paling kaya di Kūfah.”

Ini adalah keberkataan doa Rasulullah ﷺ buat ‘Umar al-Bāriqī رضي الله عنه.

31.1 Perwakilan Ḥakīm bin Ḥizām رضي الله عنه

عَنْ حَكِيمِ بْنِ حِزَامٍ رضي الله عنه:

أَنَّ رَسُولَ اللَّهِ ﷺ بَعَثَ مَعَهُ بِدِينَارٍ يَشْتَرِي لَهُ أُضْحِيَّةً، فَاشْتَرَاهَا بِدِينَارٍ وَبَاعَهَا بِدِينَارَيْنِ، فَرَجَعَ فَاشْتَرَى لَهُ أُضْحِيَّةً بِدِينَارٍ، وَجَاءَ بِدِينَارٍ، إِلَى النَّبِيِّ ﷺ فَتَصَدَّقَ بِهِ النَّبِيُّ ﷺ وَدَعَا لَهُ أَنْ يُبَارَكَ لَهُ فِي تِجَارَتِهِ.

Daripada Ḥakīm bin Ḥizām رضي الله عنه, beliau meriwayatkan bahawa:

“Sesungguhnya Rasulullah ﷺ telah mengutuskan (mewakilkkan) beliau dengan satu (1) dinar untuk membeli seekor haiwan korban (udḥiyyah). Beliau pun membeli haiwan korban (kambing) dengan satu (1) dinar dan kemudian menjualnya dengan harga dua (2) dinar.

Setelah itu, beliau pun pulang dan membeli seekor haiwan korban dengan satu (1) dinar dan membawa baki satu dinar lagi kepada Rasulullah ﷺ. Baginda Nabi ﷺ pun bersedekah dengan baki (1) satu dinar tersebut dan mendoakan beliau agar beliau diberkati di dalam perniagaannya.”

T: (Abū Dāwud (275H): Sunan Abī Dāwud), No. 3386 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1257 dan lain-lain.

Di sana terdapat juga hadith-hadith berkenaan *wakālah* oleh Rasulullah ﷺ pada perkara selain jual-beli seperti:

- Rasulullah ﷺ mewakilkan sebahagian para sahabat ﷺ untuk mengutip zakat.
- Rasulullah ﷺ mewakilkan ‘Amr bin Umayyah al-Ḍamrī ﷺ bagi pernikahan Baginda ﷺ dengan Saidatina Ummu Ḥabībah Ramlah رضي الله عنها binti Abū Sufyān رضي الله عنه.
- Rasulullah ﷺ mewakilkan Abū Rāfi‘ رضي الله عنه bagi menerima pernikahan Saidatina Maymūnah binti al-Ḥārith رضي الله عنها.
- Rasulullah ﷺ mewakilkan sahabat Baginda ﷺ bagi melaksanakan pembayaran hutang dengan seekor unta.

Nota Ringkas

Wakālah atau *wikālah* ialah:

تَفْوِيضُ شَخْصٍ مَا لَهُ فِعْلُهُ، مِمَّا يَقْبَلُ النِّيَابَةَ، إِلَى غَيْرِهِ، بِصَيْغِ، لِيَفْعَلَهُ فِي حَيَاتِهِ

“[Akad bagi] penyerahan urusan suatu perkara yang boleh dilakukan oleh seseorang (pewakil) kepada orang lain (wakil), bagi urusan yang boleh diganti, dengan lafaz, untuk dia (wakil) melakukannya sewaktu beliau (pewakil) masih hidup.”

Rukun akad *wakālah* ialah:

1. Pihak yang berakad:
 - a. Pewakil (*muwakkil*)
 - b. Wakil (Ejen) (*wakīl*)

2. Subjek: perkara yang diwakilkan padanya (skop autoriti ejen) (*muwakkal fih*)
3. Lafaz atau seumpamanya.

Hukum asal bagi *wakālah* adalah harus dan dibenarkan Syariat. Namun begitu, *wakālah* boleh:

1. Menjadi wajib, sekiranya ia adalah satu-satunya cara bagi menolak kemudaratan daripada pewakil.
2. Menjadi sunat sekiranya ia merupakan bantuan bagi melakukan perkara sunat.
3. Menjadi makruh sekiranya ia merupakan bantuan bagi melakukan perkara makruh.
4. Menjadi haram sekiranya ia merupakan bantuan bagi melakukan perkara haram.

Wakālah boleh berlaku pada hak Allah dan hak manusia.

**Hadith 32: *Luqatah* (Barang Hilang Yang Dijumpai dan
Pemiliknya Tidak Diketahui)**

عَنْ أَبِي بِنِ كَعْبٍ رضي الله عنه، قَالَ:

أَخَذْتُ صُرَّةَ مِائَةِ دِينَارٍ، فَأَتَيْتُ النَّبِيَّ ﷺ فَقَالَ: «عَرَّفْهَا حَوْلًا»، فَعَرَّفْتُهَا حَوْلًا فَلَمْ
أَجِدْ مَنْ يَعْرِفُهَا، ثُمَّ أَتَيْتُهُ، فَقَالَ: «عَرَّفْهَا حَوْلًا»، فَعَرَّفْتُهَا فَلَمْ أَجِدْ، ثُمَّ أَتَيْتُهُ ثَلَاثًا،
فَقَالَ: «إِحْفَظْ وَعَاءَهَا وَعَدَدَهَا وَوِكَاءَهَا، فَإِنْ جَاءَ صَاحِبُهَا وَإِلَّا فَاسْتَمْتِعْ بِهَا»،
فَاسْتَمْتَعْتُ، فَلَقَيْتُهُ بَعْدَ بِمَكَّةَ، فَقَالَ: لَا أَدْرِي ثَلَاثَةَ أَحْوَالٍ، أَوْ حَوْلًا وَاحِدًا

Daripada Ubayy bin Ka'ab رضي الله عنه, beliau berkata:

“Aku telah mengambil satu kantung yang berisi seratus (100) dinar (yang aku jumpai), dan kemudian aku membawanya kepada Nabi ﷺ. Maka Baginda ﷺ bersabda: “Takrifkan ia selama setahun.” Lalu, aku pun mentakrifkannya selama setahun, namun tidak tidak mendapati seorang pun yang mengenali tanda-tandanya. Kemudian, aku datang kepada Baginda ﷺ dan Baginda ﷺ bersabda lagi: “Takrifkannya selama setahun.” Lalu, aku pun mentakrifkannya selama setahun, namun tidak tidak mendapati seorang pun yang mengenali tanda-tandanya. Kemudian, aku datang kepada Baginda ﷺ sebanyak 3 kali.

Baginda ﷺ bersabda: “Simpanlah bekasnya dan bilangannya dan ikatannya, jika pemiliknya datang kepada kamu. Jika tidak, maka kamu boleh menggunakannya.”

T: (al-Bukhārī (256H): Ṣaḥīḥ al-Bukhārī), No. 2426 [Lafaz di atas] & 2437; (Muslim (261H): al-Jāmi‘ al-Ṣaḥīḥ / Ṣaḥīḥ Muslim); (al-Tirmidzī (279H): al-Jāmi‘ al-Kabīr (Sunan al-Tirmidzī)); (Abū Dāwud (275H): Sunan Abī Dāwud); (Ibn Mājah (273H): Sunan Ibn Mājah) dan lain-lain. [Status: Ṣaḥīḥ]

32.1 Pengiklanan dan Pemilikan

عَنْ زَيْدِ بْنِ خَالِدِ الْجُهَنِيِّ رضي الله عنه، قَالَ :

جَاءَ رَجُلٌ إِلَى رَسُولِ اللَّهِ ﷺ فَسَأَلَهُ، عَنِ اللَّقْطَةِ؟ فَقَالَ: « اَعْرِفْ عِفَاصَهَا وَوِكَاءَهَا، ثُمَّ عَرِّفْهَا سَنَةً، فَإِنْ جَاءَ صَاحِبُهَا وَإِلَّا فَشَأْنُكَ بِهَا », قَالَ: فَضَالَةٌ الْغَنَمِ؟ قَالَ: « هِيَ لَكَ أَوْ لِأَخِيكَ أَوْ لِلذُّئْبِ », قَالَ: فَضَالَةٌ الْإِبِلِ؟ قَالَ: « مَا لَكَ وَلَهَا مَعَهَا سِقَاؤُهَا وَحِذَاؤُهَا تَرُدُّ الْمَاءَ وَتَأْكُلُ الشَّجَرَ حَتَّى يَلْقَاهَا رَبُّهَا »

Daripada Zayd bin Khālid al-Juhanī رضي الله عنه, beliau berkata:

“Seorang lelaki telah datang kepada Rasulullah ﷺ dan bertanya Baginda ﷺ tentang barang *luqaṭah*.

Baginda ﷺ bersabda: “Sebutkan ciri-ciri penutupnya dan tali pengikatnya, kemudian iklankan ia selama satu tahun. Sekiranya pemiliknya datang, maka berilah *luqaṭah* tersebut kepadanya, dan sekiranya tidak ada yang datang, maka ia menjadi urusanmu (milikmu).”

Dia bertanya: “Bagaimana jika ia adalah seekor kambing?.” Baginda ﷺ bersabda: “Ia adalah bagimu atau saudaramu atau serigala.”

Dia bertanya lagi: “Bagaimana jika ialah seekor unta?.” Baginda ﷺ bersabda: “Tiada kaitan di antara kamu dengannya. Ia mempunyai bekas minumnya, dan kakinya. Ia boleh mencari air dengan sendiri dan memakan pohon-pohon sehinggalah ia ditemui oleh pemiliknya.”

T: (al-Bukhārī (256H): Ṣaḥīḥ al-Bukhārī), No. 2210 [Lafaz di atas]; (Muslim (261H): al-Jāmi‘ al-Ṣaḥīḥ / Ṣaḥīḥ Muslim); (al-Tirmidzī (279H): al-Jāmi‘ al-Kabīr (Sunan al-Tirmidzī)); (Abū Dāwud (275H): Sunan Abī Dāwud); (Ibn Mājah (273H): Sunan Ibn Mājah) dan lain-lain. [Status: Ṣaḥīḥ]

32.2 Mendapatkan Saksi Bagi Luqatah

عَنْ عِيَّاضِ بْنِ حِمَارٍ رَضِيَ اللَّهُ عَنْهُ، قَالَ: قَالَ رَسُولُ اللَّهِ ﷺ:

« مَنْ وَجَدَ لُقْطَةً فَلْيُشْهِدْ ذَا عَدْلٍ أَوْ ذَوِي عَدْلٍ وَلَا يَكْتُمْ وَلَا يُغَيِّبْ فَإِنْ وَجَدَ صَاحِبَهَا فَلْيُرُدِّهَا عَلَيْهِ وَإِلَّا فَهُوَ مَالُ اللَّهِ ﷻ يُؤْتِيهِ مَنْ يَشَاءُ »

Daripada ‘Iyāḍ bin Ḥimār رَضِيَ اللَّهُ عَنْهُ, beliau berkata: Rasulullah ﷺ bersabda:

“Barang siapa yang menjumpai [dan mengambil] satu barang yang hilang, maka hendaklah dia menjadikan dua orang saksi yang adil atau lebih [bagi tindakannya mengambil barang tersebut].

Janganlah dia menyembunyikannya atau menyoroknya. Jika dia menemui pemiliknya, maka hendaklah dia memulangkannya. Jika tidak, maka ia adalah harta milik Allah ﷻ, yang Dia berikan kepada sesiapa yang dikehendakinya.”

T: (Abū Dāwud (275H): Sunan Abī Dāwud), No. 1709 [Lafaz di atas]; (Ibn Mājah (273H): Sunan Ibn Mājah); (Aḥmad (241H): al-Musnad); (Ibn Ḥibbān (354H): Ṣaḥīḥ Ibn Ḥibbān); (al-Nasā‘ī (303H): al-Sunan al-Kubrā) dan lain-lain.


Nota Ringkas

Luqatah ialah: “sesuatu harta yang dijumpai dan tidak diketahui pemiliknya.”

Siyasah Shar‘iyyah:

Pada zaman Sayyidina ‘Uthman menjadi Khalifah, beliau telah memerintahkan agar unta-unta luqatah ini diambil, dijaga dan diberi

makan dari Baitulmal sehinggalah pemiliknya datang mengambilnya. Tindakan ini pada zahirnya dilihat berbeza dengan anjuran Rasulullah ﷺ di dalam hadith sebelum ini. Para fuqaha' menyatakan ini adalah kerana keadaan masyarakat yang berbeza pada zaman Rasulullah ﷺ dan zaman beliau. Pada zaman beliau, sikap amanah mula berkurangan dan sekiranya unta luqatah tersebut tidak dijaga oleh Baitulmal, maka ditakuti unta luqatah tersebut akan dikhianati.



**[BAHAGIAN 8] PERTANDINGAN (*SIBĀQ*) DAN HADIAH
PERTANDINGAN (*SABAQ*)**

Hadith di dalam bahagian ini adalah seperti berikut:

Hadith 33	<i>Sabaq/ 'Iwaḍ</i> Pertandingan
-----------	----------------------------------

Hadith 33: *Sabaq/ 'Iwad* Pertandingan

عَنْ أَبِي هُرَيْرَةَ رضي الله عنه، عَنِ النَّبِيِّ صلى الله عليه وسلم قَالَ:
« لَا سَبَقَ إِلَّا فِي نَضَلٍ، أَوْ خُفٍّ، أَوْ حَافِرٍ »

Daripada Abū Hurayrah رضي الله عنه, beliau meriwayatkan bahawa Baginda Nabi صلى الله عليه وسلم bersabda:

“Tiada hadiah pertaruhan [yang dibenarkan] bagi sesuatu pertandingan melainkan pada [pertandingan] memanah, menunggang kuda dan menunggang unta.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1700 [Lafaz di atas] dan beliau berkata: (); (Abū Dāwud (275H): Sunan Abī Dāwud), No. 2574; (al-Nasā‘ī (303H): al-Sunan al-Sughrā / al-Mujtabā min al-Sunan), No. 3585, 3586, 3587 & 3589; (Ibn Mājah (273H): Sunan Ibn Mājah), No. 2878 dan lain-lain.

33.1: Rasulullah صلى الله عليه وسلم Melakukan Perlumbaan Kuda

عَنْ ابْنِ عُمَرَ رضي الله عنهما، قَالَ:

أَجْرَى (/ سَابَقَ) النَّبِيُّ صلى الله عليه وسلم مَا ضُمِّرَ مِنَ الْخَيْلِ مِنَ الْحَفْيَاءِ إِلَى ثَنِيَّةِ الْوَدَاعِ، وَأَجْرَى مَا لَمْ يُضْمَرَ مِنَ الثَّنِيَّةِ إِلَى مَسْجِدِ بَنِي زُرَيْقٍ، قَالَ ابْنُ عُمَرَ: وَكُنْتُ فِيمَنْ أُجْرَى.

Daripada ‘Abdullāh Ibnu ‘Umar رضي الله عنهما, beliau meriwayatkan bahawa:

“Rasulullah صلى الله عليه وسلم telah menjalankan pertandingan bagi kuda-kuda yang telah diperkuatkan untuk perang dari al-Ḥafyā’ sehingga Thaniyyat al-Wadā’.

Dan Baginda ﷺ telah menjalankan pertandingan bagi kuda-kuda yang tidak diperkuatkan untuk perang dari Thaniyyat al-Wadā' sehingga masjid Banī Zurayq.”

Ibnu 'Umar رضي الله عنهما berkata: “Dan aku adalah salah seorang daripada mereka yang terlibat dalam pertandingan yang dijalankan oleh Rasulullah ﷺ.”

T: (al-Bukhārī (256H): Ṣaḥīḥ al-Bukhārī), No. 421, 2868 [Lafaz di atas], 2869, 2870 & 7336; (Muslim (261H): al-Jāmi' al-Ṣaḥīḥ / Ṣaḥīḥ Muslim), No. 1873; (Abū Dāwud (275H): Sunan Abī Dāwud), No. 2575 dan lain-lain. [Status: Ṣaḥīḥ]

Imam al-Bukhārī (w.256H) menambah (No.2868):

قَالَ سُفْيَانُ: بَيْنَ الْحَفْيَاءِ إِلَى ثَنِيَّةِ الْوَدَاعِ خَمْسَةٌ أَمْيَالٍ أَوْ سِتَّةٌ وَبَيْنَ ثَنِيَّةِ إِلَى مَسْجِدِ بَنِي زُرَيْقٍ مِيلٌ

“Sufyān [al-Thawrī] berkata: [Jarak] di antara al-Ḥafyā' ke Thaniyyat al-Wadā' ialah lima batu atau enam batu, dan [jarak] di antara Thaniyyat al-Wadā' ke masjid Banī Zurayq ialah satu batu.”

33.2: Sayyidatina A'ishah رضي الله عنها Berlumba Lari bersama Rasulullah ﷺ

عَنْ عَائِشَةَ رضي الله عنها:

أَنَّهَا كَانَتْ مَعَ النَّبِيِّ ﷺ فِي سَفَرٍ قَالَتْ: فَسَابَقْتُهُ فَسَبَقْتُهُ عَلَى رَجُلٍ فَلَمَّا حَمَلْتُ اللَّحْمَ سَابَقْتُهُ فَسَبَقَنِي، فَقَالَ: « هَذِهِ بِتِلْكَ السَّبْقَةِ »

Daripada Saidatina 'Ā'ishah رضي الله عنها, beliau meriwayatkan bahawa:

“Sesungguhnya beliau pernah bersama dengan Baginda Nabi ﷺ di dalam satu permusafiran.

Beliau memberitahu: Maka aku pun berlumba lari dengan Baginda ﷺ, lalu aku telah mendahului Baginda dengan kedua-dua kaki daku ini.

Dan kemudian apabila tubuhku mula berisi sedikit (bertambah berat), dan aku berlumba lari dengan Baginda ﷺ sekali lagi, lalu Baginda ﷺ telah mendahuluiku dan Baginda ﷺ bersabda: ((Kemenangan ini adalah dengan kemenangan itu (kita jadi seri))).”

T:

Nota Ringkas

Pertandingan semata-mata adalah satu perkara yang harus di sisi para ulama' berdasarkan dalil al-Sunnah dan al-Ijmā'.

Syarat-syarat pertandingan

Sabaq (سَبَقٌ) adalah merujuk kepada:

مَا يَتْرَاهُنُ عَلَيْهِ الْمُتَسَابِقُونَ فِي الْخَيْلِ وَالْإِبِلِ وَفِي النَّضَالِ فَمَنْ سَبَقَ أَخَذَهُ

“Sesuatu yang dipertaruhkan sebagai hadiah oleh orang-orang yang bertanding di dalam lumba kuda, unta dan memanah. Sesiapa yang mendahului peserta yang lain, maka ia berhak mengambil harta taruhan tersebut.”

Majoriti ulama' menyatakan bahawa hukum asal bagi hadiah pertandingan adalah haram melainkan *'illah* bagi keharusan hadiah pertandingan adalah manfaatnya bagi persediaan peperangan. Sebahagian ulama' meluaskan keharusan ini bagi setiap perkara yang mempunyai manfaat.

Pertandingan boleh dibahagikan kepada dua (2) kategori iaitu:

1. Pertandingan tanpa *'iwad*
2. Pertandingan dengan *'iwad*

'Iwad bagi akad musabaqah disyaratkan agar ma'lum, iaitu hadiah tersebut diketahui sama dengan cara melihat, atau kadar, atau sifat. Ia juga boleh menjadi *'iwad* yang hallan atau mu'ajjalan, atau sebahagiannya hallan dan sebahagiannya mu'ajjalan. (WASI). (128/24)

**Jadual 2: Empat Senario Utama bagi Hukum Hadiah (*'Iwad*)
Pertandingan**

Contoh	Pihak yang menyediakan <i>'iwad</i> pertandingan	Hukum
Senario 1	Sebahagian peserta pertandingan	Harus
Senario 2	Semua peserta pertandingan (tanpa kewujudan muhallil)	Haram, rihan.
Senario 3	Pihak ketiga	Harus
Senario 4	Semua peserta pertandingan (dengan kewujudan muhallil)	Harus

[BAHAGIAN 9] HAK SHUF'ĀH

Hadith di dalam bahagian ini adalah seperti berikut:

Hadith 34

Shuf'ah

Hadith 34: *Shuf'ah*

عَنْ جَابِرٍ رَضِيَ اللَّهُ عَنْهُ، قَالَ:

قَضَى رَسُولُ اللَّهِ ﷺ بِالشُّفْعَةِ فِي كُلِّ شِرْكَةٍ لَمْ تُقَسَّمْ رُبْعَةً أَوْ حَائِطٍ لَا يَحِلُّ لَهُ أَنْ يَبِيعَ حَتَّى يُؤْذِنَ شَرِيكَهُ، فَإِنْ شَاءَ أَخَذَ وَإِنْ شَاءَ تَرَكَ، فَإِذَا بَاعَ وَلَمْ يُؤْذِنْهُ فَهُوَ أَحَقُّ بِهِ

Daripada Jābir رضي الله عنه, beliau berkata:

“Rasulullah ﷺ telah menghukumkan dengan hak *shuf'ah* pada setiap perkongsian yang belum dibahagikan sama ada tanah atau bangunan.

Tidak boleh bagi seorang pemilik bersama menjual bahagiannya sehinggalah dia mendapatkan keizinan rakan kongsinya. Sekiranya rakan kongsinya mahu, dia boleh mengambilnya (dengan membelinya) dan sekiranya dia mahu, dia juga boleh meninggalkannya.

Dan sekiranya seorang rakan kongsi itu menjual haknya sebelum mendapatkan keizinan daripada rakan kongsi yang lain, maka dia berhak untuk melakukan hak *Shuf'ah* padanya.”

T: (Muslim (261H): al-Jāmi' al-Ṣaḥīḥ / Ṣaḥīḥ Muslim), No. [Lafaz di atas].
[Status: Ṣaḥīḥ]

34.1 *Shuf'ah* Berhak sebelum Persempadanan/ Pembahagian Tanah Dilakukan

جَعَلَ رَسُولُ اللَّهِ ﷺ الشُّفْعَةَ فِي كُلِّ مَالٍ لَمْ يُقَسَّمْ، فَإِذَا وَقَعَتِ الْحُدُودُ وَصُرِّفَتِ الطُّرُقُ فَلَا شُفْعَةَ

Daripada Jabir رضي الله عنه, beliau meriwayatkan bahawa:

“Rasulullah ﷺ menjadikan hak shuf‘ah pada setiap harta [tak alih] yang belum dibahagikan. Dan apabila garisan pemilikan telah diletakkan dan jalan-jalan telah dilalukan/dibina [bagi membahagikan hartanah tersebut], maka tidak ada lagi hak shuf‘ah.”

T: (al-Bukhārī (256H): Ṣaḥīḥ al-Bukhārī) [Status: Ṣaḥīḥ]

34.2 Shuf‘ah berhak bagi Pemilik Bersama Harta Tak Alih

عَنْ جَابِرِ بْنِ عَبْدِ اللَّهِ رضي الله عنه، أَنَّ نَبِيَّ اللَّهِ ﷺ قَالَ:
((مَنْ كَانَ لَهُ شَرِيكٌ فِي حَائِطٍ، فَلَا يَبِيعُ نَصِيبَهُ مِنْ ذَلِكَ، حَتَّى يَعْرِضَهُ عَلَى شَرِيكِهِ))

Daripada Jābir bin ‘Abdullāh رضي الله عنه beliau meriwayatkan bahawa sesungguhnya Baginda Nabi ﷺ bersabda:

“Barang siapa yang mempunyai pemilik bersama/ rakan kongsi bagi sebidang tanah, maka janganlah dia menjual bahagian miliknya daripada tanah tersebut, sehinggalah dia menawarkannya terlebih dahulu kepada pemilik bersama/ rakan kongsinya.”

T:

34.3 Tawaran Penjualan Aset Hartanah kepada Jiran

عَنْ ابْنِ عَبَّاسٍ رضي الله عنه، عَنِ النَّبِيِّ ﷺ قَالَ:
((مَنْ كَانَتْ لَهُ أَرْضٌ فَأَرَادَ يَبِيعَهَا فَلْيَعْرِضْهَا عَلَى جَارِهِ))

Daripada ‘Abdullah Ibnu ‘Abbas رضي الله عنه beliau meriwayatkan bahawa Baginda Nabi ﷺ bersabda:

“Barang siapa yang memiliki sebidang tanah, lalu dia ingin menjualnya, maka hendaklah dia menawarkannya kepada jirannya [terlebih dahulu].”

T:

Nota Ringkas

Definisi *shuf‘ah* (atau sebahagian fuqaha’ menyebutnya dengan *Shufu‘ah*) adalah (Fath al-Qarib al-Mujib, p.140):

حَقُّ تَمَلُّكِ قَهْرِيٍّ يَثْبُتُ لِلشَّرِيكِ الْقَدِيمِ عَلَى الشَّرِيكِ الْحَادِثِ بِسَبَبِ الشَّرْكَةِ
بِالْعَوَضِ الَّذِي مَلَكَ بِهِ

“Hak mengambil pemilikan secara paksa yang diberikan kepada pemilik bersama/rakan kongsi terdahulu ke atas pemilik bersama/rakan kongsi yang baru, dengan sebab adanya pemilikan bersama/perkongasian, dengan bayaran yang dia (pemilik bersama/rakan kongsi yang baru) miliki dengannya.”

Pada prinsip asal Muamalat, sesuatu jual beli adalah berasaskan kerelaan bersama (*taradi*). Namun begitu, hak *Shuf‘ah* adalah salah satu pengecualian bagi prinsip tersebut kerana ia diberikan bagi mengelakkan mudarat yang mungkin boleh berlaku ke atas pemilik bersama bagi suatu harta tak alih.

Di sisi jumhur, hak Shuf'ah hanya terpakai pada harta tak alih, namun begitu zāhiriyyah berpandangan bahawa hak shuf'ah terpakai pada harta tak alih dan harta alih⁴.

Di sisi jumhur (termasuk Shāfi'iyyah), hak Shuf'ah hanya dimiliki oleh pemilik bersama bagi sesebuah hartanah/ harta tak alih. Di sisi Hanafiyyah pula, hak Shuf'ah juga diberikan kepada pemilik harta yang berjiran/bersebelahan dengan harta yang dijual.

⁴ Jabatan Bantuan Guaman: "Harta seperti wang tunai, syer, caruman KWSP, wang imbuhan insurans, kenderaan, perabot rumah, pakaian dan sebagainya dipanggil harta alih. Harta seperti tanah serta kepentingan atas tanah tersebut, rumah, lombong, sawah, telaga dan tasik adalah disebut sebagai harta tak alih."

**[BAHAGIAN 10] PERDAMAIAN DAN PENYELESAIAN
PERTELINGKAHAN**

Hadith di dalam bahagian ini adalah seperti berikut:

Hadith 35	<i>Ṣulḥ</i> (Putus Pertengkaran)
-----------	----------------------------------

Hadith 35: *Ṣulḥ* (Putus Pertengkaran): Persetujuan Bagi Menghilangkan Pertelingkahan dan Mencapai Muafakat di antara Pihak Yang Bertelingkah

عَنْ أَبِي هُرَيْرَةَ رَضِيَ اللَّهُ عَنْهُ ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ :

« الصُّلْحُ جَائِزٌ بَيْنَ الْمُسْلِمِينَ »

Daripada Abū Hurayrah رَضِيَ اللَّهُ عَنْهُ, beliau meriwayatkan bahawa sesungguhnya Rasulullah صَلَّى اللَّهُ عَلَيْهِ وَسَلَّمَ bersabda:

“*Ṣulḥ* (persetujuan bagi menghilangkan pertelingkahan dan mencapai muafakat di antara pihak yang bertelingkah) adalah harus di antara para muslimin.”

T: (Aḥmad (241H): al-Musnad), No. 8566 [Lafaz di atas]; (Abū Dāwud (275H): Sunan Abī Dāwud), No. 3594; (Ibn Ḥibbān (354H): Ṣaḥīḥ Ibn Ḥibbān), No. 5091; (al-Ḥākim (405H): al-Mustadrak ‘alā al-Ṣaḥīḥayn), No. 2251 dan beliau berkata: (هَذَا حَدِيثٌ صَحِيحٌ عَلَى شَرْطِ الشَّيْخَيْنِ) & 7108 dan beliau berkata: (شَاهِدُهُ حَدِيثُ عَمْرِو بْنِ عَوْنٍ، وَبِهِ يُعْرَفُ) dan lain-lain.

Tambahan lafaznya di dalam “Sunan Abī Dāwud” dan “Ṣaḥīḥ Ibn Ḥibbān”:

« الصُّلْحُ جَائِزٌ بَيْنَ الْمُسْلِمِينَ، إِلَّا صُلْحًا أَحَلَّ حَرَامًا أَوْ حَرَّمَ حَلَالًا »

“*Ṣulḥ* (persetujuan bagi menghilangkan pertelingkahan dan mencapai muafakat di antara pihak yang bertelingkah) adalah harus di antara para muslimin, melainkan *ṣulḥ* yang mengharamkan sesuatu yang halal atau mengharamkan yang halal.”

📖 Nota Ringkas

Ṣulḥ ialah:


عَقْدٌ يَحْصُلُ بِهِ التَّوْفِيقُ وَرَفْعُ النَّزَاعِ

“Akad yang menghasilkan pengharmonian dan menghentikan pertelingkahan.”

Jenis-jenis ṣulḥ yang utama:

1. *Ṣulḥ al-Isqat wa al-Ibra'*
2. *Ṣulḥ al-Mu'awadah*
3. *Ṣulḥ al-Hatitah*

Gambar Rajah 9: Jenis-jenis Ṣulḥ



Ṣulḥ adalah salah satu daripada mekanisma utama di dalam Syariat Islam bagi menghentikan pertelingkahan selain daripada *taḥkīm* (timbang tara) dan *qaḍā'* (penghakiman).

[BAHAGIAN 11] SYARAT AKAD DAN URUF

Di dalam bab ini, penulis memasukkan dua (2) bab berkenaan syarat-syarat dan uruf. Walaupun kedua-dua bab ini tidak dijadikan satu bab atau akad yang khusus berkenaan fiqh muamalat dalam kitab-kitab fiqh klasik atau *turāth*, penulis memasukkan kedua-dua hadith ini kerana kepentingan kedua-dua topik ini dalam kerangka fiqh muamalat.

Bahagian ini mengandungi hadith-hadith berikut:

Hadith 36	Syarat Akad Yang Tidak Bertentangan dengan Syariat Dibenarkan dan Dihormati
Hadith 37	Uruf Sebagai Rujukan Bagi Perkara Yang Tidak Mempunyai Nas Syariat

Hadith 36: Syarat Akad Yang Tidak Bertentangan dengan Syariat Dibenarkan dan Dihormati

عَنْ أَبِي هُرَيْرَةَ رَضِيَ اللَّهُ عَنْهُ، عَنِ رَسُولِ اللَّهِ ﷺ أَنَّهُ قَالَ:
« الْمُسْلِمُونَ عَلَى شُرُوطِهِمْ »

Daripada Abū Hurayrah رضي الله عنه, beliau meriwayatkan bahawa sesungguhnya Rasulullah ﷺ bersabda:

“Orang-orang Islam itu [terikat dengan/ bermuamalat sesama mereka berdasarkan] syarat-syarat yang mereka tetapkan [di antara mereka].”

T: (al-Bayhaqī (458H): al-Sunan al-Kubrā), No. 10569, 11028 [Lafaz di atas] & 13362; (al-Hākim (405H): al-Mustadrak ‘alā al-Sahīḥayn), No. 2246 dan beliau berkata: (وَهَذَا أَصْلٌ فِي الْكِتَابِ، وَلَهُ شَاهِدٌ) (مِنْ حَدِيثِ عَائِشَةَ وَأَنْسِ بْنِ مَالِكٍ رَضِيَ اللَّهُ عَنْهُمَا); (Ibn al-Jārūd al-Naysābūrī (307H): al-Muntaqā min al-Sunan al-Musnadah), No. 619 & 973; (al-Dāraquṭnī (385H): Sunan al-Dāraquṭnī), No. 2867 dan lain-lain.

Tambahan lafaznya di dalam “al-Muntaqā min al-Sunan al-Musnadah”:

« الْمُسْلِمُونَ عَلَى شُرُوطِهِمْ مَا وَافَقَ الْحَقَّ مِنْهَا »

“Orang-orang Islam itu [terikat dengan/ bermuamalat sesama mereka berdasarkan] syarat-syarat yang mereka tetapkan [di antara mereka], iaitu syarat-syarat yang bersepakat dengan kebenaran (/menepati Syariat).”

36.1 Syarat-syarat Yang Dipersetujui Tidak Boleh Mengharamkan Yang Halal atau Menghalalkan Yang Haram

عَنْ عَمْرِو بْنِ عَوْفٍ الْمُرَزِيِّ رَضِيَ اللَّهُ عَنْهُ، أَنَّ رَسُولَ اللَّهِ ﷺ قَالَ:

« الصُّلْحُ جَائِزٌ بَيْنَ الْمُسْلِمِينَ، إِلَّا صُلْحًا حَرَّمَ حَلَالًا، أَوْ أَحَلَّ حَرَامًا، وَالْمُسْلِمُونَ عَلَى شُرُوطِهِمْ إِلَّا شَرْطًا حَرَّمَ حَلَالًا، أَوْ أَحَلَّ حَرَامًا »

Daripada ‘Amr bin ‘Awf al-Muzanī رضي الله عنه, beliau meriwayatkan bahawa sesungguhnya Rasulullah ﷺ bersabda:

“*Ṣulḥ* (persetujuan bagi menghilangkan pertelingkahan dan mencapai muafakat di antara pihak yang bertelingkah) adalah harus di antara para muslimin, melainkan *ṣulḥ* yang mengharamkan sesuatu yang halal atau mengharamkan yang halal.

Dan orang-orang Islam itu terikat dengan syarat-syarat yang dipersetujui di antara mereka melainkan syarat yang mengharamkan sesuatu halal atau menghalalkan sesuatu yang haram.”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1352 [Lafaz di atas] dan beliau berkata: (هَذَا حَدِيثٌ حَسَنٌ صَحِيحٌ); (Ibn Mājah (273H): Sunan Ibn Mājah), No. 2353; (al-Hākim (405H): al-Mustadrak ‘alā al-Sahīḥayn), No. 7109 & (al-Bayhaqī (458H): al-Sunan al-Kubrā), No. 10498. S: Abū Hurayrah رضي الله عنه. [Status: Ḥasan li ghayriḥ]

Nota Ringkas

Syarat-syarat berkaitan sesuatu akad boleh dibahagikan kepada dua bahagian iaitu:

1. Syarat-syarat yang ditetapkan oleh Syariat (*shurūṭ shar‘iyyah*)
2. Syarat-syarat yang ditetapkan oleh pihak yang berakad (*shurūṭ ja‘liyyah*)

Bagi syarat-syarat *shar‘iyyah*, sebahagian ulama’ memperincikannya menjadi empat (4) kategori iaitu:

1. Syarat-syarat *in ‘iqād* (pembentukan akad)
2. Syarat-syarat *ṣiḥḥah* (kesahihan akad)

3. Syarat-syarat *nafādz* (kelansungan akad)
4. Syarat-syarat *luzūm* (kelaziman akad)

Secara umum-umumnya, syarat-syarat *ja'liyyah* pula boleh dibahagikan kepada tiga (3) jenis:

1. Syarat-syarat yang tidak bertentangan dengan Syariat, bahkan ia menyempurnakan akad tersebut, seperti syarat gadaian bagi pinjaman hutang. Maka, ia dibenarkan.
2. Syarat-syarat yang tidak bersesuaian dengan tujuan akad. Maka, ia tidak dibenarkan.
3. Syarat-syarat yang tidak bertentangan dengan Syariat dan mempunyai kemaslahatan kepada kedua-dua pihak berakad atau salah satu pihak berakad atau pihak ketiga. Ia merupakan perkara khilafiyah di kalangan para ulama'.

Keempat-empat mazhab fiqh ASWJ mempunyai pendekatan yang berbeza dalam menetapkan syarat-syarat yang dibenarkan. Syarat-syarat ini juga dikenali sebagai "*shurūṭ muqtarinah bi al-'aqd.*"

Hadith 37: Uruf Sebagai Rujukan bagi Perkara Yang Tidak Mempunyai Nas Syariat

عَنْ عُرْوَةَ، عَنْ عَائِشَةَ رَضِيَ اللَّهُ عَنْهَا:

قَالَتْ هِنْدُ أُمُّ مُعَاوِيَةَ لِرَسُولِ اللَّهِ ﷺ: إِنَّ أَبَا سُفْيَانَ رَجُلٌ شَحِيحٌ، فَهَلْ عَلَيَّ جُنَاحٌ أَنْ أَخُذَ مِنْ مَالِهِ سِرًّا؟ قَالَ: « خُذِي أَنْتِ وَبَنُوكِ مَا يَكْفِيكِ بِالْمَعْرُوفِ »

Daripada ‘Urwah, beliau meriwayatkan bahawa Saidatina ‘Ā’ishah رَضِيَ اللَّهُ عَنْهَا [berkata]:

Hindun رَضِيَ اللَّهُ عَنْهَا, ibu Mu‘āwiyah [bin Abū Sufyān] رَضِيَ اللَّهُ عَنْهَا berkata kepada Rasulullah ﷺ: “Sesungguhnya Abū Sufyān رَضِيَ اللَّهُ عَنْهُ [suamiku] itu seorang lelaki yang kedekut [dalam memberi nafkah kepada ahli keluarganya], maka adakah aku berdosa sekiranya aku mengambil hartanya secara tersembunyi [tanpa pengetahuannya]?”

Baginda ﷺ bersabda: “Ambillah [daripada hartanya] untuk kamu dan anak-anak kamu dengan kadar yang mencukupi buat kamu dengan makruf (/dengan kadar yang diterima uruf).”

T: (al-Bukhārī (256H): Ṣaḥīḥ al-Bukhārī), No. 2211 [Lafaz di atas], 2460, 5359, 5364, 5370, 7161 & 7180; (Abū Dāwud (275H): Sunan Abī Dāwud), No. 3532 & 3533; (al-Nasā’ī (303H): al-Sunan al-Sughrā / al-Mujtabā min al-Sunan), No. 5420; (Ibn Mājah (273H): Sunan Ibn Mājah), No. 2293 dan lain-lain. [Status: Ṣaḥīḥ]

37.1 Athar ‘Abdullāh Ibnu Mas‘ūd رَضِيَ اللَّهُ عَنْهُ

عَنْ زُرِّ، عَنْ عَبْدِ اللَّهِ رَضِيَ اللَّهُ عَنْهُ، قَالَ:

« مَا رَأَى الْمُسْلِمُونَ حَسَنًا فَهُوَ عِنْدَ اللَّهِ حَسَنٌ، وَمَا رَأَهُ الْمُسْلِمُونَ سَيِّئًا (/ قَبِيحًا) فَهُوَ عِنْدَ اللَّهِ سَيِّئٌ (/ قَبِيحٌ) »

Daripada Zirr [Razīn, Muḥammad bin Aḥmad al-Balkhī al-Sulamī al-Sāmīrī], beliau meriwayatkan bahawa ‘Abdullāh Ibnu Mas‘ūd رضي الله عنه berkata:

“Suatu perkara yang dilihat oleh orang-orang Islam sebagai baik, maka ia adalah baik di sisi Allah.

Dan suatu perkara yang dilihat oleh orang-orang Islam sebagai jahat (keji), maka ia adalah jahat (keji) di sisi Allah.”

T: (al-Ḥākim (405H): al-Mustadrak ‘alā al-Saḥīḥayn), No. 4402 [Lafaz di atas: Sebahagian petikan athar] dan beliau berkata: (هَذَا حَدِيثٌ صَحِيحُ الْإِسْنَادِ، (وَلَمْ يُخْرَجْ لَهُ، وَلَهُ شَاهِدٌ أَصَحُّ مِنْهُ إِلَّا أَنْ فِيهِ إِسْرَالًا. Kata-kata yang sama atau hampir sama ini juga diriwayatkan daripada ‘Abdullāh Ibnu Mas‘ūd di dalam: (Mālik (179H): al-Muwaṭṭa’ - Riwayat Muhammad ibn al-Hasan al-Shaybani), No. 241; (Abū Dāwūd al-Ṭayālīsī (204H): Musnad Abī Dāwūd al-Ṭayālīsī), No. 243 dan lain-lain.

Nota Ringkas

Uruf (*‘urf*) adalah merujuk kepada:

“apa-apa sahaja percakapan (*‘urf qawli*) atau perbuatan (*‘urf ‘āmalī*) yang menjadi kebiasaan dan sering dilakukan oleh orang ramai, sama ada ia diakui oleh Syariat atau tidak.”

Namun begitu, pada kebiasaannya istilah uruf ini digunakan untuk meruju kepada kebiasaan yang baik.

Uruf yang diakui Syariat ialah uruf yang *ṣaḥīḥ* dan uruf yang tidak diperakui Syariat ialah uruf yang *fāsid* (rosak). Uruf yang kekal dinamakan sebagai uruf yang *thābit* dan uruf yang telah berubah dikenali sebagai uruf *mutabaddil*. Dari sudut skop dan keluasan pengamalan, uruf boleh dibahagikan kepada dua (2) jenis:

1. Uruf umum (*‘urf ‘āmm*): Ia diamalkan oleh hampir kesemua ahli masyarakat.
2. Uruf khusus (*‘urf khaṣṣ*): Ia hanya diamalkan oleh sekumpulan masyarakat yang menjadikannya sebagai kebiasaan.

Uruf adalah salah satu daripada empat belas (14) sumber hukum Syariat di sisi para fuqaha'. Sumber-sumber hukum Syariat tersebut ialah:

1. Al-Quran
2. Sunnah
3. Ijmā‘
4. Qiyās

Keempat-empat sumber di atas adalah sumber hukum Syariat yang disepakati. Walaupun fuqaha' ṣāhībiyyah tidak menerima qiyās sebagai sumber hukum, namun khilaf mereka di dalam isu ini dikira sebagai pandangan yang sangat lemah dan tidak diambil kira.

5. Qawl al-Ṣahābī
6. Istiqrā‘
7. Istiṣḥāb
8. Al-Akhdz bi Aqall Mā Qīl

Mazhab Shāfi‘ī menjadikan kelapan-lapan sumber di atas sebagai sumber hukum di sisi mereka.

9. Istiḥsān
10. ‘Amal Ahl al-Madīnah
11. Maṣlaḥāh Mursalah
12. Sadd al-Dzarī‘ah
13. ‘Urf
14. Shar‘ Man Qablanā

Para fuqahā' berbeza pandangan tentang kedudukan sumber-sumber Syariat di atas selain daripada Quran, Sunnah, ijmā' dan qiyās.

Syarat-syarat uruf yang boleh dijadikan sebagai rujukan hukum Syariat adalah empat (4) perkara, iaitu:

1. Uruf tersebut mestilah tidak bertentangan dengan Syariat.
2. Uruf tersebut mestilah dilaksanakan secara berterusan (*mustamirr/ muḍṭarid*) atau dominan (*ghālib*).
3. Uruf tersebut mestilah wujud ketika sesuatu sesuatu urusan dilakukan.
4. Pihak-pihak yang berakad tidak menyatakan sesuatu perkara yang bertentangan atau berbeza dengan uruf tersebut.

Hanafiyyah dan Shāfi'iyyah mensyaratkan agar:

5. Uruf tersebut mestilah uruf yang umum.

Selain daripada merujuk kepada hukum-hukum yang telah dibahaskan di dalam kitab-kitab fiqh dan fatwa, pihak yang berautoriti dalam mengeluarkan fatwa dan hukum perlu mengambil kira uruf yang berlaku ketika mengeluarkan sesuatu hukum bagi sesuatu urusan atau urusaniaga.

Di dalam urusan muamalat, sesuatu perkara yang telah menjadi kebiasaan di dalam urusaniaga masyarakat dinilai sama dengan sesuatu perkara yang disyaratkan bagi urusaniaga tersebut. Terdapat sebuah kaedah fiqh yang menyatakan:

الْمَعْرُوفُ عُرْفًا كَالْمَشْرُوطِ شَرْطًا

“Suatu perkara yang diketahui secara uruf adalah seperti perkara yang disyaratkan melalui persyaratan [di dalam akad].”

[BAHAGIAN 12] DUA ADAB/ AKHLAK UTAMA DI DALAM MUAMALAT

Di bahagian ini, penulis memilih dua (2) hadith terpenting berkaitan akhlak terpuji (*maḥmūdah*) di dalam muamalat. Kedua-dua hadith ini menjelaskan bahawa Islam bukan hanya menekankan aspek kontrak di dalam muamalat, namun begitu ia turut memberi penekanan bagi aspek akhlak.

Berdasarkan penelitian penulis, sifat amanah dan sifat tolak ansur boleh dianggap sebagai dua (2) akhlak yang paling ditekankan Islam di dalam muamalat.

1. Amanah – kerana ia adalah asas kepada keadilan di dalam urusan muamalat.
2. Bertolak ansur – kerana ia adalah berkaitan dengan hak manusia sesama manusia dan sikap rahmat sesama manusia sangat dianjurkan Islam.

Kedua-dua akhlak ini amat penting di dalam akad-akad berkaitan Mu'āwaḍāt khususnya.

Hadith-hadith di dalam bahagian ini adalah seperti berikut:

Hadith 38	Sifat Amanah adalah Asas Kekayaan
Hadith 39	Bertolak Ansur dan Berhemah di dalam Urusan Muamalat

Hadith 38: Sifat Amanah adalah Asas Kekayaan

عَنْ أَنَسِ بْنِ مَالِكٍ رضي الله عنه، قَالَ: قَالَ رَسُولُ اللَّهِ ﷺ:
« الْأَمَانَةُ غِنَى »

Daripada Anas bin Mālik رضي الله عنه, beliau berkata: Rasulullah ﷺ bersabda:

“Amanah itu adalah satu [sebab] kekayaan.”

T: (al-Shihāb al-Quḍā'ī (454H), 1986 - Musnad al-Shihāb), No. 16 [Lafaz di atas].

*Hadith ini juga diriwayatkan dengan matan yang sama secara *mursal* oleh Ibnu Abī al-Dunyā (w.281H) di dalam Makārim al-Akhlāq dari Muslim al-Bāṭin al-Kūfī (*thiqah*).

38.1 Benar dan Amanah dalam Muamalat Menaikkan Darjat Peniaga di Akhirat

عَنْ أَبِي سَعِيدٍ رضي الله عنه، عَنِ النَّبِيِّ ﷺ، قَالَ:
« التَّاجِرُ الصَّدُوقُ الْأَمِينُ مَعَ النَّبِيِّينَ، وَالصُّدِّيقِينَ وَالشُّهَدَاءِ »

Daripada Abū Sa'īd al-Khudrī رضي الله عنه, beliau meriwayatkan bahawa Nabi ﷺ bersabda:

“Peniaga yang benar lagi amanah bersama dengan para nabi ﷺ, para *ṣiddīqīn* dan para syuhadak (di akhirat nanti).”

T: (al-Tirmidzī (279H): al-Jāmi' al-Kabīr (Sunan al-Tirmidzī)), No. 1209 [Lafaz di atas] dan beliau berkata: (هَذَا حَدِيثٌ حَسَنٌ); (Ibn Mājah (273H): Sunan Ibn Mājah), No. 2539; (al-Hākim (405H): al-Mustadrak 'alā al-Sahīḥayn), No. 2079 dan lain-lain. [Status: Ḥasan]

38.2 Para Peniaga Yang Khianat Dibangkitkan Sebagai Orang-orang Fasik/Jahat

عَنْ رَافِعِ بْنِ مَالِكٍ رضي الله عنه:

أَنَّهُ خَرَجَ مَعَ النَّبِيِّ صَلَّى اللهُ عَلَيْهِ وَسَلَّمَ إِلَى الْمُصَلَّى، فَرَأَى النَّاسَ يَتَبَايَعُونَ، فَقَالَ: « يَا مَعْشَرَ التُّجَّارِ، فَاسْتَجَابُوا لِرَسُولِ اللَّهِ صَلَّى اللهُ عَلَيْهِ وَسَلَّمَ وَرَفَعُوا أَعْنَاقَهُمْ، وَأَبْصَرَهُمْ إِلَيْهِ، فَقَالَ: « إِنَّ التُّجَّارَ يُبْعَثُونَ يَوْمَ الْقِيَامَةِ فُجَّارًا إِلَّا مَنْ اتَّقَى اللَّهَ وَبَرَّ، وَصَدَقَ »

Daripada Rāfi‘ bin Mālik رضي الله عنه, beliau meriwayatkan bahawa:

Sesungguhnya beliau telah keluar bersama Baginda Nabi صَلَّى اللهُ عَلَيْهِ وَسَلَّمَ ke *muṣallā* (kawasan lapang untuk bersolat), lalu Baginda صَلَّى اللهُ عَلَيْهِ وَسَلَّمَ melihat orang ramai sedang berjual beli, maka Baginda صَلَّى اللهُ عَلَيْهِ وَسَلَّمَ pun bersabda:

“Wahai para peniaga.” Mereka pun menjawab panggilan Rasulullah صَلَّى اللهُ عَلَيْهِ وَسَلَّمَ dan mengangkat leher-leher mereka serta pandangan mereka ke arah Baginda صَلَّى اللهُ عَلَيْهِ وَسَلَّمَ.

Baginda صَلَّى اللهُ عَلَيْهِ وَسَلَّمَ pun bersabda:

“Sesungguhnya para peniaga itu akan dibangkitkan pada hari kiamat kelak sebagai orang-orang yang fasik/jahat [kerana mengambil harta orang lain secara batil] melainkan mereka yang bertakwa kepada Allah, tidak melakukan penipuan atau khianat dan berlaku benar [dalam urusaniaga perniagaan mereka].”

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1210 [Lafaz di atas] dan beliau berkata: (هَذَا حَدِيثٌ حَسَنٌ صَحِيحٌ); (Ibn Mājah (273H): Sunan Ibn Mājah), No. 2146; (al-Dārimī (255H): Sunan al-Dārimī), No. 2538; (Ibn Hibbān (354H): Ṣaḥīḥ Ibn Hibbān), No. 4910; (al-Hākim (405H): al-Mustadrak ‘alā al-Saḥīḥayn), No. 2080 dan beliau berkata: (هَذَا حَدِيثٌ صَحِيحٌ الْإِسْنَادِ وَلَمْ يُخَرِّجَاهُ) dan lain-lain.

 Nota Ringkas

Hasil kajian di dunia barat jua membuktikan bahawa “Amanah” atau “Trust” adalah merupakan nilai teras dalam kepimpinan. “The New Leadership Paradigm” menghuraikan komponen asas bagi sifat Amanah (Trust) di dalam jadual di bawah.

Jadual 3: Komponen Sifat Amanah Menurut Perspektif Barat

<i>Trust</i>	<i>Competence</i>	<i>Results</i>	<i>Reputation</i> <i>Credibility</i> <i>Performance</i>
		<i>Capability</i>	<i>Skills</i> <i>Knowledge</i> <i>Experience</i>
	<i>Character</i>	<i>Integrity</i>	<i>Honesty</i> <i>Fairness</i> <i>Authenticity</i>
		<i>Intent</i>	<i>Caring</i> <i>Transparency</i> <i>Openness</i>

Sumber: <http://tnlp.valuescentre.com/> (The New Leadership Paradigm)

Tarikh akses: 15 April 2015 (Rabu).

Hadith 39: Toleransi dan Berhemah adalah Asas Akhlak Dalam Muamalat

عَنْ جَابِرِ بْنِ عَبْدِ اللَّهِ رضي الله عنه، أَنَّ رَسُولَ اللَّهِ صلى الله عليه وسلم قَالَ:
« رَحِمَ اللَّهُ رَجُلًا سَمَحًا، إِذَا بَاعَ، وَإِذَا اشْتَرَى، وَإِذَا اقْتَضَى »

Daripada Jābir bin ‘Abdullāh رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Semoga Allah merahmati seseorang yang bertolak ansur (/berhemah) ketika menjual, ketika membeli dan ketika menuntut haknya (/hutangnya).”

T: (al-Bukhārī (256H): Ṣaḥīḥ al-Bukhārī), No. 2076 [Lafaz di atas]; (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1320 dan beliau berkata: (هَذَا حَدِيثٌ صَحِيحٌ حَسَنٌ غَرِيبٌ مِنْ هَذَا الْوَجْهِ); (Ibn Mājah (273H): Sunan Ibn Mājah), No. 2203; (Aḥmad (241H): al-Musnad), No. 14248; (Ibn Ḥibbān (354H): Ṣaḥīḥ Ibn Ḥibbān), No. 4903 dan lain-lain. [Status: Ṣaḥīḥ]

39.1: Allah تعالى Menyintai Sikap Tolak Ansur di dalam Muamalat

عَنْ أَبِي هُرَيْرَةَ رضي الله عنه، أَنَّ رَسُولَ اللَّهِ صلى الله عليه وسلم قَالَ:
« إِنَّ اللَّهَ يُحِبُّ سَمَحَ الْبَيْعِ، سَمَحَ الشَّرَاءِ، سَمَحَ الْقَضَاءِ »

Daripada Abū Hurayrah رضي الله عنه, beliau meriwayatkan bahawa sesungguhnya Rasulullah صلى الله عليه وسلم bersabda:

“Sesungguhnya Allah menyintai orang yang bertoleransi/ berhemah ketika menjual, orang yang bertoleransi/ berhemah ketika membeli dan orang yang bertoleransi/ berhemah ketika menunaikan [atau menuntut] hutangnya”.

T: (al-Tirmidzī (279H): al-Jāmi‘ al-Kabīr (Sunan al-Tirmidzī)), No. 1319 [Lafaz di atas] dan beliau berkata: (وَفِي الْبَابِ، عَنْ جَابِرٍ. قَالَ أَبُو عِيسَى: هَذَا حَدِيثٌ غَرِيبٌ،) (وَقَدْ رَوَى بَعْضُهُمْ هَذَا الْحَدِيثَ); (al-Hākim (405H): al-Mustadrak ‘alā al-Saḥīḥayn), No. 2275 dan beliau berkata: (هَذَا حَدِيثٌ صَحِيحُ الْإِسْنَادِ، وَلَمْ يُخَرِّجَاهُ); (Abū Ya‘lā al-Mawṣilī (307H): Musnad Abī Ya‘lā al-Mawṣilī), No. 6238 dan lain-lain.

39.2: Allah ﷻ Cintakan Orang Yang Bertolak Ansur di dalam Muamalat

عَنْ عُثْمَانَ بْنِ عَفَّانَ رضي الله عنه، قَالَ: قَالَ رَسُولُ اللَّهِ ﷺ:
« أَذْخَلَ اللَّهُ ﷻ رَجُلًا كَانَ سَهْلًا مُشْتَرِيًا وَبَائِعًا، وَقَاضِيًا وَمُقْتَضِيًا، الْجَنَّةَ »

Daripada Sayyidina ‘Uthmān bin ‘Affān رضي الله عنه, beliau berkata: Rasulullah ﷺ bersabda:

“Allah ﷻ memasukkan seorang lelaki ke dalam syurga kerana dia penuh toleransi/ berhemah sebagai pembeli, penjual, pembayar hak/hutang dan penuntut hak/hutang.”

T: (al-Nasā‘ī (303H): al-Sunan al-Suḡhrā / al-Mujtabā min al-Sunan), No. 4696 [Lafaz di atas]; (Ibn Mājah (273H): Sunan Ibn Mājah), No. 2202; (Aḥmad (241H): al-Musnad), No. 412, 416, 487 & 510 dan lain-lain.

39.3: Allah ﷻ Mengurniakan Keampunan kepada Orang Yang Bertolak Ansur dengan Penghutangnya Yang Susah (Mu‘sir)

عَنْ أَبِي هُرَيْرَةَ رضي الله عنه، عَنِ النَّبِيِّ ﷺ، قَالَ:
« كَانَ تَاجِرٌ يُدَايِنُ النَّاسَ، فَإِذَا رَأَى مُعْسِرًا، قَالَ لِفَتْيَانِهِ: تَجَاوَزُوا عَنْهُ، لَعَلَّ اللَّهُ أَنْ يَتَجَاوَزَ عَنَّا، فَتَجَاوَزَ اللَّهُ عَنْهُ »

Daripada Abū Hurayrah رضي الله عنه, beliau meriwayatkan bahawa Nabi صلى الله عليه وسلم bersabda:

“Pernah ada seorang peniaga yang memberi hutang kepada para pelanggannya [dalam perniagaannya].

Apabila dia mendapati penghutangnya berada dalam kesusahan (*mu‘sir*) [dan tidak mampu membayar hutangnya], maka dia pun berkata kepada pemuda-pemudanya (para hambanya/ pekerjanya):

“Maafkanlah dia (/hapuskanlah hutangnya}. Semoga Allah mengampunkan kita [dengan amalan ini].”

Maka Allah صلى الله عليه وسلم pun memberi keampunan kepadanya.”

T: (al-Bukhārī (256H): Ṣaḥīḥ al-Bukhārī), No. 2078 [Lafaz di atas] & 3480; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 1565; (al-Nasā‘ī (303H): al-Sunan al-Sughrā / al-Mujtabā min al-Sunan), No. 4694 & 4695; (Aḥmad (241H): al-Musnad), No. 7525, 8187, 8262 & 8513; (Ibn Ḥibbān (354H): Ṣaḥīḥ Ibn Ḥibbān), No. 5042, 5043 & 5046 dan lain-lain. [Status: Ṣaḥīḥ]

Nota Ringkas

Berdasarkan hadith-hadith di atas, Islam sangat menganjurkan agar pihak-pihak yang terlibat bersikap tolak ansur dan saling berhemah apabila melakukan hubungan muamalat sesama mereka sama ada dalam bentuk jualan, belian, membayar hutang dan menuntut hutang. Ini adalah kerana muamalat itu berkaitan dengan hak dan hubungan sesama manusia, dan seseorang itu seringkali bersikap keras bagi mendapatkan haknya daripada orang lain yang mungkin akan mengeruhkan keadaan dalam perhubungan sesama manusia. Sikap toleransi dapat mengelakkan pertelingkahan yang mungkin boleh muncul dalam aktiviti muamalat sesama masyarakat.

[BAHAGIAN 13] DOA MEMASUKI PASAR

Sebagai penutup bagi himpunan empat puluh (40) hadith ini, penulis memilih hadith doa memasuki pasar yang diamalkan oleh Rasulullah ﷺ.

Hadith di dalam bahagian ini adalah seperti berikut:

Hadith 40

Doa Rasulullah ﷺ Ketika Memasuki Pasar

Hadith 40: Doa Rasulullah ﷺ Ketika Memasuki Pasar

عَنْ بُرَيْدَةَ الْأَسْلَمِيِّ رضي الله عنه، قَالَ:

كَانَ رَسُولُ اللَّهِ ﷺ إِذَا دَخَلَ السُّوقَ قَالَ: « بِسْمِ اللَّهِ، اللَّهُمَّ إِنِّي أَسْأَلُكَ خَيْرَ هَذِهِ السُّوقِ وَخَيْرَ مَا فِيهَا، وَأَعُوذُ بِكَ مِنْ شَرِّهَا وَشَرِّ مَا فِيهَا، اللَّهُمَّ إِنِّي أَعُوذُ بِكَ أَنْ أُصِيبَ فِيهَا يَمِينًا فَاجِرَةً أَوْ صَفْقَةً خَاسِرَةً »

Daripada Buraydah al-Aslamī رضي الله عنه, beliau berkata:

“Apabila Rasulullah ﷺ memasuki pasar, Baginda ﷺ bersabda/
berdoa:

بِسْمِ اللَّهِ، اللَّهُمَّ إِنِّي أَسْأَلُكَ خَيْرَ هَذِهِ السُّوقِ، وَخَيْرَ مَا فِيهَا، وَأَعُوذُ بِكَ مِنْ شَرِّهَا،
وَشَرِّ مَا فِيهَا، اللَّهُمَّ إِنِّي أَعُوذُ بِكَ أَنْ أُصِيبَ فِيهَا يَمِينًا فَاجِرَةً أَوْ صَفْقَةً خَاسِرَةً

“Dengan nama Allah. Ya Allah, sesungguhnya aku memohon
daripada-Mu kebaikan pasar ini dan kebaikan yang ada di
dalamnya.

Dan aku berlindung dengan-Mu daripada kejahatannya, dan
kejahatan yang ada di dalamnya.

Ya Allah, sesungguhnya aku berlindung dengan-Mu daripada
ditimpa musibah sumpah yang jahat (menipu/palsu) atau jual-beli/
urusniaga yang merugikan di dalamnya.”

T: (al-Rūyānī (307H): Musnad al- Rūyānī), No. 40 [Lafaz di atas]; (al-
Hākim (405H): al-Mustadrak ‘alā al-Sahīḥayn), No.1913; (al-Ṭabarānī
(360H): al-Mu‘jam al-Kabīr), No. 1157; (al-Ṭabarānī (360H): al-Mu‘jam
al-Awsaṭ), No. 5534; (al-Ṭabarānī (360H): al-Du‘ā’), No. 795; (Ibn Ḥajar
al-‘Asqalānī (852H): Iṭḥāf al-Maharah bi al-Fawā’id al-Mubtakarah min
Aṭrāf al-‘Asharah), No. 2144 & 2158 dan lain-lain.

40.1: Doa Rasulullah ﷺ Ketika Memasuki Pasar (b)

عَنْ بُرَيْدَةَ الْأَسْلَمِيِّ رَضِيَ اللَّهُ عَنْهُ، قَالَ:

كَانَ رَسُولُ اللَّهِ ﷺ إِذَا دَخَلَ السُّوقَ، قَالَ: «اللَّهُمَّ إِنِّي أَسْأَلُكَ مِنْ خَيْرِ هَذَا السُّوقِ،
وَأَعُوذُ بِكَ مِنَ الْكُفْرِ وَالْفُسُوقِ»

Daripada Buraydah al-Aslamī رَضِيَ اللَّهُ عَنْهُ, beliau berkata:

Apabila Rasulullah ﷺ memasuki pasar, Baginda ﷺ bersabda/
berdoa:

اللَّهُمَّ إِنِّي أَسْأَلُكَ مِنْ خَيْرِ هَذَا السُّوقِ، وَأَعُوذُ بِكَ مِنَ الْكُفْرِ وَالْفُسُوقِ

“Ya Allah, sesungguhnya aku memohon daripada-Mu kebaikan pasar ini, dan aku berlindung dengan-Mu dari kekufuran dan kefasikan.”

T: (al-Ṭabarānī (360H): al-Mu‘jam al-Awsaṭ), No. 5589 [Lafaz di atas] dan beliau berkata: (لَمْ يَرَوْهُ هَذَا الْحَدِيثَ عَنْ عَلْقَمَةَ بْنِ مَرْثَدٍ إِلَّا مُحَمَّدُ بْنُ أَبَانَ، وَلَا يُرْوَى عَنْ بُرَيْدَةَ إِلَّا بِهَذَا) & (al-Ṭabarānī (360H): al-Du‘ā'), No. 794. [Pada sanadnya Muḥammad bin Abān]

40.2: Membaca Tahlīl Kāmil Ketika Berada di dalam Pasar

عَنْ ابْنِ عُمَرَ رَضِيَ اللَّهُ عَنْهُمَا، قَالَ: قَالَ رَسُولُ اللَّهِ ﷺ:

«مَنْ دَخَلَ السُّوقَ فَبَاعَ فِيهَا وَاشْتَرَى، فَقَالَ: لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ، وَلَهُ الْحَمْدُ، يُحْيِي وَيُمِيتُ، [وَهُوَ حَيٌّ لَا يَمُوتُ بِيَدِهِ الْخَيْرُ] وَهُوَ عَلَى كُلِّ

شَيْءٍ قَدِيرٌ، كَتَبَ اللَّهُ لَهُ أَلْفَ أَلْفِ حَسَنَةٍ، وَمَحَا أَلْفَ أَلْفِ سَيِّئَةٍ، وَبَنَى لَهُ بَيْتًا فِي
الْجَنَّةِ»

Daripada ‘Abdullāh Ibnu ‘Umar رضي الله عنهما, beliau berkata: Rasulullah ﷺ
bersabda:

“Barang siapa yang memasuki pasar dan berjual beli di dalamnya
serta berkata:

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ، وَلَهُ الْحَمْدُ، يُحْيِي وَيُمِيتُ، [وَهُوَ حَيٌّ
لَا يَمُوتُ بِيَدِهِ الْخَيْرُ] وَهُوَ عَلَى كُلِّ شَيْءٍ قَدِيرٌ

“Tiada tuhan [yang berhak disembah] melainkan Allah, hanya Dia
semata-mata, tiada sekutu bagi-Nya, bagi-Nya segala kekuasaan
dan bagi-Nya segala pujian, Dialah yang menghidupkan dan
mematikan, [Dialah yang Maha Hidup dan tidak akan mati, segala
kebaikan di dalam kekuasaan-Nya] dan Dia Maha Berkuasa ke atas
tiap-tiap sesuatu”,

maka Allah akan mencatat baginya sejuta (1,000,000) kebaikan,
menghapuskan daripadanya sejuta (1,000,000) kejahatan (/dosa)
dan membina baginya sebuah mahligai di syurga.”

T: (al-Hākim (405H): al-Mustadrak ‘alā al-Sahīḥayn), No. 1911 [Lafaz di
atas] dan beliau berkata: (هَذَا إِسْنَادٌ صَحِيحٌ عَلَى شَرْطِ الشَّيْخَيْنِ، وَلَمْ يُخْرَجَاهُ، وَاللَّهُ أَعْلَمُ) & 1912;
(al-Tirmidzī (279H): al-Jāmi‘ al-Kabīr (Sunan al-Tirmidzī)), No. 3429,
dengan tambahan lafaz [...] dan beliau berkata: (وَعَمْرُو بْنُ دِينَارٍ هَذَا هُوَ شَيْخٌ بَصْرِيٌّ) (تَكَلَّمَ فِيهِ بَعْضُ أَصْحَابِ الْحَدِيثِ، وَقَدْ رَوَى عَنْ سَالِمِ بْنِ عَبْدِ اللَّهِ بْنِ عُمَرَ أَحَادِيثَ لَا يُتَابَعُ عَلَيْهَا، وَقَدْ رَوَى هَذَا الْحَدِيثُ
مِنْ غَيْرِ هَذَا الْوَجْهِ); (al-Bazzār (292H): al-Baḥr al-Zakhkhār bi Musnad al-
Bazzār), No. 6140; (al-Ṭabarānī (360H): al-Mu‘jam al-Kabīr), No. 13175;
(Abū Nu‘aym al-Asbahānī (430H): Ḥilyat al-Awliyā’ wa Ṭabaqāt al-
Aṣfiyā’), No. 12637; (Ibn ‘Asākir (571H): Tārīkh Dimashq), No. 48534 dan
lain-lain.

📖 Doa dan zikrullah ini dianjurkan agar menjadi amalan para usahawan dan peniaga Muslim. Mereka bukan sahaja mendapat hasil rezeki daripada hasil usaha mereka, bahkan mereka juga mendapat pahala dan keberkatan dari pengamalan Sunnah Rasulullah ﷺ di dalam pekerjaan seharian mereka.

Allah ﷻ berfirman (Al-Nūr:37):

﴿ فِي بُيُوتٍ أُذِنَ لِلَّهِ أَنْ تُرْفَعَ وَيُذْكَرَ فِيهَا اسْمُهُ يُسَبِّحُ لَهُ فِيهَا بِالْغُدُوِّ وَالْآصَالِ ﴾

“[Nur hidayah petunjuk Allah itu bersinar dengan nyatanya terutama sekali] di rumah-rumah ibadat yang diperintahkan oleh Allah supaya dimuliakan keadaannya dan disebut serta diperingat nama Allah padanya; di situ juga dikerjakan ibadat mensuci dan memuji Allah pada waktu pagi dan petang.”

﴿ رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ يَوْمًا تَتَقَلَّبُ فِيهِ الْقُلُوبُ وَالْأَبْصَارُ ﴾

“[Ibadat itu dikerjakan oleh] orang-orang yang kuat imannya yang tidak dilalaikan oleh perniagaan atau berjual-beli daripada menyebut serta mengingati Allah, dan mendirikan sembahyang serta memberi zakat; mereka takutkan hari (kiamat) yang padanya berbalik-balik hati dan pandangan.”

﴿ لِيَجْزِيَ اللَّهُ أَحْسَنَ مَا عَمِلُوا وَيَزِيدَهُمْ مِنْ فَضْلِهِ وَاللَّهُ يَرْزُقُ مَنْ يَشَاءُ بِغَيْرِ حِسَابٍ ﴾

“[Mereka mengerjakan semuanya itu] supaya Allah membalas mereka dengan sebaik-baik balasan bagi apa yang mereka kerjakan, dan menambahi mereka lagi dari limpah kurniaNya; dan

sememangnya Allah memberi rezeki kepada sesiapa yang dikehendakiNya dengan tidak terhitung.”

﴿ RUMUSAN PENUTUP ﴾

Fiqh Muamalat adalah merupakan perbahasan yang sangat luas dan dinamik. Hadith-hadith yang dihimpunkan di dalam kitab ini pastinya tidak merangkumi kesemua perbahasan yang ada di dalam bab ini. Namun begitu, hadith-hadith ini dapat menjadi pintu pertama dan anak tangga paling asas bagi membina tapak kefahaman yang kukuh dalam disiplin ilmu ini.

Untuk makluman para pembaca juga, penulis tidak memasukkan hadith berkenaan dua bab berkenaan muamalat yang biasanya dimasukkan di dalam kitab-kitab fiqh turath terdahulu iaitu: (i) *Iḥyā' al-Mawāt* (Mengusahakan Tanah Terbiar) dan (ii) *Iqrār* (Pengakuan), kerana kedua-dua bab ini mungkin lebih relevan dengan disiplin ekonomi dan undang-undang pada masa kini, menurut pandangan penulis. Ia juga bertujuan bagi meringkaskan perbincangan kitab ini.

Penulis melahirkan kesyukuran kepada Allah ﷻ di atas limpah taufik dan kurnia-Nya buat penulis bagi menyempurnakan penulisan ini. Dan akhir kata penulis: Segala pujian hanyalah bagi Allah ﷻ, Dialah yang memberikan taufik bagi melaksanakan segala ketaatan dan menyempurnakan segala kebaikan.



Telah sempurna penulisan kitab ini.

Semoga Allah ﷻ menerimanya dan memanfaatkan umat Islam dengannya.

Allāhumma Āmīn.

Dr. Abdullaah Jalil

Dar al-Salam NSV, Nilai, Negeri Sembilan.



غَفَرَ اللَّهُ لَهُ وَلِوَالِدَيْهِ وَلِزَوْجَتِهِ وَلِأَوْلَادِهِ وَلِجَمِيعِ الْمُؤْمِنِينَ وَالْمُؤْمِنَاتِ،
وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ،

آمِينَ



PENULIS

Dr. Abdullaah Jalil merupakan pensyarah kanan di Fakulti Ekonomi dan Muamalat, Universiti Sains Islam Malaysia (USIM) di Nilai, Negeri Sembilan. Beliau memperoleh Sarjana Muda Syariah (Fiqh and Pengajian Islam) dari Universiti Yarmouk, Jordan dengan Kelas Pertama (*Mumtāz*) pada tahun 2001, Sarjana Pentadbiran Perniagaan (MBA) dengan pengkhususan Perbankan dan Kewangan Islam dari Universiti Islam Antarabangsa Malaysia pada tahun 2004 dan dikurniakan Anugerah Pelajar Terbaik Program serta PhD Kewangan Islam dari INCEIF (The Global University of Islamic Finance) pada tahun 2019.

Beliau turut memainkan peranan sebagai ahli Jawatankuasa Syariah di dalam industri perbankan Islam, takaful, koperasi dan wakaf sejak 2012 sehingga ke hari ini. Beliau juga merupakan ahli Panel Syariah USIM sejak ia ditubuhkan dan menjadi salah seorang penyelidik fatwa bagi Jabatan Mufti Negeri Sembilan sejak tahun 2016.

Beliau juga terlibat di dalam bidang Deradikalisasi dan PCVE (Kefahaman Agama) sejak tahun 2008 dan dianugerahkan anugerah “Friends of the Police” pada Hari Polis Kebangsaan 2012 di atas sumbangan beliau di dalam bidang ini. Beliau telah dilantik sebagai Ahli Panel Deradikalisasi dan Pakar Rujuk Bagi Kes-kes Keganasan Yang Disiasat Di Bawah Akta Kesalahan Keselamatan (Langkah-langkah Khas) 2012 oleh Kementerian Dalam Negeri. Beliau pernah memberi latihan berkenaan Deradikalisasi di Rabdan Academy (United Arab Emirates) dan dilantik sebagai salah seorang Advisory Committee bagi Global Peace Institute (Maldives) dan kini terlibat sebagai salah seorang ahli penyelidik untuk membangunkan Pelan Tindakan Kebangsaan bagi Mencegah dan Menangani Pelampau Keganasan (NAPPCVE).

Dalam pembinaan polisi dan kertas kerja hukum, beliau pernah terlibat sebagai salah seorang panel kepakaran bagi pembinaan Standard MQA bagi Program Muamalat dan Kewangan Islam (2012), Manual Pengurusan Wang Khairat JAWHAR (2014), AJK (Kluster Ekonomi) Pembangunan Dasar Dakwah Negara (2014), Kertas Kerja Hukum Berkaitan Isu-isu Syariah Madinah Mawaddah Wakaf City (2020) dan Kertas Kerja Hukum Penjana dan Pelaburan Dana Masjid (2021). Beliau juga merupakan salah seorang ahli kumpulan penyelidik IMARAH (USIM) yang telah membangunkan satu sistem

pengurusan kewangan masjid dan surau yang dinamakan sebagai Sistem e-MIMAS⁵.

Bidang kajian beliau merangkumi Fiqh Muamalat, Perbankan dan Kewangan Islam, Tadbir Urus Syariah, Wakaf Korporat, Kewangan Masjid, Ahli Sunnah dan Jama'ah, Deradikalisasi dan PCVE (Preventing and Countering Violent Extremism). Di antara kursus-kursus di peringkat siswazah yang pernah dikendalikan oleh beliau ialah ialah Fiqh Muamalat I, Fiqh Muamalat II, Pengurusan Haji dan Umrah, Pengurusan Institusi Perbankan Islam dan Takaful, Pasaran Wang dan Modal, Halaqah (Pengantar Kitab Turath), Usul Fiqh dan Kewangan Islam. Manakala di peringkat siswazah, beliau pernah mengendalikan kursus Qawa'id Fiqhiyyah, Aplikasi Fiqh Muamalat serta Halal dan Haram di dalam Islam.

Beliau juga meminati pengajian ilmu turath dan sering menghadiri majlis-majlis talaqqi ilmu dan pengajian turath berkitab bersama para *mashāyikh*, termasuk dalam bidang pengajian ilmu hadith *riwāyah* dan *dirāyah*.

⁵ Untuk maklumat lanjut, sila rujuk di tautan ini: <https://imarah.org>

BIBLIOGRAFI

- ‘Abd al-Razzāq al-San‘ānī. (1403H). *al-Muṣannaf*. al-Maktab al-Islami.
- Abū ‘Awānah, Ya'qub Ishaq (1998). *Mustakhraj Abī ‘Awānah* [Tahqiq: Ayman Ibn 'Arif al-Dimashqi]. Dar al-Ma'rifah.
- Abū Dāwūd al-Ṭayālisī. *Musnad Abī Dāwūd al-Ṭayālisī*. Dar Hijr li al-Nashr wa al-Tawzi'.
- Abū Dāwud, Sulaymān al-Sijistānī. *al-Marāsīl [ma‘ al-Asānīd]* [Tahqiq: Shu‘ayb al-Arna'ut]. Mu‘assat al-Risālah.
- Abū Dāwud, Sulaymān al-Sijistānī. (2010). *Sunan Abī Dāwud*. Dār al-Kutub al-‘Ilmiyyah.
- Abū Ḥanīfah. *Musnad Abī Ḥanīfah - Riwayāt Abī Nu‘aym* [Tahqiq: Nazar Muhammad al-Farayabi]. Maktabat al-Kawthar.
- Abū Nu‘aym al-Asbahānī. (1409H). *Ḥilyat al-Awliyā’ wa Ṭabaqāt al-Ashfiyā’* (Vol. 10). Dar al-Kutub al-‘Ilmiyyah.
- Abū Ya‘lā al-Mawṣilī. (1992). *Musnad Abī Ya‘lā al-Mawṣilī*. al-Thaqāfah al-‘Arabiyyah.
- Aḥmad, Ibn Ḥanbal. (1995). *al-Musnad*. Mu‘assasat al-Risālah.
- al-Bayhaqī, Abu Bakr Aḥmad Ibn al-Ḥusayn. *Shu‘ab al-Imān*. Dār al-Kutub al-‘Ilmiyyah.
- al-Bayhaqī, Abu Bakr Aḥmad Ibn al-Ḥusayn. (1992). *al-Sunan al-Saghīr*. Dār al-Kutub al-‘Ilmiyyah.
- al-Bayhaqī, Abu Bakr Aḥmad Ibn al-Ḥusayn. (2000). *al-Sunan al-Kubrā*. Dār al-Kutub al-‘Ilmiyyah.
- al-Bayhaqī, Abu Bakr Aḥmad Ibn al-Ḥusayn. (2001). *Ma‘rifat al-Sunan wa al-Athār*. Dār al-Kutub al-‘Ilmiyyah.
- al-Bazzār, Abū Bakr. (1997). *al-Baḥr al-Zakḥkhār bi Musnad al-Bazzār*. Maktabat al-‘Ulūm wa al-Ḥikam.
- al-Bukhārī, Muḥammad Ismā‘īl. (1999). *Ṣaḥīḥ al-Bukhārī*. Dar al-Salām.

- al-Bukhārī, Muḥammad Ismā'īl. (2001). *al-Tārīkh al-Kabīr*. Dar al-Kutub al-'Ilmiyyah.
- al-Būṣīrī. (1998). *Ithāf al-Khiyarah al-Maharah bi Zawā'id al-Masānid al-'Asharah* [Tahqiq: Abu 'Abd al-Rahman 'Adil Ibn Sa'd & Abu Ishaq al-Sayyid Ibn Mahmud]. al-Rushd.
- al-Dāraquṭnī, 'Alī 'Umar. (2004). *Sunan al-Dāraquṭnī*. Mu'assasat al-Risālah.
- al-Dārimī, 'Abdullāh 'Abdurrahmān. (2000). *Sunan al-Dārimī*. Dār al-Mughnī li al-Nashr wa al-Tawzī'.
- al-Ḥākim, Ibn al-Bayyī' al-Naysabūrī. (1990). *al-Mustadrak 'alā al-Sahīḥayn*. Dār al-Kutub al-'Ilmiyyah.
- al-Haythami, Nur al-Din. *al-Maqsid al-'Ali fi Zawa'id Abi Ya'la al-Mawsili*.
- al-Haythami, Nur al-Din. *Bughyat al-Bahith 'an Zawa'id Musnad al-Harith* [Tahqiq: Mus'id 'Abd al-Hamid Muhammad al-Sa'dani]. al-Tala'i'.
- al-Khinn, Mustafa, al-Bugha, Mustafa, & Sharbaji, Ali. (2004). *al-Fiqh al-manhaji: Manhaj Fiqh al-Syafi'i* (Mohd Yusof Ahmad & Jamil Abdul Wahab, Trans.). Jabatan Mufti Kerajaan Negeri, Negeri Sembilan.
- al-Nasā'ī, Aḥmad Shu'ayb. (1986). *al-Sunan al-Kubrā*. Dār al-Kutub al-'Ilmiyyah.
- al-Nasā'ī, Aḥmad Shu'ayb. (1986). *al-Sunan al-Sughrā / al-Mujtabā min al-Sunan*. Maktab al-Matbū'āt al-Islāmiyyah.
- al-Rūyānī, Abū Bakr. (1416H). *Musnad al-Rūyānī*. Mu'assasat Qurṭubah.
- al-Shawkānī, Muhammad 'Ali al-Yamani al-San'ani. *al-Fawā'id al-Majmū'ah fi al-Aḥādīth al-Mawḍū'ah*. Dar al-Kutub al-'Ilmiyyah.
- al-Shihāb al-Quḍā'ī. (1986). *Musnad al-Shihāb*. al-Risalah.
- al-Tabarānī, Sulaymān Aḥmad. *Makārim al-Akhlāq*. Dar al-Kutub al-'Ilmiyyah.

al-Ṭabarānī, Sulayman Ahmad. *al-Du‘ā’*. Dar al-Basha'ir al-Islamiyyah / Dar al-Kutub al-'Ilmiyyah.

al-Ṭabarānī, Sulayman Ahmad. *al-Mu‘jam al-Awsaṭ*. Maktabat al-'Ulum wa al-Hikam.

al-Ṭabarānī, Sulayman Ahmad. *al-Mu‘jam al-Kabīr*. Maktabat al-'Ulūm wa al-Ḥikam.

al-Ṭabarānī, Sulayman Ahmad. *Musnad al-Shāmiyyīn*. Mu‘assasat al-Risālah.

al-Tabari, Muhammad Jarir. (2000). *Jami' al-Bayan fi Ta'wil al-Qur'an*. Mu'assasat al-Risalah.

al-Tahawi. *Mushkil al-Athar*. Mu'assasat al-Risalah.

al-Tirmidzī, Muḥammad ‘Isā. *al-Jāmi‘ al-Kabīr (Sunan al-Tirmidzī)*. Maktabat al-Ma‘ārif li al-Nashr wa al-Tawzī‘.

Ibn ‘Abd al-Barr, Yusuf Abdullah. *al-Tamhīd*. Wizarat 'Umum al-Awqaf wa al-Shu'un al-Islamiyyah.

Ibn Abi Hatim al-Razi, 'Abdurrahman. (1419H). *Tafsir al-Qur'an al-'Azim*. Maktabah Nizar Mustafa al-Baz.

Ibn Abi Shaybah. (2004). *Musannaf Ibn Abi Shaybah*. al-Rushd.

Ibn al-Jārūd al-Naysābūrī. *al-Muntaqā min al-Sunan al-Musnadah* (1 ed.) [Tahqīq: ‘Abdullāh ‘Umar al-Bārūdī]. Mu‘assasat al-Kitāb al-Thaqāfiyyah.

Ibn al-Jawzi, Abdurrahman Ali. (1998). *al-Tahqiq fi Masa'il al-Khilaf* [Tahqiq: 'Abd al-Mu'ti Amin Qal'aji]. al-Wa'y al-'Arabi.

Ibn ‘Asākir, Ali Hasan. (1998). *Tārīkh Dimashq*. Dar al-Fikr.

Ibn Ḥajar al-‘Asqalānī, Aḥmad ‘Alī. (1996). *Ithāf al-Maharah bi al-Fawā'id al-Mubtakarah min Aṭrāf al-'Asharah*. Majma' al-Malik Fahd wa Markaz Khidmat al-Sunnah wa al-Sirah al-Nabawiyyah.

Ibn Ḥajar al-‘Asqalānī, Aḥmad ‘Alī. (1998). *al-Maṭālib al-‘Āliyah bi Zawā'id al-Masānid al-Thamāniyah*. al-Mamlakah al-'Arabiyyah al-Sa'ūdiyyah.

Ibn Ḥibbān, Muḥammad. (1993). *Ṣaḥīḥ Ibn Ḥibbān*. Mu‘assasat al-Risālah.


Ibn Khuzaymah. *Şahīḥ Ibn Khuzaymah*. al-Maktab al-Islami.

Ibn Mājah, Muḥammad Yazīd Qazwīnī. (2010). *Sunan Ibn Mājah*. Dār Ihyā' al-Kutub al-'Arabiyyah.

Mālik, Anas al-Madanī. *al-Muwaṭṭa' - Riwayat Muhammad ibn al-Hasan al-Shaybani* (1 ed.) [Tahqiq: Muhammad Fu'ad 'Abd al-Baqi]. Dar Ihya' al-Turath al-'Arabi.

Muslim, Ibn al-Ḥajjāj. (2006). *al-Jāmi' al-Şahīḥ / Şahīḥ Muslim*. Dār Ṭaybah.

Tamām al-Rāzī, Ibn Muhammad. *Fawā'id Tamām al-Rāzī*. Maktabat al-Rushd.





40 Hadith Asas Muamalat Islam

Fiqh Muamalat adalah satu disiplin ilmu yang sangat luas dan dinamik serta mencabar. Buku ini dilihat sesuai untuk dijadikan sebagai “pintu masuk” dan “asas pertama” bagi membina kefahaman yang menyeluruh tentang Fiqh Muamalat. Membina asas yang kukuh dengan memahami dan meneliti hadith-hadith utama adalah salah satu kaedah terbaik bagi memulakan pengajian di dalam bidang Fiqh Muamalat ini. Penulis amat berharap agar buku yang kecil dan usaha yang kerdil ini dapat menyuntik serba sedikit rasa keprihatinan pembaca terhadap kepentingan ilmu Muamalat Islam dan seterusnya mempelajarinya dengan lebih terperinci dan teliti serta mengamalkannya dalam kehidupan seharian. Ia adalah satu usaha bagi memudahkan gapaian asas hadith *mawdū’ī* (tematik) kepada para pelajar dan pembaca yang berminat untuk mengetahui kerangka umum Fiqh Muamalat. Hadith-hadith ini akan membentuk kefahaman umum bagi para penelitinya tentang asas kerangka Fiqh Muamalat di dalam Syariat Islam – Insya-Allah. Semoga kita semua dapat menjadikan urusan Muamalat kita sebagai peluang ibadah kita dan seterusnya menjadikan ia sebab mendapatkan keredaan Allah ﷻ, rahmat-Nya, keampunan-Nya dan syurga-Nya. Semoga buku ini bermanfaat buat semua.

Dr. Abdullaah Jalil merupakan pensyarah kanan di Fakulti Ekonomi dan Muamalat, Universiti Sains Islam Malaysia (USIM) di Nilai, Negeri Sembilan. Beliau turut memainkan peranan sebagai ahli Jawatankuasa Syariah di dalam industri perbankan Islam, takaful, koperasi dan wakaf sejak 2012 sehingga ke hari ini. Beliau juga merupakan ahli Panel Syariah USIM sejak ia ditubuhkan dan menjadi salah seorang penyelidik fatwa bagi Jabatan Mufti Negeri Sembilan sejak tahun 2016. Beliau juga terlibat di dalam bidang Deradikalisasi dan PCVE (Kefahaman Agama) sejak tahun 2008 dan dianugerahkan anugerah “Friends of the Police” pada Hari Polis Kebangsaan 2012.

